

А. А. ПОЗДЕЕВА

УДМУРТ  
ГРАММАТИКА

I

ЛЮКЕТЭЗ

ФОНЕТИКА

НО


МОРФОЛОГИЯ


НЕПОЛНОЙ СРЕДНЕЙ НО  
СРЕДНЕЙ ШКОЛАЛЫ УЧЕБНИК

ДУНЫЗ 1 И 45 К.



УДМУРТСКОЙ  
ГОСУДАРСТВЕННОЙ ИЗДАТЕЛЬСТВО  
ИЖЕВСК 1938





100

Удмур.  
3-134

А. А. ПОЗДЕЕВА

У Д М У Р Т  
ГРАММАТИКА

*НЫРЫСЕТӢ ЛЮКЕТЭЗ*

**ФОНЕТИКА НО МОРФОЛОГИЯ**

НЕПОЛНОЙ СРЕДНЕЙ НО  
СРЕДНЕЙ ШКОЛАЛЫ УЧЕБНИК

*РСФСР-ысь но УАССР-ысь Наркомпросъёсын юнматэмын*



Инв. № 691

УДМУРТСКОЙ  
ГОСУДАРСТВЕННОЙ ИЗДАТЕЛЬСТВО  
ИЖЕВСК 1938

Вераськонлэсь строенизэ дышетйсь наукаез **грамматика** шуо.

Грамматика дышетэ предложениослэсь но предложениысь кылёслэсь куспазы герзаськемзэс, кылёслэсь строенизэс но соослэсь пёртэм куараослы люкиськемзэс.

Преджениысь кылёслэсь но пёртэм предложениослэсь куспазы герзаськемзэс дышетонэз **синтаксис** шуо.

Кылэсь строенизэ но вераськонын солэсь вошъяськылэмзэ дышетонэз **морфология** шуо.

Куараос сярэсь дышетонэз **фонетика** шуо.

Грамматикаез дышетыны кулэ: 1) кылэсь законъёссэ тодыны, 2) шонер вераськыны но гожъяськыны, 3) адямилэн быдэс мышленнезлэсь развитизэ жутыны понна.

Кылёсты шонер гожъяны люкам правилоосты **орфография** шуо.

Преджениосын пёртэм знакёс (точка, юан знак, запятой но мукет) пуктылон правилоосты **пунктуация** шуо.

Орфография но пунктуация юртто шонер, валамон лыдзыны но гожъяськыны, капчиято гожъямез но печатламез валаны.

## ВВЕДЕНИЕ.

### 1 §. Предложениез валан.

Адямиос<sup>г</sup> асьсэлэсь малпамзэс огзылы огзы кылын верало. Малпамез одйг кылын но трос кылын но вераны луэ.

Например: *Чукна. Куазь шулдыр. Колхозникъёс бусые ужаны мыно.*

Быдэсдем малпамез возматыса, трос кылын или одйг кылын верам предложение шуыса нимаське.

Кылъёс предложениын куспазы герзасько. Со герзаськемез юанъёс пуктыса валаны луэ.

Например: *Бадзым бусыын тракторъёс гурето. Ма сярысь татын вераське? — Тракторъёс сярысь. Ма каро соос? — Гурето. Кытын гурето? — Бусыын. Кыче бусыын? — Бадзым бусыын.*

Предложениосын кылъёс лыдъя, лицоя, дыръя вошъяськыса герзаськемын луо.

Например: *Тракторист тракторзэ сузя. Трактористъёс тракторъёссэс сузяло.*

Та кык предложениосын кылъёс герзамын лыдъя. Нырысыз предложениын одйг трактористлэн ужамез сярысь верамын, а кык-тэтйяз предложениын — трос трактористъёслэн ужамзы сярысь.

Трос лыдын кылъёслэн кылпумъёссы форма ласянь но воштйсько.

*Толон жытазе мон книга лыдзи.*

*Туннэ мон книга лыдзисько.*

Та предложениосын кылъёс дыръя герзамын. Нырысыз предложениын вераське ортчем дырын уж сярысь, нош кыктэтйяз предложениын — али дырын уж сярысь.

*Ми типографие экскурсие ветлйм.*

*Соос типографие экскурсие ветлйзы.*

Та предложениосын кылъёс лицоя герзасько.

*Милям классамы ньыльдон мурт дышетскисьёсмы.*

*Тйляд классады кбня дышетскисьёсты?*

Та предложениосын но кылъёс, лицоя герзаськыса, форма-зэс вошто.

Портэм кылъёсты куспазы герзатэк верад ке, со предложение уз луы. Отысь номерзэ но уд вала.

Например: *Колхоз вайыны трактор туннэ*. Валаны уг луы. Кулэ тазы: *Колхоз туннэ трактор ваиз*.

*1 уж.* Юанъёс пуктыса, вералэ предложениосысь кылъёслэсь герзаськемзэс.

1. Асьме странаын бадзым лэсьтиськон мынэ. 2. Фабрикаосын но заводъёсын рабочийёс сложной машинаосын ужало. 3. Колхозъёсын колхозникъёс вань сельскохозяйственной ужъёсты машинаосын ужало. 4. Милям классамы куамын сизьым мурт дышетске. 5. Толон ми ветлым звуковой киное. 6. Сояз арняе тй экскурсие совхозэ ветлды-а?

## 2 §. Предложениослэн куараая люкиськемзы.

Пёртэм предложениосты куарамес вошъяса вераськом: или каньыл огшоры гинэ, или куараез жутыса, или сое улэгес лэзьыса.

Предложениос куараая куинь пёртэмлы люкисько: **повествовательной, восклицательной но юан предложениослы.**

**Маке сярысь валэктыса, ивортыса каньыл гинэ огшоры верамез повествовательной предложение шуо.**

Например: *Гуртамы виль школа пуктйзы. Трос гуртвёсын электричество жуа ни.*

Повествовательной предложениез каньыл вераськом, пумаз куараез улэгес лэзьыса. Повествовательной предложенилэн пумаз точка (.) пуктиське.

**Маке сярысь юаса верамез юан предложение шуо.**

Например: *Тйляд гуртады электричество вань-а? Петя, кытын тон дышетскод средней школаез бытэм берад?*

Юан предложениын юан кылзэ юнгес вераськом. Юан предложенилэн пумаз юан знак (?) пуктиське.

**Маке сярысь абдраса, вазиськыса, ётыса, шумпотыса, жаляса, косыса, курыса юн верамез восклицательной предложение шуо.**

Например: *Кыёе шулдыр бусыын! Пинальёс, мыноме шуре пыласькыны! Кужмо кариське ужаны!*

Восклицательной предложениын куараез жутысагес вераськом. Восклицательной предложенилэн пумаз восклицательной знак (!) пуктиське.

*2 уж.* Повествовательной, восклицательной но юан предложениосты куарадэс умой вошъяса лэдзе.

Огпол вазь чукна Ромась городысь виль вузэн вуиз. Дйськутсэ куяса, мукет дйсьськыз, пыласькыз но чай юыны кутскон азяз шулдырак вераз:

— Ох и умой уин шур вылтй васькыны!

Малпамтэ шорысь, нырыныз мае ке шёдыса, куалектыса юаз:

— Маке но сурым зын потэ кадъ?

Со куспын ик гидкуазыын кухаркалэн бёрдем куараез кылськыз:



— Жуаськом!

Азбаре потйзы, — сарайлэн бакча пал борддорез жуа. Сарайын керосин, тэки т но вѳй возѳ вал. Кухарка ведраен ву ваиз. Ромась сое жуась борддоре кисьтйз но ведразѳ куштѳм безраз вераз:

— Погыллялѳ бочкаосты, Максимыч! Онисья, лавкае!

Чын пушкын нюк вылтй кесяськем бумагаос лобало.

— Эх, — шуиз Ромась, — жаль книгаос! Умоесь вал книгаос.

Нылетйез корка жуа вал ини. Пиосмуртѳс но нылкышноос, котькудѳз ас понназы скулмаськыса, солань-талань ветлыса, кужмо куараен кесясько:

— Ву вае!

Пиосмуртѳс одѳг коргидлѳсь борддорѳз кесяны кутскизы. Тыл кизилиос соос вылѳ усьыло. Соос, жуаны кутскись дѳремѳс ѳссѳс кысыны турттыса, палѳнѳ тѳтчало.

— Эн кышкалѳ! — черекѳя Ромась.

Черекѳямез ѳз юртты. Соку со кинлѳсь ке йырысьтыз ызыѳз басьтѳз но Алѳшалѳн йыраз ызыяз.

— Кора со пал пумысьтыз, мон — татй!

М. Горький, Мынам университетѳсы.

**3 уж.** Предложениос пуме точка, юан знак или восклицательной знак пуктылыса, тетрады гожьылѳ.

I. Нюлѳс пушкы ѳжит гинѳ пырыса, паськыт шур кошке Та шур кузя ик возѳ вѳлмемын Гужем лек ужѳс дырѳя валѳсты сюдыны но люктаны пиналѳс татчы вайыло Трос пѳртѳм чурен шудылыса, дырзѳс ортчытыны паськыт эрик луѳ Дун ву, шудыса кадѳ, жилъыртыса бызе, пиналѳсслѳсь пыласькемзѳс кадѳ вите Ярдуртй, вуѳ тѳтчыны медыса кадѳ, пушнерѳс но пѳртѳм вож турынѳс сыло

— Пыласькоме, кыѳе капчи луоз асьмелы

Пиналѳслѳн дѳскутѳссы ярдурын адско ни Шурлѳн мур интыосыз тросѳзлы пиналѳслы тодмо, соин ярдурысен ик вуѳ кышкатѳк тѳтчало

II. — Олокытчы та Кирилл мынѳ Гуртѳ бертоно

Пиналѳс гуртѳ бертыны кутскизы

— Сылѳ, сылѳ, эшѳс Мынонмы кыдѳкын ѳвѳл, жоген шур доры вуом Отын нюк кузя эмезь но вань, шурын чорыг но трос

## ПРЕДЛОЖЕНИЛѳН ГЛАВНОЙ ЧЛЕНѳСЫЗ.

### 3 §. Подлежащой но сказуемой.

Предложениын кин ке но маке сярысь верамез возматѳсь кылѳз подлежащой шуо.

Подлежащойлы юанѳс пукто: кин? ма? или кинѳ? кинмы? кинѳд? кинѳз? ма и? ма и д? ма и з?; трос лыдын — кин ѳ

ёс? маос? или кинъёсы? кинъёсыд? кинъёсыз? маосы? маосыд? маосыз?

Например: *Ваня чорыганы ветлйз.* Кин чорыганы ветлйз? — *Ваня* (подлежащей).

*Гужем пионеръёс лагере кошкызы.* Кинъёс лагере кошкызы? — *Пионеръёс* (подлежащей).

*Колхозын электричество югдытэ.* Ма югдытэ колхозын? — *Электричество* (подлежащей).

*Бусын тракторъёс чашето.* Маос чашето бусын? — *Тракторъёс* (подлежащей).

*Книгаосы жбк вылын кыллэ.* Маосы жбк вылын кыллэ? — *Книгаосы* (подлежащей).

**Предложениын предметлэсъ** маке каремзэ, маке луэмзэ, кыче, кин но ма луэмзэ возыматись кылэз сказуемой шуо.

Сказуемойлы юанъёс пукто: ма каре? ма кариз? ма кароз? ма луэ? кин луэ? кыче луэ?

*Туннэ ми шурын пыласкым.* Ма карим ми туннэ? — *Пыласкым* (сказуемой).

*Зор бере бусы возжктйз.* Ма луиз бусы зор бере? — *Возжктйз* (сказуемой).

*Классмы туж шулдыр.* Кыче классмы? — *Туж шулдыр* (сказуемой).

*Братэ — дышетись.* Кин луэ братэ? — *Дышетись* (сказуемой).

*Трактор — машина.* Ма луэ трактор? — *Машина* (сказуемой).

Подлежащей но сказуемой предложениын тупало лыдъя. Подлежащее одйг лыдын ке, сказуемое одйг лыдын, подлежащее трос лыдын ке, сказуемое но трос лыдын.

Например: *Трактор гыре. Тракторъёс гыро. Дышетскись лыдэе. Дышетскисьёс лыдзо. Мон гожъяськисько. Ми гожъяськиськом. Классмы шулдыр. Классвёсмы шулдыресь.*

**4 уж.** Гожъялэ тетраяды. Подлежащее одйг гожен пусье, а сказуемое — кык гожен.

I. Уй но нунал, вискарытэк, завод ужа. Андан кисьтон цехе трос рабочийёс пыртэмын. Соос усто, зеч ужаны дышетско. Борис но дышетске. Со крановщик. Али со бригадир-ударник. Солэн бригадаез зол ужа. Андан кисьтйсьёс уж дурын бугыр гинэ ужало. Гурын андан пöse. Рабочийёс ужзэс тодо. Соос ваньзы уж бордын: кин гур усья, кин пöзись анданэз сура. Музын формаос сыло. Формаосы гурысь пöсь андан бызе. Отын со кынме. Собере формаысь басьто но токарь доры нуо. Токарь вöлэ, кулэ тйрлыкъёс лэсьтэ.

II. 1. Милян шурмы чорыген узыр. 2. Колхозамы тракторен гыро. 3. Али мон витетй классын дышетскисько. 4. Толон милем трос задачаос решать карыны сётйзы. 5. Быдэс нунал чоже туж юн зориз. 6. Сйзыл уйёс пумен кузесь луо, а нунальёс — вакчесь. 7. Лымы уй чоже южмам, нош кытй-кытй писуос вискын ву пуке, сапегъёс улын ву пазяське. 8. Йö кылле

на, апрель шунды солэсь вылзэ ёжыт гинэ шунтыны вуэм.  
9. Эше заводын ужа. Со мастер.

*5 уж.* Точкаос интые ульй возматэм подлежащойёсты кулэоссэ пыртылэ.

1. Улэм-вылэм одйг . . . . Солэн . . . кулэм но, со нылы-  
ныз ваче кылем. Жоген . . . дунне вылысь самой вылтйась-  
кись но лек кышномуртэз кыктэтйизэ кышно басьтэм. Палкыш-  
но кылем . . . , нырысь кустпалызлэсь кык . . . выйиллям. Та  
. . . тусын тужгес мумызылы укшасесь выйиллям.

Нырысь нуналъёсысен ик нылэз . . . куркарыны кутскиз.  
. . . сое урод дйся, урод сюдэ, нош ужатэ самой секыт ужъ-  
ёсты . . . пол чуже, тусьты-пуньы но дйсь миське. Изе . . .  
корка сигын липет улын ик, пол вылын, вalem куро вылын.  
Нош солэн . . . шунит, югыт комнатаосын уло, чылкыт небыт  
валесын буртчин шобретъёс улын изё.

Ужзэ быдэстыса, куанер . . . камин (гур) доры пень куды  
борды пуксёз вылэм. Соин ик . . . но сузэръёсыз сое Золушка  
нималлям . . . вань куркаремъёссэ чидаса улылэм, бубизлы  
юку но чагиськылымтэ . . . ноку но солэсь ёй кылзйськысал,  
малы ке шуоно, лек кышноезлэсь кышка вал.

Перрө, Золушка.

Точкаос интые подлежащойёс: *со* (ныль пол), *адями*, *кышно-  
ез*, *нылъёсыз*, *ныл* (кык пол), *скормумиз*, *Золушка*, *бубиз*, *су-  
зэръёсыз*.

II. 1. Туннэ . . . усиз. 2. Ваньом дыръя . . . клубе мы-  
нйськом но отын газетъёс, журналъёс лыдзиськом. 3. Клубамы  
пёртэм . . . ужало. 4. Туннэ . . . вералоз 1905 ар сярись  
5. . . . шур Черной морае усе. 6. . . . но . . . шуръёс  
Волгае усё.

Точкаос интые кылъёс: *ми*, *кружокъёс*, *лымы*, *Днепр*, *до-  
кладчик*, *Ока*, *Кама*.

*6 уж.* Точкаос интые 8-тй стр. возматэм сказуемойёсты кулэоссэ пыртылэ.

1. Музьем эгыр мур музьемын . . . . 2. Разведчикъёс ню-  
лэсын, кыр интыосын но кёс кыръёсын гинэ уг ужало, соос ла-  
бораториосын но . . . . 3. Торфяной нюръёс вылэ асьмеос элек-  
трической станциос . . . но, торфез электрической токлы пёрмыты-  
са, сое провод кузя лэзём. 4. Писпуэз куасаллясь тёлэз но ужаны  
. . . асьмеос. 5. Асьмелэн ученойёсмы тёлын ужась пайдаё виль  
двигатель . . . ни. 6. Разведчикъёс Якутиын куать этажо кор-  
калэсь но жужытэсь быдэс чылкыт из сылаллэсь скалаос . . . .  
7. Нош сылал асьмелэн . . . мукет интыосын но. 8. Сера  
асьмелы . . . бумага но резина лэсьтыны. 9. Виноградэз но  
хлопокез вредительёслэсь возьманы понна сераен . . . . 10. Коть-  
куд школьниклы разведчик . . . . 11. Экспедициос . . . , умой вала-  
мон картаос . . . . 12. Со картаосады . . . ваньзэ, маке ярамон  
вань пятилеткалы.

Точкаос интые кылъёс — сказуемойёс: *ужало, кылле, пуктом, шедьтӱзы, косом, лэсьтӱзы, луыны кулэ, вань, пызйыло, пусйылэ, лэсьтылэ, ортчытъялэ, кулэ.*

М. Ильин, Великой план сярсыс рассказ

#### 4 §. Предложенилэн второстепенной членъёсыз.

Предложенияын подлежащее но сказуемоез главной членъёс шуо. Главной членъёс сяна, предложениын второстепенной членъёс луо на.

Например: *Орина колхоз пудооссэ умой утялтэ.* Та предложениын подлежащее — *Орина*, сказуемоез — *утялтэ*. Кинэ *Орина* утялтэ? — *Колхоз пудооссэ*. Кызы утялтэ со пудооссэ? — *Умой*. Предложениын *колхоз, пудооссэ, умой* кылъёс — второстепенной членъёс.

Второстепенной членъёс валэкто подлежащеез, сказуемоез или кудзэ ке второстепенной членэз.


Например: *Вуэм зег шепъёсыныз каньылля вераське.* Та предложениын *зег* — подлежащей, *вераське* — сказуемой. *Зег вераське* — предложение валамон ёвёл на. Юанъёс пуктыны луэ на: кыче *зег*? — *Вуэм зег*. Маин *вераське*? — *Шепъёсыныз*. Кызы со *вераське*? — *Каньылля*.

*Вуэм* кыл *зег* кылэз — предложениысь подлежащеез валэктэ; *каньылля, шепъёсыныз* кылъёс *вераське* кылэз — предложениысь сказуемоез валэкто.

*Пичи отряд зег луд сюрес кузя мынэ.* Кин мынэ? — *Отряд*. Кыче отряд? — *Пичи*. Кыты мынэ пичи отряд? — *Сюрес кузя*. Кыче сюрес кузя? — *Луд*. Кыче луд? — *Зег*. Та предложениын подлежащеез — *отряд*, сое валэктэ *пичи* кыл; сказуемоез — *мынэ*; *сюрес кузя* — второстепенной член сказуемоез валэктэ. *Зег луд* — второстепенной членъёс валэкто *сюрес кузя* второстепенной членэз.

Второстепенной членъёслэсь главной членъёсты но мукетъёссэ второстепенной членъёсты валэктэмзэс умойгес валаны понна, предложениез схемаен сётиськом.


Например: *Дун ву жилььртыса бызе.*



подлежащеез валэктӱсь  
второстепенной член.

сказуемоез валэктӱсь  
второстепенной член.

Пось нуналъёсын ву куара мылкыдэз капчиятэ.



Кыдёкын жужытэсь, бадзым улваё, шер сылйсь пужымъёс адско.



7 уж. Улй предложениослы схемаос лэсьтэ.

1. Дышетскись пиналъёс туннэ шуре пыласькыны мыно.
2. Пиналъёслэн куараоссы шур кузя нюлэс пушкы кыдёке чузъясько.
3. Царской правительство дыръя национальной меньшинствоос туж урод улызы.
4. Великой Октябрьской социалистической революция трудящей калыклы свобода сётйз.

## § 5. Вёлскем но вёлскимтэ предложениос.

Предложение главной членъёс гинэ ке пыро, сое вёлскимтэ предложение шуо.

Предложение главной членъёс сяна, второстепенной членъёс ке пыро, сое вёлскем предложение шуо.

Например: *Миша гожъяське. Дышетскисьёс суредало. Дышетйсь валэктэ.* Та предложениосын подлежащейёс сказуемойёсын гинэ герзаськыса пыремын, соин соос вёлскымтэ предложениос луо.

*Милям гуртамы выль школа пуктэмын.*

*Выль лэсьтэм школа гурезь бамын шунды шорын сылэ.*

Та предложениосы главной членёс (подлежащей но сказуемой) сяна, второстепенной членёс пыро на. Сыче предложениос вёлскем предложениос луо.

*8 уж. Лыдэ но вералэ, кудйз вёлскымтэ, кудйз вёлскем предложение.*

1. Уй ортчиз. Чукна вуиз. Шунды туж чебер жужаз. Гудок кеськиз. Рабочийёс заводэ ужаны мыно. Соос люкаськизы. Соревноваться кариськыса, ударно ужало рабочийёс. Заводлэн сюлмыз пöзе. Рудаысь со чугун, андан, корт поттэ, машина лэсьтэ.

II. 1. Милям гуртамы ньыль тракторёс ужало. 2. Трактор—машина. 3. Аран машина ара. 4. Зор ортчиз. 5. Куазь шулдырскиз. 6. Садъёсын емыш писпуос сяськаясько. 8. Писпуос куашето. 9. Тылобурдоос шулдыр кырзало. 10. Тулыс кизён дыр вуиз.

## 6 §. Простой но сложной предложениос.

*Колхозникъёс бусыын ю-нянь окто-калто. Одйг бригада нюлэсын пу кора.*

Вылй кык предложениос гожтэмын. Нырысыз предложениын подлежащее—*колхозникъёс*, нош сказуемое—*окто-калто*. Быдэс предложение возматэ колхозникъёслэсь ю-нянь октон-калтонзэс.

Кыктэтйяз предложениын подлежащее *одйг бригада*, нош сказуемое *кора*. Быдэс предложение бригадалэн пу корамез сярысь вера.

Нырысыз предложениын одйг маке сярысь одйг малпамез верамын. Кыктэтйяз но одйг маке сярысь ик одйг малпамез ик верамын.

**Одйг маке сярысь малпамез верам простой предложение нимаське.**

Эскером таçe предложениосты:

*Сйзыл ортчиз, тол вуиз. Бусыос лымыен шобырскизы, нош шуръёс вылын йö кымиз.*

Нырысыз предложениын сйзыллэн ортчез но толлэн вуэмез сярысь вераське. Та предложениын кык малпамез огазе герзаса верамын. Тае нимазы кык предложениослы но люкыны луэ тазы: *Сйзыл ортчиз. Тол вуиз.*

Кыктэтйяз предложениын но кык маке сярысь вераське, кык малпанъёс герзамын. Одйг малпамез—бусыослэсь лымыен шобырскемзэс возматэ, нош кыктэтйез—шуръёс вылын йö кымемез. Та предложениез но кык предложениослы люкыны луэ: *Бусыос лымыен шобырскизы. Шуръёс вылын йö кымиз.*

Басьтом на таçe предложениез: *Ми соревноваться кариськыса ужам но, соин планмес дырызлэсь азъвыл быдэстйм.* Та

предложениын но кык малпамъёс герзэмын. Одыгез вера кланэз дырылзэсь азъвыл быдэстэм сярэсь, нош мукетыз валэктэ сое, малы дырылзэсь азъвыл быдэстйм шуыса. Та предложениез но люкыны луэ кык предложениослы: *Ми соревноваться кариськыса ужам. Планмес дырылзэсь азъвыл быдэстйм.*

Кудаз предложениосын кыклэсь но трос малпанъёс герзаса верамын луо.

Например: *Выль лэсьтэм цехъёс валляла туссэс ыштйллям ни: соослэн укнооссы паськытэсь, пушказы выль техника инъямын.* Та предложениын куинь маке сярэсь вераське. Нырыяз — *цехъёс* сярэсь, кыктэтяз — *укнооссы* сярэсь, куиньметяз — *техника* сярэсь. Бёрысьёсыз кык предложениос валэкто нырысь предложениез, соин висказы двоеточие пуктэмын.

**Кöня ке простой предложениосты куспазы герзаса верам сложной предложение нимаське.**

Сложной предложениын простой предложениос вискы пöртэм знакъёс пуктыло.

*9 уж.* Азьло гождялэ простой предложениосты, собере—сложной предложениосты.

1. Советъёс электрификация сярэсь скулмасько. 2. Электричество мынэ парлэн кужымез интые но. 3. Ленин вераз, что коммунизм—советской власть плюс электрификация. 4. Тулыс кизён азе зеч ке дасяським, кизёнэз умой ортчытом. 5. Комбайнъёс ю-нянь октон-калтон азе дасесь. 6. Ю кидыс дасямын. 7. Хорын кырзасьёс кылызы, нош мукетъёсыз пинальёс гуртэ кошкызы. 8. Дырын-дырын төл ырак карылэ ке но, нунал туж пöсь. 9. Толло зор ужаны öжит люкетыз ке но, со воздуhez капчи кариз, салкымгес кариськиз. 10. Кытчы ке уг учкиськы, котькытын зеч зег. 11. Ю-нянь туэ туж зеч удалтй.

*10 уж.* Сложной предложениосысь подлежащейёссэ одйг гожен, нош сказуемойёссэ кык гожен тодмытыса, тетрадады гождялэ.

1. Доктор вераз, висисьлы шутэтскон кулэ шуыса. 2. Мынам буби ужа заводуын, кытын тракторъёс лэсьто. 3. Дышетйсь книгазэ усътйз, дышетскисьёс чалмытскизы но лыдземзэ кылзыны дасяськизы. 4. Гужем пинальёс лагере ветлйзы но, соослэн тазалыксы тупатскиз. 5. Чабей уллань мыкырскемын, **уж тыртысьёс** шепез музъеме кыско.

## 7 §. Кыллэн значениез но формаез.

Котькуд кыллэн валатонэз, значениез луэ. Форма ласянь но кыльёс пöртэмесь луо. Соин кылэз значениезъя но формаезъя эскероно.

Например, басътом таче кыльёсты: *турын* но *турна*. *Турын* кыл ас формаеныз будйсь маке сярэсь валатон сётэ, нош *турна* кыл ас формаеныз адямилэсь турын бордын ужамзэ валэктэ. Турын турнась муртэз *турнась* шуиськом.

Та выль примеръёс возматое сое: кыллэн значениез воштйське ке, формаез но воштйське.

Кудйз одйг формаем кылъёс трос значением луо. Соослэсь значенизэс предложениын гинэ валаны луэ.

Например: *Пуные гуртэ кылиз. Со пальтозэ кылиз.*

Та кык предложениосын *кылиз* кыллэн кык значениез.

Кудзэ одйг значением кылъёсты форма ласянь трос пӧртэм вералляло.

Например: *Зезы—капка, подушка — миндэр, жеп — карман, кызы—шапка* но мукет.

Адымилэн вераськон кылыз ялан развиваться кариське, вераськоназ выль кылъёс пыро.

Уль возматэм кылъёс асьме вераськон кыламы Октябрьской революция бере пыремын луо: *колхоз, совхоз, пятилетка, промфинплан, ликпункт, ликбез, избач, субботник, обезличка, уравниловка, соцсоревнование, стахановец* но трос мукет кылъёс.

Тросэз кылъёс вераськононысь быро.

Например: *тӧро, подъясь* но мукет. (Тӧроос но подъясьёс али бӧвл ни но, соин со кылъёс но быремын.)

Нош кудйзлэн кылъёслэн значенизы вошке или расширяться кариське, формазы вужыз ик кыле.

Например: *староста, ударник* но мукет кылъёс выль валатон сётэ ни.

**11 уж.** Вералэ, кыче октябрь сярсы Пушкин вераське. Нош Безыменский?

Вуиз ини октябрь. (Пушкин.)

Ми Октябрлэн андан пиналъёсыз. (Безыменский.)

**12 уж.** Гожтэ словаряды Октябрьской революция бере потэм кылъёсты.

Октябрьской революция бере потэм кылъёслэсь основазэс СССР-ысь нациос тросэз огкадь верало, кылпумъёссэс гинэ котькуд национальной кыллэн законэзъя воштъяло.

Например: удмурт кылын — *колхозлы, колхозэн*; мари кылын — *колхозлан, колхоз дэн*; зуч кылын — *колхозу, колхозом*.

Научной но тросэз политической терминъёс быдэс дуннеысь калыкы интернациональной луо, кылпумъёссы гинэ пӧртэмесь.

Например: удмурт кылын — *электричествоен, автомобильёс, революциен, марксизм, ленинизм, астрономиез, тракторен, комбайнъёс* но мукет.

**13 уж.** Школаын или гуртын пӧртэм нациысь мургъёс ке вань, юалэ но гожтэ тетраяды, кызы верало таке кылъёсты:

Советъёс, колхозъёс, совхозысь, промфинпланэз, ударниклы, колхозниклэн, субботнике, Совнаркомын.

**14 уж.** Люкалэ интернациональной кылъёсты но словаряды пыртэ.

## 8 §. Омонимъёс.

Формазыя огкадэсь, нош значенизыя пӧртэм валано кылъёсты омонимъёс шуо.



Омонимъёслэсь валатонзэс предложениосын гинэ шонер валаны луэ.

Например: *Дор бере сюресъёс вылын ву пуке. Дырыз-дыръя гуртэ ву, ява.*

Нырысяз предложениын ву кыл возматэ предметэз, нош кыктэтйяз предложениын — косэм действиез.

Вераськон кыламы таё омонимъёс туж трос:

Предметъёслэн нимъёсы:

Маке карыны косэм кылъёс:

шу	шу
выж	выж
возь	возь
выр	выр
кыз	кыз
кӧл	кӧл
кут	кут
кур	кур
ю	ю
уй	уй
ул	ул
ву	ву
вить (5)	вить

15 уж. Выли возматэм омонимъёсты, словарьёсады пыртыса, ватсалэ на мукет омонимъёсын.

16 уж. Омонимъёсын пӧртэм предложеннос гожъялэ.

Возьматон тус: 1. *Туэ сйзьыл ми трос шу октйм.* 2. *Тон солы, тросгес лыдзылы но, Зеч дышетскод, шу.*

Таё омонимъёс предметъёслэн нимзы луо:

*Кут* (лобась маке), *кут* (пыдэ кутчан).

*Коньы* (нюлэсын улэ), *коньы* (копейка).

17 уж. Вералэ, кыё валатонъёсыз *кыл* кыллэн.

18 уж. Шедьтэ на асьтэос омоним луись кылъёсты но, валэктыса, словаряды пыртэ.

## 9 §. Синонимъёс.

**Формазыя пӧртэм, нош значенизыя одйг выллем валано кылъёсты синонимъёс шуо.**

Например: *юн—зол, лыктйз—вуиз, Зеч—умой, зйбыт—востэм, лякыт—каньыл* но мукет.

Синонимъёс вераськон кыллэсь узырлыкэс возматэ. Соосты ӧвӧл сурано дублетъёсын.

**Одйг мае ке пӧртэм кылъёсын верамез дублет шуо.**

Например: *капка—зезы, ворсай—пытсай, юнме—токма, пӧялляське—зрекчаське.*

Дублетъёсын \*одйг мае ке вераськом, нош синонимъёслэн ӧжытак пӧртэмзы луэ (*юн—зол*).

19 уж. Гожъялэ предложениосты, точкаос интые бур паласьтыз тупанозэ синонимез пыртыса.

- |   |                              |
|---|------------------------------|
| 1. Нуназе шорын туж пбсь<br>сылэ, уин гинэ. . . . . | } сйялскылэ<br>} кезьытскылэ |
| 2. Кбс турын чукна<br>лжсвуэи . . . . .             | } котмем<br>} нюроем         |
| 3. . . . турын зуродын<br>пбсектыны кутске.         | } нюр<br>} кот               |

**20 уж.** Шедьтэ синонимъёсты таёе кылъёслы но словаряды пыртэ:

чурыт — . . . . .	чулькак — . . . . .
кезьыт — . . . . .	ялан — . . . . .
кужио — . . . . .	азьланьске — . . . . .

## 10 §. Антонимъёс.

Вераськон кыламы кылъёс огез мукетызлы пумит луыса но пыро.

Например: *Таиз тетраде выль на, нош соиз — вуж ни. Вуж но выль* кылъёс значенизья огзылы огзы пумит сыло.

**Огзылы огзы пумит валано кылъёсты антонимъёс шуо.**

**21 уж.** Предложениосты тетрадяды гождьлэ но антоним луйсь кылъёсты гожен тодмостылэ.

1. Та уй туж пеймыт вал, нош кылем уй — туж югыт.
2. Юэз аран машинаен араны азинлыко. Сюрлоен аран туж жегыт.
3. Аэроплан азьло мечак вылэ тубиз, собере мечак улэ васькиз.
4. Таиз гурезь туж меч, нош соиз нялмыт.

**22 уж.** Улы кылъёслы антонимъёс шедьтыса, соосын предложениос гождьлэ.

капчи —	чебер —	курыт —
жоґ —	трос —	зол —
вакчи —	бадзым —	кутскои —
шара —	збк —	юан —

**23 уж.** Шедьтэ на антоним луйсь кылъёсты но словарьёсады пыртэ.

### 11 §. Куара но буква.

Предложениез асьмеос одйг кылын или трос кылын вераськом. Нимаз кылэз басьтыса, со пöртэм куараослы люкиське.

Куараос трос пöртэм луо, пелямы трос пöртэм кылйсько. Гожъяку, со куараосты пöртэм пусьёсын гожтйськом.

Например: *шар* кылын куинь куараез, куинь букваен гожтйськом.

**Куаралэсь нимаз пуссэ буква шуо.**

Куараослы быдэ радьяса пусьем букваосты алфавит шуо.

Удмурт алфавитэ 38 буква пыре: Аа, Бб, Вв, Гг, Дд, Ее, Ёё, Жж, Жж, Зз, Зз, Ии, Йй, а, Кк, Лл, Мм, Нн, Оо, Об, Пп, Рр, Сс, Тт, Уу, Фф, Хх, Цц, Чч, Чч, Шш, Щщ, ь, ь, Ыы, Ээ, Юю, Яя.

### 12 §. Вераськон органъёс (органы речи).

Куараосты вераны понна, тысьтымы воздухез поттоно луэ. Тысь воздухоргане (гульыме) шокан горлоетй мынэ. Гортаньын куара гердьёс луо. Воздух пырыку, со куара гердьёс золско но дырекъяло ке, куара пöрме. Куара гердьёс уг ке дырекъяло, куара но уг поты. Шокан горлоысь воздух куараен или куаратэк потэ ым пыртй, нош куддыръя ныр пыртй но.

Ымын воздух кыллэн пöртэм положениеныз пумиське: кыл илм жутскемын, или пумыныз улысь но выльсь пиньёс борды пыкиськемын луэ, или берпалыныз-а, шорыныз-а ыманэ йöтэ.

Ым пушкысь потыкуз, воздух пумита ымдурьёслэсь пöртэм положенизэс: соос куддыръя азыпала мычисько, золтйсько или ваче пыкисько. Озы, кыллэн но ымдурьёслэн пöртэм положениенызы, воздухлэн кытчы ке но пыкиськыса потэменыз, пöртэм куараос пöрмо.



1 суред.

АА — ымдурьёс; ББ — шиньёс; В — чурит ыманлэн азь люкетэз; Г — чурит ыман; Д — небит ыман; Е — кыллэн азь люкетэз; Ж — кыллэн шор люкетэз; З — кыллэн бер палыз.

Гласной куараосты вераку, ым паськытгес усьтйське, кыл борды но ымдурьёс борды воздух уг пыкиськы. Соин ик гласной куараосты капчи вераны, соосты кема луэ нёжтыны.

Согласной куараосты вераку, ым пушкысь вераськон органъёс (ыман, кыл, ымдурьёс но пиньёс) одйг положениязы уг луо. Например: *n* куараез вераку, ымдурьёс тач-тач валчясько, *m* куараез вераку, кыллэн пумыз вылысь пинь борды йбтэ.

### 13 §. Гласной куараос.

Удмурт кылын таёе гласной куараос луо: **а, э, ы, и, у, о, ё.**

Гласной куараос пёртэмесь: соин ымдурьёс или пичигес, или бадзымгес усьясько, или азьпала мычисько. Кыл но, пёртэм



2 суред.

3 суред.

4 суред.

Гласнойёсты вераку, кыллэн пёртэм луэмез.

пуксьыса, ыманэ жутьяське. Например, **о** но **у** куараосты вераку, ымдурьёс азьлань донгисько, **и** куараез вераку, кылэз вылэ жутоно луэ.

**А, и, о, ё, у, э, ы** гласной куараос кыллэн аяз, гласной куараос бере но чурыт согласной куараос бере гожтйсько **а, и, о, ё, у, э, ы** букваосын (*ар, нуэ, сылэ*).

Небыт согласной куараос бере (ч, щ сяна) **а, у, э, о** куараос гожтйсько **я, ю, е, ё** букваосын (*нап—нянь, сул—сюл, кылэ—кыле, азо—кизё*).

Валэктон: **я, ю, е, ё** букваосты куараен нимазы вераса, кык куара сёто: **я—йа, ю—йу, е—йэ, ё—йо**. *Яралоз (йаралоз), етйн (йэтйн), ёз (йоз), юн (йун)*. Соин со букваос йотированной куараосын нимасько.

Та йотированнойёс сяна, удмурт кылын **йы, йё, йи** йотированнойёс вань на, но, соослы нимысьтыз букваос кутымтэен, гожьяськыку, быдэн кык букваен ик гожтйськом. Например: *йёл, йыл, бырийм*.

Алфавитэ пыре на *й* буква. *И* но *й* букваос пёртэм куараослэн пуссы уг луо. Нимазы вераса, соос одйг куара сёто. *Й* букваез д, з, л, н, с, т куараос бере гинэ, соос чурит кы-  
 лиськыкузы, гошто.

### 14 §. Согласной куараос.

Выль верамын ни вал, согласной куараосты вераку, ым сю-  
 беггес усьтйське шуыса. Со сяна, воздух, гортаньысь поты-  
 куз, ымын кытчы ке но пыкиське. Соин пёртэм согласной куа-  
 раос пёрмо.

Ваньмыз соглас-  
 ной куараос кык ос-  
 новной группалы лю-  
 кисько: **звонкой** но  
**глухой** куараос.

Звонкой куараез  
 вераку, гортань-  
 ын куара гердьёс  
 золскыса дырекъя-  
 ло, нош глухой куа-  
 раез вераку, куара  
 гердьёс уг дырекъя-  
 яло.

с—з



5 суред.

х



6 суред.

к—г




7 суред.

т—д



8 суред.

н



9 суред.

Согласнойёсты вераку, кыллэн пёртэм луэмез.

Звонкой согласной куараос: *б, в, г, д, ж, жс, з, з.*

Глухой согласной куараос: *п, ф, к, т, ш, ч, с, ч, х, ц, щ.*

Та звонкой но глухой согласной куараос пöльсь *жс, з, ч, ч, ц, щ* кык полэс валчеям куараос луо но аффрикатаос ни-  
 масько.

Соосты тазы лыкыны луэ:

*жс — д + ж*  
*ч — т + шь*

*з — д + зь*  
*ц — т + с*

*ч — т + ш*  
*щ — ш + ч*

Выйи възматэм куараос сяна, *р, л, м, н* куараос луо на.

*Л* но *р* согласной куараосты нёжтыны луэ но, соин соосты плавной куараос шуо.

*М* но *н* куараосты вераку, воздух ныр пыр потэ но, соин соосты *носовой* куараос шуо.

## 15 §. Небыт но чурит куараосты шонер гожтон.

1. *Д, з, л, н, с, т* согласной куараос чурит но, небыт но кылськыло. Небыт луэмзэс възматыны понна соос вёзы *ь* (небыт пус) пукто: *бадь, эмезь, тэль, пень, дйсь, вить*. Зуч кылысь удмурт кылэ пырем кылъёсын мукет согласной куараос но небыт кылськыло ни. Например: *степь, букварь, январь, семья* но мукет кылъёсын.

2. Небыт согласной куараос бере *и, е, ю, ё, я* букваос гожтисько.

Например: *вадес, йуказе, кизё, кузя, люк, лек, кылё, нянё, нюр, сюрес, сям, сектала, тысё, тямыс, вите, витеё, нин, силё, кыли* но мукет.

24 уж. Гожтэ тетраяды но точкаос нитые кулэзъя чурит гласной буква или небыт гласной буква пуктылэ.

Эшгёс, мил...м фабрикаысьтымы стахан...вецьёслэн но виноградовецьёслэн н...мынызы Сталин эшлы но партил...н Центральной комитет...злы зырдыт комс...мольской сал...м вераны мыным лэз... . (Аплодисментъёс.)

Эшгёс, мон со с...рысь верало, кызы ми, текст...льлэн стахановецьёсыз, уж...ськом. Мон азл... дас куать стан...кен уж...й. Кемал...сь ик ёвёл, мон Москваын вал но сю нбыльдон стан...кен ужан...потын... Молотов но Андреев эшгёслы кыл с...тй. Аслэсьт...м с...тэм кылме быд...стй. Табере мон сю нбыльдон нбыль ст...нокен уж...сько. (Аплодисментъёс.)

Кызы ми ужаск...м? Асьмел...н ужм... т...хникаез умой тод...н борд...н, станокез тод...н бордын луэ но, самой главное, уезз ярат...н но сменщицаен дружить к...рон бордын луэ. Со — самой главное.

Собере еще — маршр...т. Азыло ми куам...н куать ст...нокен ужам. Од...гез дорысь мукет...з доры бызыльськом вал, нош номыр но ёз пёрм...лы. Рабочий нылк...шноос пöлысь öжит...з гин... задан...зэс быд...стылызы. Брак но ун...вал. Али мон сю нбыльдон нбыль станокен уж...сько. Ми соосты чур...т туп...тэм пл...нъя обслуживать кариськ...м. Ма бен пот...? Котьку но ми пл...нмес 102-103-106 процентлы быдэсь-яськ...м.

Е. Виноградова лэн верамысьтыз.

3. *Э* но *и* небыт аффрикатаос луо.

Соос бере *и* но *е* небыт гласной букваос гожтисько, нош *ё, я, ю* небыт гласной букваос уг гожтисько, гожтисько *о, а, у, ы, ё*.

Например: *лыдзи, лыдзе, лыдзо, мычи, мыче, мычо, кырза, ульча, чумолё, бадзым, зырдыт, вырзы, вырзи, чёлтыны.*

25 уж. Точкаос интые кулэ гласной букваосты пыртыса, тетраяды гожъялэ.

1. Ульч...етй горд флагъёсын пич... пивальёс вамышъяло. 2. Э...ч сионэн пудоос гужем туж ч...берскизы. 3. Коркан чус, ч...лмыт луиз. 4. Вераськем, серекъям куараез огъя кырз...м куара согө. 5. Ч...бей сюреланы кутске ни. 6. Волга шур Москва шурен герз...мын. 7. Горд бурдо воздушной корабль лобз...н азелы дасяське.

4. Небыт согласной куараос бере *ы* но *õ* гласной куараос ке кылйське, висказы небыт пус пуктйське.

Например: *нъыль, пытыы, пуньы, дõдыы, сизыым, кõлыы, ньõр, сьõры, льõм, льõль* но мукет.

26 уж. *Ы* но *õ* азыпалан *ь* гожтоно кылъёсты трогес шедьтыса, орфографической словаряды тазы радъяса пыртылэ:

а) кõлыы	б) ньыль	в) ньõр
дõдыы	сизыым	сьõр
пытыы	кузыым	льõм
чиньы	каньыл	льõль
ызыы	.....	.....
.....	.....	.....
.....	.....	.....

27 уж. Шедьтэм кылъёсын предложениос пõрмытыса, тетраяды гожъялэ.

28 уж. Точкаос интые кулэезъя *ы* или *õ* пуктыса, тетраяды гожъялэ.

1. Вася виль ызь... басътэм. 2. Арлэсь кема возь...са, кызьпу кидыслэн будон кужымез быре. Соин октэм бере ик кизь...ны дырто. 3. Кезь...т тол ортчыса, шулдыр тулыс вуэ. 4. Вань ниспуос пõлысь нь...лпу—сайулэз яратйсь ниспу. 5. Нь...лпулэн сулэз воль...т, кисьтаськись, куд интыосаз пуль...осыз вань но, отысь сир потэ. 6. Тыпылэн муль...ез сйзь...л усь...лыны кутске. 7. М. Ильин „Тõдь... вылтй сь...дэн“ книгаос сярысь расказъёс гожтйз. 8. Шунды нюлэс сь...рысь потйз.

5. Кыл шорын небыт пус (*ь*) кык согласной куараос вискы но гожтйське, нырысь согласной куараез небыт ке кылйське.

Например: *вераське, лэсьтйське, ульча, пельтэ, пасьта, паськыт, пезьдэ, ваньзэ, ваньмыз* но мукет.

29 уж. Гожъялэ тетраяды но кык согласной куараос вискын небыт пусэн кылъёсты гожен тодмостылэ.

Трос ар талэсь азьвил дунне вылын мельник улйз. Со мельниклэн осёлэз вал. Туж умой, визьмо но кужмо вал осёлэз.

Осёл вукоын ужаз, тыбыр вылаз пызен кульёсты нуллйз, бератаз тани пересьмиз.

Кузёез адзе: осёл лябомиз, ужаны уг яра ни табере, сое юртысьтыз улляз.

Осёл кышказ:

— Кытчы мон мыном, кытчы пыром? Пересь но, ляб но луи  
ини мон.

Собере малпаз:

„Мыно ай мон немецкой городэ Бременэ но отын городской  
музыкант луыса ужало“.

Озы ик лэсьтйз. Немецкой городэ Бременэ мынйз.

Осёл сюрес кузя мынэ но осёл сямен кесяське.

Гримм братъёслэн сказкаоссы, Бременской музыкантъёс.

6. Кыл шорын небыт пусэз (в) гошто на небыт согласной  
куараез небыт гласной куараен висъяса вераны понна.

Например: *бадья, усьяны, Ильин, Илья, ужасьёс, турнась-  
ёс, пельёс, бадьёс, толэзья, Вуж Венья, Якшур-Бодья, семья,  
букварья* но мукет.

30 уж. Выли возматэм кылъёс кадь небыт пусэн кылъёсты шедьтэ на но  
словаряды пыртэ.

31 уж. Шедьтэм кылъёсын предложениос гожьялэ.

Возматон тус: 1. *Шур валлин бадьёс будо.* 2. *Укно-  
остэс йемгес усъялэ.*

7. Кыл шорын чурыт согласной куараез небыт гласной куа-  
раен висъяса вераны понна, висказы чурыт пус (ф) пукто.

Например: *гожъяны, лыдья, чузъяське, юртъер, поръя, музьем,  
быръем, быръё, пусъет* но мукет.

32 уж. Гожъялэ тетраяды но чурыт пусэн кылъёсты гожен тодмостылэ.

1. Эмезьпулэн туж трос пушъетэз луэ. 2. Туннэ ми гожьясь-  
киськом. 3. Кырзам куара кыдёке чузъяське. 4. Та висъетын  
красной уголокмы. 5. Борддор вылын портретъёс, плакатъёс  
ошылэмын. 6. Нюлэсын трос кызъёс, пужымъёс будо. 7. Тулыс  
нюлэсын тылобурдоос туж шулдыр кырзалло, черекъяло. 8. Жы-  
тазе ударникъёслэн съездзы усътйське. 9. Съездэ мыныны соб-  
раниын кык делегат быръёно. 10. Поезд разъезд доры вуиз но  
дугдйз. 11. Лек тёл писпуосты погыръяса кельтйз.

33 уж. Чурыт пусэн кылъёсты троггес люкалэ но словаряды пыртэ.

34 уж. Тетраяды гожьякуды, небыт но чурыт пусъёсын кылъёсты гожен  
тодмостылэ. Вералэ, малы со кылъёсын в или з кулэ.

Трос великан-машинаосты лэсьтйзы адямиос. Музьемез пор-  
тйсь машинаос но вань. Музьем эгырез пиньёсынызы йырйыса  
вандись машинаос но вань. Шур пьдэсьёсысь луоез но сумедэз  
сюпсись машинаос но вань.

Одйгезлэн машиналэн пиньёс, музонылэн — хобот (ныр), куинь-  
метйезлэн — мыжык. † Одйгез йырье, мукетыз сюпсе, куиньметйез  
жугтэ.

Котькудйзлэн аслаз нимыз. Музьем копасезлэн — „экскава-  
тор“, секытъёсты жутъясезлэн — „подъёмной кран“, каменщик-



лэн—„наливной мачта“, музъем портйсеzlэн—„бурильной станок“, эгыр копасезлэн—„врубовой машина“. Трос машинаос лэсьтэмын, ваньмыз соос асьмелэн бадзым ужмылы кулэ луозн.

М. Ильин, Великой план сярысь рассказ.

## 16 §. Й букваез шонер гожтон.

Й буква кыл пумын но кыл шорын д, з, л, н, с, т букваос бере гинэ, чурит кылйськыкузы, гожтйське. Нош со согласной куараос ик небзо ке, и гожтйське.

Например: *дйсь—диван, изйз—изиз, кылй—кыли, нин—мынй, сйль—силь, тйр—тир.*

35 уж. Точкаос интые й или и букваосты кулэезъя ватсаса, тетраяды гожъялэ.

1. Котькуд школьн...к кыдёке — Африкае, Инд...е путешествовать карон сярысь малпаське.

Нош малы сокеме мыноно? Тод...ськоды-а т... асьтэлэсь улон интыдэс? Тод...ськоды-а тй, т...ляд интыосады торфяной нюръёс, лэсьт...ськонлы ярамон нюлэс, известняк, фосфор...т, кирп...ч но горшок лэсьтон горд суй, луо вань-а, ёвёл-а?

Конечно, сое т... уд тод...ське.

Нырысез ик т...ляд лэсьтоно путешеств...ды—асьтэлэн город-дылэн но асьтэлэн гурттылэн котырт...з путешествовать карон луыны кулэ.

Экспед...циос ортчытьялэ, умой валамон картаос лэсьтылэ. Со картаосады пят...леткалы маке ярамон вань, ваньзэ соосты пусйылэ. Бадзым эшгъётэс но дышет...сьёстэс тйледлы юртыны кууре, м...неральёсты тодыны-валаны соослэсь дышетске. Тй эскерыны уд быгат...ське на ук. Тй рудалэсь кусоксэ огшоры ...злэсь тодманы быгато-а, меда? Нош разведч...клы тае быгатыны кулэ.

Та понна кн...гаос выльсь г...нэ тодыны ич... . Отын аслыд учкыны кулэ. Тодэ, т...ляд улон интыды открыть каремын ёвёл на.

Возьматэ сое!

М. Ильин, Великой план сярысь рассказ.

II. 1. Гужем м... Ижевске экскурсие ветл...м. 2. Од...гез эшмы отчы дышетскыны кыл...з. 3. Ульчаись барабанэн шудэм куара кыл...ськиз. 4. Уйбыт азбарын пуны ут...з. 5. Со пинальёссэ туж умой ут...з. 6. С...збыл уйёс туж пеймытэсь. 7. Мон витетй классын дышетск...сько, нош братэ—с...зывает... классын. 8. Комнатаын-од...г д...ван сылэ. 9. Д...рижабль туж вылэ туб...з. 10. Капитал...стьёс рабочийёсты туж юн з...быса воз...зы. 11. Колхозамы туэ сизымдон гектар чабей киз...зы. 12. Пинальёс пруд вылэ н...скыланы мын...зы.

## 17 §. Э букваез шонер гожтон.

Э букваез кыл азе но, кыл шоры но кыл пуме гожто.

а) Кыл азе таће кыльёсын: *эгыр, эмезь, эмъюм, эбек, эрик, электричество, элеватор* но мукет.

б) Кыл шоры но кыл пуме д, з, л, н, с, т согласной куараос бере, чурьт кылйськыкузы, гожто.

Например: *дэрем—демонстрация, изэ—изе, кылэ—кыле, мынэ—бине, кысэ—усе, үтэ—уте.*

Со сяна, Э буква гожтйське у, ю, ё но одйг слогъем кыльёсын ы бере.

Например: *вуэн, писпуэз, кбэз, йбэ, сюэн, тыэ, лыэн, выэз* но мукет.

Кык илн трогес слогъем кыльёсын ы бере *е* гожтйське.

Например: *инты—интыез, чиньы—чиньыез, тусьтые* но мукет.

*36 уж.* Точкаос интые кулэзъя э или е буква ватсаса, тетрадяды гождьялэ.

1. Асьмелы машинаос котьмал...сь но кул...гем. Асьм...лы котьма... ужаны но котькуд заводлы машинаос кул... Машина...з л...сьтыны нош м...талл кулэ. Машиналы ужаны понна эн...ргия кулэ. Кыч..., ма предмет со энергия но кытысь со .. басьтоно?

Асьм... котырын со кбня ке кулэ, сомында. Тбл пельт...м—со эн...ргия. Гур... кушт...м пу пол...на (пис)—со энергия.

Тбл, ву, эгыр, пу—соос лулт...м...сь, нош соосты ужаны ко-сыны лу...

М. И л ь и н, Великой план сярысь рассказ.

II. Пбсь куазен будосъёсты ву...н киськано лу... . 2. Бы-ректымт... ву...з юыны уг яра. 3. Садысь пересь писпу...з кора-зы. 4. Етин...з ты... чблтйзы. 5. Юртъер возьмась пуны...з жы-лы...н думыса возё. 6. Пужымл...н выжы...з музъем..., вблскы-са, мур пыре. 7. Нюр инты...з но кема пукись ву...з канаваостй бръяса, музъемез шупатано.

## 18 §. Ж букваез шонер гожтон.

Ж буква кыллэн аяз гинэ гожтйське. Кыллэн шораз но пу-маз ж уг гожтйськы.

Например: *жог, жбк, жытазе, жомыт, жужыт, жужда, жужа.*

Сложной кыльёсын гинэ, кыктэтй кылыз ж куараен ке кут-ске вал, шораз ж кыле (*тылжу, кбтжожен* но мукет).

*37 уж.* Улй возьматэм кыльёсты предложениосы пыртыса, тетрадяды гождьялэ.

*Жыт, жук, жажы, жыны, жыжы, жужа, жужыт, жи-кыт, жожон, кбжы, пыжны, выжим, вужер, ныжомиз, пыж, выж, вуж, куж.*

Например: *Книгаосы жажы вылын кыллэ. Мон жужыт гурезь йылысь но куасэн нискыланы быгатйсько.*

## 19 §. **З** букваез шонер гожтон.

**З** буква кыллэн аяз но шораз гожтйське. Кыллэн пумаз **З** букваез уг гожто.

Кыллэн аяз, кылйськыкуз: *зеч, зичы, зольгыри, зозы, зечыра, зузбыны* но мукет.

Кыллэн шораз **З** буква гожтйське **б, г, д, л, н, м, р** звонкой согласной куараос бере, **о** но **у** гласной куараос бере но й бере.

Например: *лобзиз, могзе, лыдзо, гылзиз, бунзектйз, дэмзиз, вырзем, йбзектйз, вузектйз, жуйзектэм* но мукет.

Одйг кылын кык **З** уг гожто.

Например: *кудйз верало зезы, зазег, гожтоно—зезы, зазег.*

*Зв уж.* Точкаос интые **З** или **з** ватсаса, тетраяды гожъялэ.

1. Кукэ тй токарной станокез ад...ылды-а? 2. Токарной станокын вблйськись предметэз но ужасьлы кияз во...ёно уг луы. 3. Станок ачиз ик сое во...е, ачиз ик берыкъя но. 4. Пароходьсь потйм но бад...ымесь изьёсын вблдэм ульчаейт трос кузя кошким. 5. Бад...ым нюлэс валлин Чепца шурлэн туд...ем вуэз вблскемын. 6. Уйёсын но лымы ву ...иза. 7. Та интыосты ...еч тодйсько. 8. Сйзыл куа..ен писпу куарьёс чужектыса усё. 9. ...ег ки...ёнэз быдэстйзы ни. 10. Шулдыр кыр...аньёс кыр...аса, демонстрантьёс ульчаейт ортчизы. 11. Мерттэм писпуос туж ..еч ул...изы. 12. Сентябрь толэ...ын куамын нунал. 13. Куа...ь ке...ыт кариськиз. 14. Сталин эшлэн верамьёсыз котьку мынам йырви...ям.

Сталин—жог лоб...ись самолет,  
Со ним—удалтйсь ю бусы.  
Со нимын геройёс будыло.  
Со нимын vormo фронтъёсын.  
Солы городын но гуртын  
Ваньмыз сй...емын а...инскон.  
Солы кыр...ало котькытын,—  
Кыр...анын ад...иське яратон.

(П. Ч.)

## 20 §. **Ч** букваез шонер гожтон.

**Ч** букваез кыллэн аяз, шораз но пумаз гожто.

Например: *чем, чукна, чок, чуж, чош, чошатскон, чбжмер, кучо, кыче, сыче, тайе, пычал, кечевыл, кычак, муч, пуч, кыч* но мукет.

Кыл шорын **к** буква азын **ч** уг гожтйськы: *вышкы, бышке, лушкэм* но мукет.

Кыллэн пумаз, *ш* интые *ч* гожтыса, мукет кыл пөрме. Например: *муш—муй, пуш—пуй, пыш—пый, кыш—кый* но мукет.

Одйг кылын кык *ч* уг гожтиськы. Кулэ гожтыны: *чош, чушкон, чушыны* но мукет. (Верало кудыз: *чой, чуйкон, чуйиз*).

39 уж. Гожъялэ но *ч* букваен кыльёсты гожен тодмостылэ.

Чык-чык шуоз чуж учыпи,  
Льбмпу садэ пуксьыкуз,  
Кырзалоз ук комсомол пи,  
Ужан доры мыныкуз.  
Чукна вазь ик султыса,  
Турник вылын бергасько.  
Сйльвирме юнматыса,  
Чыжыт, таза будйсько.  
Кыче шулдыр возь вылын.  
Тулкымъяське вож турын.  
Кыче шулдыр бакчаын  
Льоль сяськаё мак пушкын.  
Ми табере колхозын  
Чошатскыса ужаськом.  
Межатэм лудъёс вылын  
Урожаймес жутйськом.

Калык кырзанъёсысь.

40 уж. Точкаос интые кытчы кулэ *ч* или *ш* пуктыса гожъялэ.

I. 1. Возь вылысь му...ъёсты чошатыса, етын кизизы. 2. Колхоз пасакаын сю уморто му...ъёс. 3. Туэ колхоз кызы вы...кы чечы басьтйз. 4. Семья пу...кын котькуд муртлы нимысьтыз чу...конэн чу...коно.

II. 1. ...укна Павка электростанциясь бертэ вал. 2. Иви быдэс ар ...оже со кочегарлы юрттйсьын ужа. 3. Городокын калык мыд-мыдлань ветлэ. Со соку ик Павкалэн син аяз усиз. 4. Татын улйсьёс плын быдэн одйг, быдэн кык но куинь винтовка нуисьёс сюрес кузя ..ем но ..ем пумиськыло. 5. Павка вань кужмыныз бызиз верам адресъя. Кык ульчаез ортчыса, секыт пехотной винтовкаез штыкеныз валче нуись пичи пи шоры мыриськиз со.

— Кытысь басьтйд пы...ал? — дугдытйз сое Павка. 6. Вдруг, маке тодаз лыктыса, со ме...ак берытскиз но, кошкись пичи пиез куинь пол тэтчемен сутыса, со кийсь винтовкаез кужмысь и...калтйз. 7. Пичи пи, югыт нунал шорын грабить каремлы туж вожез потыса, Павка шоры тэтчиз. Нош соиз одйг вамыш берлань тэтчиз но, шыксэ азыпала урдыса, черектйз: „Палэнскы, а то бы...калскод!“

Н. Островскийя.

## 21 §. Кык полэс букваосын кыльёс.

Трос кыльёсы кык полэс куараос пыро. Сыче кыльёсты гожъяку, кык полэс куараосты кык одйг кадесь букваосын гожъяно.

Например: *юрттэ, городдэс, гурттэ, ныллы, поттоно, бу-  
сыын, укноос.*

Та выль кылъёслэн содержанизы воштйськоз, тазы ке гож-  
тйм: *юртэ, нылы, городэз, гуртэ, поттоно.* Соин, гожъяку, эске-  
рыса, ошибка лэсьтытэк гожъяськоно.

**41 уж.** Гожъялэ предложениос. Предложенносады уль гожтэм кылъёсты  
пыртылэ.

*Веросэ, вероссэ, ветлэме, ветлэмме, юртэ, юрттэ, потйз,  
поттйз, валесэ, валессэ, дэреме, дэрэмме, городэз, городдэс,  
интымысь, тодмоослы, дбдыын, пудоос.*

**42 уж.** Шедьтэ на таёе параен-параен кылъёсты но словаряды гожъялэ.

Зуч или иностранной кылъёсысь пырем кылъёсын артэ кык ог-  
кадесь букваос гожтйсько на соку, кукке азязы сылйсьез гласной  
куара вакчи кылйське (*металл, Кузбасс, коммунизм* но мукет).

**43 уж** Гожъялэ тетрадяды но кык полэс букваен кылъёсты гожен тодмостылэ.

1. 1. Кузбассын туж бадзым Кемеровской электростанция  
лэсьтэмын. 2. Донбассын сярысь Кузбассын музъем эгыр куать  
пол трос. 3. Музъем эгыр поттонэз жутон понна машинаос но  
электрической ток кулэ. 4. Чугун сюрес кузя миллион тоннаен  
нянь, нюлэс, эгыр, металл нуллозы. 5. Северысь жокыт нюлэсь-  
ёсы сюресъёс лэсьтылыны кулэ, северлэсь но Сибирьлэсь узыр-  
лыкъёссэс шараяно. 5. Кемалась ик ёвёл, Волга кузя судноосты  
бурлакъёс нуллылызы.

М. Ильинья.

II. 1. Комсомолецъёс коммунистъёслы юрттйсьёс луо. 2. Рас-  
садаез убо вылэ мерттыку, нырысь ик ву киськано луэ.  
3. Анна Кирилловна братэзлэсь телеграммазэ басьтйз. 4. Миллям  
классмы туж шулдыр. 5. Колхозмы вйй шуккон машина басьтйз.  
6. Етйин кидыслэсь вйй потто. 7. Конюх валъёссэ зеч утялтэ.  
8. Туннэ милем кузялэсэсь куинь жбк ваизы, скамьяос но вут-  
тйзы, вылэсь, чужалэс тбды пишто.

Кык огкадесь небыт согласной букваос бере небыт гласной  
букваос ке мыно, висказы небыт пус (ь) уг гожтйськы.

Например: *дунне, каллен, выллем, улляны, коллектив, мил-  
лион, кыллэ* но мукет.

Нош огкадесь небыт согласной букваос бере **ы** гласной бук-  
ва ке мынэ, со азыпала небыт пус (ь) пуктоно.

Например: *кыллыны.*

**44 уж.** Гожъякуды, кык полэс небыт куараосын кылъёсты гожен тодмостылэ.

1. Алтай гурезьёслэн йылъёссы ноку но шуналлясьтэм лымыен  
шобырскемын. 2. Музъем эгыр мур музъем улын сйен-сйен кыл-  
ле. 3. Нырысетй книгалэн пыдъёсыз но киосыз вал, со жажы вы-  
лын ёз кыллы, со вераськыны но кырзаны но быгатэ вал. (М. И.)  
4. Быдэс дуннемысь пролетарийёс, огазаяське! 5. Урамъестй трос  
писпуос мерттыллям.

## КЫЛ ЛЮКЕТЪЁС.

### 22 §. Основа но кылпум.

Пёртэм предложениосы кылъёс формаэс воштыса пыро.

Например: *Дышетскисьлы книга сётйзы. Дышетйсь дышетскисьлэсь уроксэ юаз. Дышетскисез премировать каризы.*

Та предложениосы *дышетскись* кыл формаэз воштыса пыре (*дышетскисьлы, дышетскисьлэсь, дышетскисез*), нош *дышетскись* люкетэз воштйськытэк кыле.

*Лыдзыны* кылэз пёртэм предложениосы пыртыса, со озы ик формаэз воштылоз.

Например: *Ваня книга лыдже. Мон книга лыдзи. Мон книга лыдзо. Со книга лыдзиз. Тон книга лыдзиськод.* Та предложениосын висьям кылъёслэн *лыдз* люкетсы гинэ өз воштйськы, пумъёссы воштйськызы.

**Кыллэсь вошъяськисьтэм люкетсэ основа шуо.**

**Кыллэсь вошъяськись люкетсэ кылпум шуо.**

Основа кыллэсь основной содержанияз валаськом.

Кылпумыз возматэ мукет кылъёсын герзаськемзэ (*книга кылле, книгаос кыллэ, мон лыдзисько, тон лыдзиськод, со лыдже*).

45 уж. Шедьтэ основазэс но кылпумзэс таёе кылъёслэсь:

1. *Верам, вераз, вералоз, вераське;*

*школаез, школаен, школае, школаысь;*

*лэсьтйськонэ, лэсьтйськоньсь, лэсьтйськонэз, лэсьтйськонлы.*

II. *Нуналэз, йукнаысен, будослэсь, гуртэз, бадзымзэ, быдэстйз, улонмы, вералоз, урамысь, кужмоесь.*

### 23 §. Корень.

Азьло верамын ни вал, вераськон кылмы, ялан будыса, азыланьскыса кошке шуыса. Тросэз кылъёс, виль форма басьтыса, мукет кылъёсысь пормо.

Например: *уж* кыл бордысь *ужаны, ужась, ужан, ужам* кылъёс пормо.

*Гожтэт, гожъя, гожъясь, гожтон* кылъёс ваньзы **ГОЖ** кыллэсь пормеын.

Одйг кылысь мукет значением кылъёс пӧрмо ке, со азьло кылзэ корень шуо.

*Липет, липон, липе, липись* кылъёсын кореньзы — *лип*.

*Тымет, тымись, тымон, тыме* кылъёсын кореньзы — *тым*. Куд кылъёсын кореньзы нимаз валатон кыл уг сёты. Сыче кылъёсысь кореньзэс формазыя гинэ утчано луэ.

Например: 1. *Лэсьтэ, лэсьтйсь, лэсьтон, лэсьтйськон, лэсьтйськись* кылъёсын кореньзы — *лэсь*.

2. *Усьян, усьясь, усьтон, усьтйсь, усьтэ, усья* кылъёсын *усь* люкетэз корень луэ.

46 *уж*. Улы гожтэм кылъёслэсь кореньзэс шедьтэ но нимаз гожтэ.

1. Будонлы, будосэз, будйсьлэсь, будытон, будэмзэ.

2. Кылске, кылзэ, кылэ, кылкисьлэсь, кылзйсьёлэн, кылйсьлы, кылскон, кылзонэз.

3. Чошатэ, чошатон, чошатскон, чошаткись, чошатйсь, чош.

4. Жутскон, жутон, жутске, жутйсьлы, жуткисез, жутйське.

## 24 §. Суффикс.

Одйг кылысь мукет кыл пӧрмытйсь кыл люкетэз суффикс шуо.

Суффикс корень бере пуксе.

*Липет, липон, липись* кылъёсын *лип* кореньзы, нош *-ет, -он, -ись* люкетъёссы суффиксъёс луо.

*Ветлйсьлы, ветлонэз, ветлэмлы* кылъёсын *ветл* люкетсы — корень; *-йсь, -он* но *-эм* люкетъёссы — суффиксъёс; нош *-лы* но *-эз* люкетъёссы — кылпумъёс.

*Ужасьлэн, ужанэз, ужамзэ* кылъёсын кореньзы — *уж*; нош *-ась, -ан, -ам* люкетъёссы — суффиксъёс; *-лэн, -эз, -зэ* люкетъёссы — кылпумъёс.

*Гожъясьлы, гожъянысь, гожъямысь* кылъёслэн кореньзы — *гож*; *-ясь, -ян, -ям* люкетъёссы — суффиксъёс; нош *-лы, -ысь* люкетъёссы — кылпумъёс.

*Пырыны, потыны* кылъёсын кореньзы — *пыр* но *пот*, нош *-ыны* люкетсы — суффикс.

*Пыртыны, поттыны* кылъёсын кореньзы вӧзы *-т* но *-ыны* суффиксъёс ватсасько.

*Вырзыны* кылын суффиксъёсыз *-ӹ* но *-ыны, кылзыны* кылын *-ӹ* но *-ыны*.

*Гордманы* но *лызманы* кылъёсын *горд, лыз* люкетъёссы — кореньёс, *-м* но *-аны* люкетъёссы — суффиксъёс.

Кудаз кылъёсын кык, куинь но трогес суффиксъёссы луо.

Например: *Кутсась* кылын коренез — *кут*; *-с* но *-ась* люкетъёсыз — суффиксъёс.

*Кутсаськись* кылын суффиксъёсыз *-с, -ась, -к* но *-ись*.

*Лыдзон* кылзэ тазы люкыны луэ: *лыд-ӹ-он; -ӹ* но *-он* люкетъёсыз — суффиксъёс.

Удмурт кылэ Зуч или мукет кылъёсысь пырем кылъёс но йортэм суффиксъёсын пӧрмемын луыло.

Например: *организация, военизация* кылъёсын **-иаци** — суффикс; *шестидневка, обезличка* кылъёсын **-к** — суффикс; *просвещенец, выдвигенец* кылъёсын **-ен** но **-ец** — суффиксъёс; *аптекарь* кылын **-арь** — суффикс; *наборщик* кылын **-щик** — суффикс; *советской* кылын **-ск** — суффикс.

**47 уж.** Улы гожтэм кылъёсысь суффиксъёссэс шедьтэ:

кисьтаське, вераськон, лыдзонэз, жутсконо, вырзиз, сюлмаськон, дышетскон, вераськемлы, ужомезлэсь, верамысьтыз.

**48 уж.** **-ась, -ясь; -ан, -ян; -ам, -ям** суффиксъёсын пӧрмытэ виль кылъёс таӵе кылъёслэсь:

кор, ар, ӥог, турын, вер, гож, люк.

**49 уж.** **-ись, -йсь; -он, -ён; -эм, -ем; -эт, -ет** суффиксъёсын виль кылъёс пӧрмытэ таӵе кылъёслэсь:

пыр, мын, сыл, пук, выр, шуд, лип, тым, пык, тол, тӧл.

**50 уж.** **-ыс** но **-ос, -эс, -ес** суффиксъёсын пӧрмытэ виль кылъёс таӵе кылъёслэсь:

вур, ворды, пырты, ар, тол, вера.

**51 уж.** **-т, -д; -з, -ч; -м** суффиксъёсын пӧрмытэ виль кылъёс таӵе кылъёслэсь:

выр, пыр, кут, горд, съӧд, пурьсь.

**52 уж.** **-ск** суффиксэн пӧрмытэ виль кылъёс таӵе кылъёслэсь:

француз, черкес, Ленинград, туркмен, узбек.

Возьматон тус: *французской*.

## 25 §. Приставка.

Кыллэсь корень аяз сылсь люкетсэ приставка шуо.

Приставка кыллэсь валатонзэ мукетгес каре, воштэ. Удмурт кылын таӵе приставкаос шедьыло: **коть-, оло-, но-**.

Например: *олокин, нокин, котькин; олокызы, ноказы, котькызы; олокытын, нокутын, котькутын*.

Зуч кылысь пырем кылъёс но интернациональной кылъёс пӧлын приставкаосын пӧрмем кылъёс туж трос.

Например: *отряд (от-ряд), выдвигенец (вы-двигенец), завод (за-вод), доход (до-ход), приход (при-ход), расход (рас-ход), заявление (за-явление), антисанитарной (анти-санитарной), контрреволюция (контр-революция); анти-* но *контр-* приставкаос пумит луэмез валэкто; **анти-** приставка греческой кылысь, нош **контр-** приставка латинской кылысь.



Кыл люкетъёслэн таблицазы.

Кылъёс	Приставка	Корень	Суффикс	Основа	Кылпум
<i>котькинлы(эн)</i>	<i>коть-</i>	<i>кин</i>		<i>котькин</i>	<i>-лы, -эн</i>
<i>олокытын(ысь)</i>	<i>оло-</i>	<i>кыт</i>		<i>олокыт</i>	<i>-ын, -ысь</i>
<i>нокызы</i>	<i>но-</i>	<i>кызы</i>		<i>нокызы</i>	
<i>гожтйсьёслэн(лы)</i>		<i>гож</i>	<i>-т -йсь -ёс</i>	<i>гожтйсьёс</i>	<i>-лэн, -лы</i>
<i>арасьёсын(ты)</i>		<i>ар</i>	<i>-ась -ёс</i>	<i>арасьёс</i>	<i>-ын, -ты</i>
<i>кутсаськисьлэсь</i>		<i>кут</i>	<i>-с-ась-к-ись</i>	<i>кутсаськись</i>	<i>-лэсь</i>
<i>пӧсектэмезлы(аз)</i>		<i>пӧсь</i>	<i>-эк -т -эм</i>	<i>пӧсектэм</i>	<i>-езлы, -аз</i>
<i>вожектэ(йз)</i>		<i>вож</i>	<i>-ек -т</i>	<i>вожект</i>	<i>-э, -йз</i>
<i>отрядлэн</i>	<i>от-</i>	<i>ряд</i>		<i>отряд</i>	<i>-лэн</i>
<i>выступлениез</i>	<i>вы-</i>	<i>ступл</i>	<i>-ени</i>	<i>выступлени</i>	<i>-ез</i>

**53 уж.** Выйл возьматэм таблицае пыртэ, кыл люкетъёслы люкылыса, таё кылъёсты:

лызэктэмзэ, вожектонэз, вуриськисьлы, пумиськонэз, котьмалы, олокӧняез, нокӧняез, разъезд, подъезд, трактористъёс, ленинизмлы.

## 26 §. Сложной кылъёс.

Тросэз кылъёс, кык или тросгес кылъёсысь пӧрмыса, виль валатон сето.

Например: *ым* но *ныр* нимазы валано кылъёс, нош куспазы герзаськыса, виль валатон сётйсь кыл пӧрмыто — *ымныр*. *Нылкышно* кыл — *ныл* но *кышно* кылъёслэсь пӧрмемын.

*Пыдук* кыл кык кылъёслэсь пӧрмемын — *пид* но *кук*.

Кык или тросгес кылъёсысь пӧрмем виль кылэз сложной кыл шу.

Сложной кылъёсын кореньзы сомында, кӧня кылысь пӧрмемын соос. (*Йырси* кылын кык коренез — *йыр* но *си*.)

Сложной кылъёс тазы пӧрмыло:

1. Пӧртэм значением кык кылъёс герзасько но виль кыл пӧрмыто.

Например: *ымныр* (*ым, ныр*), *суйпид* (*суй, пид*), *нылпи* (*ныл, пи*), *нылкышно* (*ныл, кышно*), *дйськут* (*дйсь, кут*), *пидкук* (*пид, кук*), *тылобурдо* (*тыло, бурдо*) но мукет.

2. Кык кылъёс, нырысез валэктись лыуса, герзасько но виль кыл пӧрмыто.

Например: *кышномурт* (*кышно, мурт*), *пиосмурт* (*пиос, мурт*), *нылмурт* (*ныл, мурт*), *вылдйсь* (*вйль, дйсь*), *пидкутчан*

(пыд, кутчан), ваёбыж (ваё, быж), коньбыж — турын (коньы, быж) но мукет.

3. Сложной кылын одйг кылыз выль, со та кылын гинэ пѳрмись маке луэ.

Например: *вармумы, эмеспи, ѳужкенак, ѳужмурт, шумпотон, шумпотыны, мылпотыны* но мукет.

4. Сложной кыльёсын пу но пи быдэс луись кыльёс, значенизэ ыштыса, суффикс гинэ луо на.

Например: *кызьпу, бадьпу, лулчу, палэзьпу, эмезьпу, льѳмпу; ыжпи, парсьпи, кочышпи, ошпи, ужпи* но мукет.

5. Кудаз сложной кыльёсын нимазы валано кыльёс быдэс уг кылйсько ни но азыло значенизэс ышто.

Например: *табань (таба но нянь кыльёслэсь), корказь (кор, куа но азь кыльёслэсь), гидкуазь (гид, куа но азь кыльёслэсь), огпол (одйг, пол), огкадь (одйг, кадь), кудмында (кудйз, мында), кудласянь (кудйз, ласянь)* но мукет.

Валэктон. 1. Та вылй возьматэм сложной кыльёс ваньзы валче гожтйсько. 2. Витетй пунктыс сложной кыльёсты уг яра сураны таѳе сочетаниосын: *ог кызё мурт, ог дас витё манет, ог дасо нунал, куд интыосын, куд нуналъёсы.*

Та примерьёсын *ог* кыллэн валанэз *одйг* кыллы уг тупа, со *ог* возьматэ *ѳрос, мында* шуэмез. *Куд* кыл та примерьёсын сложной кыллэн люкетэз уг луы, со *кудйз* кылэз вакчиятыса верамын луэ, предложениын существительнойлы признак луыса. Соин ик та примерьёсын *ог* но *куд* кыльёс нимазы гожтйсько.

6. Тросэз сложной кыльёс **дефисэн (-)** висьсяса гожтйсько. Соос тазы пѳрмыло:

а) Кык кыльёс герзаськыса, люкась значением выль кыл пѳрме.

Например: *сион-юон, сиыны-юыны, ю-нянь, улон-вылон, улыны-вылыны, октыны-калтыны, октон-калтон, йѳл-вѳй, тодыны-валаны, тодон-валан, тодытон-валатон, тусьты-пуньы.*

б) Кык ваче пумит значением луись кыльёс, огазе герзаськыса, выль валатон сѳто.

Например: *пырон-потон, пыраны-потаны, юаны-вераны, юась-верась, йыло-дйнё, жыт-ѳук, уй-нунал, ѳыро-пыдо* но мукет.

в) Радэз возьматйсь кык полэс верано кыльёс.

Например: *кыкен-кыкен, дасэн-дасэн, сюэн-сюэн, интыен-интыен* но мукет.

г) Значенизэ кужмоятон понна, кылэз кык-куинь полэс вераса пѳрмытэм кыльёс.

Например: *лыз-лыз, горд-горд, сьѳд-сьѳд, юг-юг, супыр-супыр, быгыль-быгыль, лач-лач, ай-ай-ай, ѳыж-ѳыж* но мукет.

д) Кузо кыльёс, кудъёсызлэн кыктэтй люкетсы мукет сяменгес кылйське нырысь люкетсы сярысь, нош огазын одйг валатон сѳто.

Например: *пыр-поч, чыры-пыры, Зилин-долин, ѳуш-ѳаш, кеж-куаж* но мукет.

е) Числительнойёсты шонерак верамтэ дыръя, например: *кык-куинь, ньыль-вить, куамын-куамын вить* но мукет.

Валэктон. Сложной кылъёсын өвёл лыдъяно сыће сочеланиосты, кудъёсаз нырысетй кылыз кыктэтйезлэн признакез луэ но со нырысь кылызлы кыће? юан пуктыны луэ.

Например: *зег бусы, колхоз валъёс, писпу куар, жёк кук, луд кеч, гурт кеч, луд ёёж, бадь сул, Петыр пи, Олеш Иван, горд кушман, горд суй, пересь кышно, пичи пи, егит пи, пёсь ву, быректэм ву* но мукет.

**54 уж.** Гожъялэ тетраяды но вералэ, кызы пөрмемын сложной кылъёс.

Койтыл, йёлвыл, вырйыл, сайул, кызыпу, мувыр, вылдыр, синву, йыроушы, пельугы, йыркобы, коньыбыж (турын), кечпи, лысу, эмезьпу, тылобурдо, дыскут, тусьты-пуньы.

**55 уж.** Пөрмытэ сложной кылъёс таће кылъёслэсь:

сутэр, пу; шыр, кёжы; син, кылы; корт, ёог; пиос, мурт; ныл, пи; йыр, тыш.

**56 уж.** Скобкаосысь кылъёсты сложной кылъёс пөрмытыса гожъялэ.

1. Москвалэн одйг кыдёкысь ульчаяз, тёды колоннаё антресолен<sup>1)</sup>, кырыжам балконэн пурись коркан (куке, соку) барыня, ( пал, кышно) уйз. 2. Со котырын (пумтэм, йылтэм) дворняез вал. 3. Умой (пиос, мурт) вал Герасим, уродэ ке со ой усьысал, котыкычез ик (ныл, мурт) солы (мыл, потыса) быззысал. 4. Ас шудтэменыз калыклэсь люкиськыса, со, умой музъем вылын будйсь (пис, пу) кадь, кужмо, но (кылтэм, ымтэм) будйз. 5. Секыт крестьян ужъёс бере Герасимлэн выль (ин, тыяз) ужъёсыз солы шудэм кадь потылызы. 6. Жыны час куспын со ужъёсыз но кытчы ке сэреге кошкыса, (си, ньёрзэ) или лопа-тазэ кыдёке сэрпалтыса, музъем вылэ (ым, ныр) вылаз уськытскыса, кутэм пйшур кадь, вырзылытэк, гадь вылаз (часэн, часэн) кылбылыз. 7. Адыми нош котымалы но дыше, Герасим но, (улыса, улыса), городын улонлы дышиз. 8. Верано луэ: ас ужъёссэ со (мылысь, кыдысь) лэсьтылыз. 9. Азбарын солэн шелепъёс но (жуг, жаг) ноку ёз лошъяськылэ. 10. Жыт луэ ни вал. Со, ву вылэ учкыса, каллен мынэ. Солы малпамтэ шорысь адскиз—кин ке но (яр, дурын) ик (ву, куар) пёлын выре кадь. 11. Мыкырскиз но сьёдэн кучо пичи гинэ тёды (куча, пиез) адзиз.

И. Тургенев, Муму.

## 27 §. Вакчиятэм сложной кылъёс.

Октябрьской революция бере трос пөрмемын выльёсыз вакчиятэм сложной кылъёс.

Например: *партком, местком, Совнарком, Осоавиахим, Наркомпрос, СССР, УАССР, МТС* но мукет.

Та вакчиятэм сложной кылъёс пёртэм принципен пөрмемын.

1. Кылъёслэсь нырысетй букваоссэс гинэ вераса, одйг кыл пёрмытэмын.

<sup>1)</sup> Антресо ль—коркалэн самой вылы этажез.

Например: *Союз Советских Социалистических Республик* шуон интые *эсэсэсэр* шуо, гошто нош *СССР*; *машинно-тракторная станция* интые шуо *эштэс*, нош гошто *МТС*; *районной исполнительной комитет* интые шуо но гошто *рик*.

Нырысетй букваоссэ гинэ вераса вакчиятэм кыльёс асним ке луо или соосты данъяса ке вераськом, вань букваоссэ бадзымен гоштоно, висказы точкаос пуктытэк (*СССР*, *УАССР*, *МТС*). Соослэсь падежной кылпумъёссэс дефисэн висъяса, пичи букваен гоштоно (*СССР-ысь*, *ЦИК-лэн*, *МТС-ын*).

Асним луымтэ вакчиятэм кыльёсты пичи букваосын огазе гоштйськом (*рик*, *рикысь*, *вуз*, *вузъёс*, *вузысь*).

2. Кыльёслэсь нырысетй люкетъёссэс гинэ вераса, одйг кыл пөрме.

Например: *Совет Народных Комиссаров* интые—*Совнарком*, *Народной комиссариат просвещения* интые—*Наркомпрос*, *коллективной хозяйство* интые—*колхоз*.

Кыльёслэсь нырысетй люкетъёссэс гинэ вераса пөрмем кыльёс асним ке луо, нырысь буквазэс гинэ бадзым букваен гоштоно, нош мукетъёссэ—пичиен (*Наркомздрав*, *Совнарком*). Нош тазы пөрмем кыльёс асним ке уг луо, пичи букваосын гоштйсько (*колхоз*, *совхоз*, *комсомол*, *ликбез*).

3. Нырысетй кыллэсь одйг люкетсэ гинэ верало, нош кыктэтйзэ кылэз быдэс.

Например: *профсоюз—профессиональной союз* интые, *педучилище—педагогической училище* интые, *партибилет—партийной билет* интые, *сберкасса—сберегательной касса* интые.

4. Кык кылэз огазе верало (*пионеротряд*, *бордгазет* но мукет).

5. Сложной кыльёс пөрмо на мукет принципёсын но герзаськыса.

Например: *Осоавиахим—общество содействия авиации и химии*, *ОГИЗ—объединение государственных издательств*, *УдГИЗ—Удмуртской государственной издательство*.

6. Уретэм кыльёс—кыллэсь жынызэ гинэ верало.

Например: *зав—заведывающий* интые, *зам—заместитель* интые.

*57 уж.* Вералэ, кыче принципен пөрмемын вакчиятэм кыльёс. Гожъялэ быдэс кыльёсын, кыче кыльёслэсь соос пөрмемын.

1. Комбриг, комеуз, пединститут, мединститут, рабфак, педрабфак, совхоз, УАССР, БССР, ТАСС, профсобрание, ЮНАТ, завком, ТЮЗ.

II. 1. ФЗУ-ын дасяло заводын ужаны выль кадръёс. 2. ВКП(б) Обкомлэн пленумез усьтйськиз. 3. СССР огазея дас одйг союзной республикаосты. 4. Узбекской ССР-лэн территорияез куиньсю сизыымдон сюрс квадратной километр луэ.

*58 уж.* Вакчиятэм кыльёсты люкаса, словарьёсады пыртэ.

## ВЕРАСЬКОНЛЭН ЛЮКЕТЪЁСЫЗ.

Вераськонэ пырем кыльёсты намазы басьтыса эскериськом ке, адзиськом, что соослэн содержанизы пёртэм-пёртэм луэ.

Кудыз соос возматэ предметъёслэсь нимзэс (*книга, станок, Ваня, кызьпу*), кудыз предметъёслэсь признаксэс (*выль, съод, зол, ляб*), кудыз действиез (*ужа, мынэ, кизе, лыдзе*) но мукет.

Эскером кыльёслэсь значенизэс предложениын, например: *Петя умой лыдзе*. *Петя* кыл—адямилэн нимыз; *лыдзе* кыл возматэ ма каремзэ, Петялэсь ужамзэ; *умой* кыл возматэ Петялэсь кызы лыдземзэ. Предложенилэн членёсызъя *Петя*—подлежащой, *лыдзе*—сказуемой, *умой*—второстепенной член.

Вераськон кыламы пырыло на сыче кыльёс, кудьёсыз предложениослэн членъёссы уг луо. Соос или мукет кыльёслы юрттйсь кыл луо (*жёк вылын, укно доры, ву понна, урок сярысь, ми сяна*), или кыльёслы кыче ке но оттенок сёто (*нокин но, кытын ке, ветлйз ук*), или предложениын кыльёсты куспазы герзаны понна соосты верало (*жёк вылын книгаос но ручкаос, тон или мон*). Таёе кыльёсты юрттйсь кыльёс шуо.

Самостоятельной но юрттйсь кыльёсты предложениын рользыя но значенизыя пёртэм группаосы огазёло. Со группаосты вераськон люкетъёс шуо.

Удмурт кылын таёе вераськон люкетъёс: 1. **Существительной.** 2. **Прилагательной.** 3. **Числительной.** 4. **Местоимение.** 5. **Глагол.** 6. **Наречие.** 7. **Послелог.** 8. **Союз.** 9. **Частицаос.** 10. **Междометие.**

**Существительной, прилагательной, числительной, местоимение, глагол, наречие** самостоятельной кыльёсын лыдъясько. **Послелог, союз но частицаос**—юрттйсь кыльёс. Междометиос верасьлэсь пёртэм мылкыдзэ возматэ.

### СУЩЕСТВИТЕЛЬНОЙ.

#### 28 §. Существительной сярысь валан.

**Пёртэм предметъёслэсь нимзэс возматйсь вераськон люкетэз существительной шуо.**

Грамматикаын предмет нимаське котьма, кудызлы кин со? или ма со? юанъёс пуктыны луэ.

Например: Кин со?—*дышетскись, рабочий, колхозник, столяр, бригадир, врач* но мукет. Ма со?—*парта, книга, молот, трактор* но мукет.

Существительнойёс луо: пёртэм котыръёслэн (арбериослэн) нимзы (*книга, пурт, уробо, машина*), будосъёслэн нимзы (*кызьпу, бадь, зег, сезьы, картовка, етйн, купанча, клевер*), животнойёслэн нимзы (*вал, ыж, гондыр, зичы, парсьпи*), адямиослэн нимзы (*Ваня, Анна, мумы, сузэр, кышномурт, пи, Аыл* но му-

кет), природной явлениослэн нимзы (*лымы, пужмер, тёл, тол, кезыт, воздух* но мукет), общественной явлениослэн нимзы (*совет, колхоз, кооперация, местком, социализм, революция, стачка, демонстрация* но мукет), признакёслэн нимзы (*тазалык, зечлык*), действиослэн во состояниослэн нимзы (*ветлон, гожъяськон, изён, висён* но мукет).

Куд предметёслэн ас понназы гинэ нимзы луэ, сыче нимъёсты ас ним шуо.

Аснимъёсты бадзым букваен гожтыны кутско.

Например: *шуръёс—Кама, Волга, Чепца, Иж* но мукет; *гуртъёс, городъёс, государствоос—Лудошур, Полом, Ижевск, Москва, Сталинград, СССР, УАССР, Англия* но мукет; *адямнос—Петя, Иван, Евдокия, Людмила, Сима* но мукет; завод но колхоз нимъёс—*Ижстальзавод, Сорново, „Знамя труда“, „Трактор“* (колхоз), *„Красная колонна“* (колхоз) но мукет; газетъёслэн, журналъёслэн, книгаослэн нимъёсы—*„Удмуртская правда“, „Удмурт коммуна“, „Молот“* (журнал), *„Ревизор“, „Кызы андан кыдаз“* но мукет.

Значениезъя но формаезъя кинлэн, малэн луэмзэ возьматись существительноез притяжательной существительной шуо.

Например: *мынам ручкае, тынад ручкаед, солэн ручкаез, мялям ручкамы, тйляд ручкады, соослэн ручказы.*

Существительной одйг лыдын но трос лыдын луэ (*ручка—ручкаос, вал—валъёс, уй—уйёс, книгае—книгаосы*). Трос лыдын существительнойлы кинъёс соос? или маос соос? юанъёс пукто.

Предложениын существительной луэ или подлежащей, или сказуемой, или второстепенной член.

Например: *Рабочий туж бадзым пайдалыко рационализаторской предложение сётйз.* Та предложениын *рабочий* кыл—существительной (подлежащей).

*Мынам буби—рабочий.* Та предложениын *рабочий* кыл—существительной (сказуемой).

*Завод рабочийлы премия сётйз.* Татын *рабочийлы* кыл—существительной (второстепенной член).

Зуч кылысь пырем кылъёс, кыче ке ужын ужась муртэз возьматисьёсыз, значениызы но формазыя кык родлы люкисько.

Например: *тракторист—трактористка, звеньевой—звеньевая, учительмы—учительницамы.* Озы ик таçe кылъёс но: *стахановец—стахановка, ударник—ударница* но мукет.

**59 уж.** Гожъялэ но существительнойёссэ гожен тодмостылэ. Собере верале, маослэн соос нимзы луо.

Асьме государствоын, Мичуринск городын (азывыл — Козлов), Иван Владимирович Мичурин улиз. Со кулиз ини. Пёртэм емышо будосъёсты кезыт Сибирьсы, Дальний Востоксы, Америкасы, Китайсы но мукет государствоосыс вайылыса, Иван Владимирович соосты Мичуринск городын *зечомытса будэты-*

лйз. Пъртэм будосъёслы прививка лэсьтылыса, со выль тусо емышъёс шедьтыны быгатйз. Мичурин 350 пёртэм яблукъёс, грушаос, сливаос, вишняос, виноградъёс, сутэръёс, палэзъёс но уно мукет пёртэм емыш будэтыны быгатйз. Солэн садаз туж ческыт яблукъёс вань. Одйгез 600 грамм кыске. Природа ачиз сётоз шуыса, со ёз виты, ачиз пёртэм емышъёс поттыны кутскиз.

60 уж. Гождьлэ но асним луйсь сущестительнойёсты гожен возьматэ.

1. Пичи гинэ нюлэс. Азыло отын кема арьёс чоже вёсяськон инты вал. Али татын культурной парк. Та паркез Можга районьсь Вуж-Какся сельсоветысь „Двигатель“, имени Карла Маркса, „Передовик“ но „Дружба“ колхозъёс лэсьтызы. Парк Вало шурлы матын. Туннэ „Гырон быдтон“ празникез колхозъёс татын ортчыто.

„Удмурт коммуна“ газетысь.

1. 1. Школаын дышеткисьёс тросэз „Будь готов к труду и обороне“ значоклы норма сётйзы. 2. Ми „Мы из Кронштадта“ кино-картинаез учким. 3. А. М. Горькийлэсь „Мать“ произведе-ниэ мон кык пол лыдзи ни. 4. Чепца шур Вятка шуре усе. 5. Кавказын но Уралын туж трос ыргон (медь) потто. 6. Октябрьской революция бере Украинаын, Крымын, Сибирьын, Уралын выль бадзым заводъёс лэсьтэмын. 7. Испаниян главной город-зы — Мадрид. 8. Мон эшелэсь Москваысь гождэтэс басьтя.

## 29 §. Сущестительной трос лыдын.

Трос лыдын сущестительнойлэн -ос или -ёс суффиксэз луэ.

1. Одйг лыдын сущестительной гласной куараен ке дугдэ, трос лыдын -ос суффикс пуксе (*парта — партаос, укно — укноос, писпу — писпуос, инты — интыос, адями — адямиос*).

Валэктон. а) Сущестительной -ия или -ие гласной букваосын ке дугдэ, трос лыдын -я но -е букваос усё (*революция — революциос, комиссия — комисиос, собрание — собраниос, совещание — совещаниос*).

б) Сущестительной одйг лыдын -ея букваосын ке дугдэ, -я букваез уг усъы (*идея, идеяос, аллея — аллеяос*).

2. Одйг лыдын сущестительнойлэн кылпумыз согласной куараен или -й букваен ке дугдэ, трос лыдын -ёс суффикс пуксе.

Валэктон. а) Одйг лыдын сущестительной чурит согласной куараен ке дугдэ, трос лыдын -ёс суффикс азьпала чурит пус (ь) пуктоно (*пурт — пуртъёс, вал — валъёс, трактор — тракторъёс*).

б) Одйг лыдын сущестительной небыт согласной куараен ке дугдэ, трос лыдын -ёс суффикс азьпалан небыт пус (ь) кыле (*бадь — бадьёс, пель — пельёс, букварь — букварьёс*).

в) Одиґ лыдын существительной *-й* букваен ке дугдэ, трос лыдын *-ёс* суффикс азьпала ноқыче пус уг пуктйськы (*уй — уйёс, суй — суйёс, суй — суйёс, рабочий — рабочийёс*).

*61 уж.* Одиґ лыдын сётэм существительнойёсты гожъялэ трос лыдын.

1. а) Республика, массовка, машина, лампа, доска, книга, бусы, сезьы, йыды, сутэрпу, лысву, силё, ки, си, йырси, губи.

б) Демонстрация, кооперация, резолюция, организация, заседание, галлерей.

II. а) Колхоз, совхоз, комбайн, завод, фабрика, музъем, район, пассажир, жок, нукон, скал, жазег.

б) Арась, гурезь, дись, тэль, нянь, бадь, букварь.

в) Рабочий, музей, мастерской, учительской, пужей, кый, суй.

*62 уж.* Предложениосын существительной (подлежащей) одиґ лыдын сётэмн. Сказуемоеныз тупатыса, трос лыдын гожъялэ.

1. Эше учебник басьтйз. 2. Комбайн соку ик ара, соку ик кутса, соку ик тёлэ. 3. Жок вылын книга. карандаш, перо, ручка кыллэ. 4. Глазовын музей вань. 5. Милям школаямы музыкальной кружок ужа. 6. Туннэ собрание луоз. 7. Садэти шулдыр аллея ортче. 8. Укно уламы беризь будэ. 9. Гуртамы вуриськон мастерской ужа.

Возьматон тус: *Эшъёсы учебникъёс басьтйзы.*

### 30 §. Существительнойёслэн склоненизы.

Пёртэм предложениосы существительнойёс кылпумзэс вошъяса пыро, малы ке шуоно, соос предложениосын пёртэм кыльёсын герзасько но предложенилэн пёртэм членъёсыныз луыны быгато.

Например: *Выль школа лэсьтйське.*

*Школаы участок сётэмн.*

*Туннэ школаын собрание луоз.*

*Мон школаысь берти но конькиен нискыланы ветли. Школа кыл, пёртэм предложениосы пырыса, кылпумзэ воштэ. Нырысь предложениын школа — подлежащей, герзаське лэсьтйське сказуемоен, мукет предложениосын — второстепенной членъёс луэ.*

Существительнойёслэсь сыче кылпум вошъямзэс падежъя кылпум вошъян или склонение шуо.

Удмурт кылын тямс падеж: 1) ниман, 2) аджон, 3) возьматон, 4) люкон, 5) сётон, 6) лэсьтон, 7) кельтон, 8) интыян. Таблицаосы тазы вакчиятыса пыртымын луозы: 1) Н., 2) А., 3) В., 4) Л., 5) С., 6) Лт., 7) К., 8) И.

Котькуд падежлэн юанъёсыз вань.

Существительнойлэн кык склонениез.

Нырысетй склонение улэп (луло) предметъёсты возьматйсь существительнойёс пыро но кылпумзэс сизыым падежъя вошъяло, нош кыктэти склонение улэптэм (лултэм) предметъёсты возьматйсьёсыз пыро но кылпумзэс тямс падежъя вошъяло.



## 31 §. Нырысетй склоненилэн таблицаез.

Одйг лыдын.

Падежъёс.	Юанъёс.	Склонение.		
Н.	кин?	<i>арась</i>	<i>сузэр</i>	<i>вын</i>
А.	кинэ?	<i>арас-ез</i>	<i>сузэр-ез</i>	<i>вын-эз</i>
В.	кинлэн?	<i>арась-лэн</i>	<i>сузэр-лэн</i>	<i>вын-лэн</i>
Лк.	кинлэсь?	<i>арась-лэсь</i>	<i>сузэр-лэсь</i>	<i>вын-лэсь</i>
С.	кинлы?	<i>арась-лы</i>	<i>сузэр-лы</i>	<i>вын-лы</i>
Лт.	кинэн?	<i>арас-ен</i>	<i>сузэр-ен</i>	<i>вын-эн</i>
К.	контэк?	<i>арась-тэк</i>	<i>сузэр-тэк</i>	<i>вын-тэк</i>

Трос лыдын.

Пад.	Юан.	Склонение.		
Н.	кинъёс?	<i>арась-ёс</i>	<i>сузэръ-ёс</i>	<i>вынъ-ёс</i>
А.	кинъёсты?	<i>арасьёс-ты</i>	<i>сузэръёс-ты</i>	<i>вынъёс-ты</i>
В.	кинъёслэн?	<i>арасьёс-лэн</i>	<i>сузэръёс-лэн</i>	<i>вынъёс-лэн</i>
Лк.	кинъёслэсь?	<i>арасьёс-лэсь</i>	<i>сузэръёс-лэсь</i>	<i>вынъёс-лэсь</i>
С.	кинъёслы?	<i>арасьёс-лы</i>	<i>сузэръёс-лы</i>	<i>вынъёс-лы</i>
Лт.	кинъёсын?	<i>арасьёс-ын</i>	<i>сузэръёс-ын</i>	<i>вынъёс-ын</i>
К.	кинъёстэк?	<i>арасьёс-тэк</i>	<i>сузэръёс-тэк</i>	<i>вынъёс-тэк</i>

Та таблицаосъя валано луэ: *арась*, *сузэр*, *вын* кылъёс одйг лыдын основаос луо. Трос лыдын основаос — *арасьёс*, *сузэръёс*, *вынъёс*. Кылъёслэн вошъяськись люкетсы кылпум луэ.

Профессиез возматйсь существительнойёс интыян падежъя но кылпумзэс вошъяло (*дышетйсьын*, *дышетйсьысь*, *дышетйсе*, *дышетйсёзь*).

**63 уж.** Падежъёсъя вошъялэ кылпумзэс таёе кылъёслэсь: ударник, колхозник, вал, вальёс, арась, арасьёс, брат, Вася, пионер, вуриськись, тракторист, комбайнёр.

## 32 §. Кыктэти склонение.

Кыктэти склоненийын тямьс падежъя кылпумзэс вошъяло лул-тэм предметъёсты возматйсь существительнойёс. Сизьым падежез нырысетй склоненийсь ик пыре, тямьсэтиез падеж — интыян падеж куать юанъёсын луэ.

Кыктөтй склоненилэн табицаез.

Одйг лыдын.

Пад.	Юан.	Склонение.			
Н.	ма?	колхоз	школа	суй	су
А.	мае? ма?	колхоз-эз, колхоз	школа-ез	су-ез	су-эз
В.	малэн?	колхоз-лэн	школа-лэн	суй-лэн	су-лэн
Лк.	малэсь?	колхоз-лэсь	школа-лэсь	суй-лэсь	су-лэсь
С.	малы?	колхоз-лы	школа-лы	суй-лы	су-лы
Лт.	маин?	колхоз-эн	школа-ен	су-ен	су-эн
К.	матэк?	колхоз-тэк	школа-тэк	суй-тэк	су-тэк
И.	кытын?	колхоз-ын	школа-ын	суй-ын	су-ын
	кытысь?	колхоз-ысь	школа-ысь	суй-ысь	су-ысь
	кытысен?	колхоз-ысен	школа-ысен	суй-ысен	су-ысен
	кытчы?	колхоз-э	школа-е	су-е	су-э
	кытчыозь?	колхоз-озь	школа-озь	су-ёзь	су-озь
	кытй?	колхоз-эти	школа-ети	су-ети	су-эти

Трос лыдын.

Пад.	Юан.	Склонение.		
Н.	маос?	колхозьёс	школаос	суйёс
А.	маосты?	колхозьёс-ты	школаос-ты	суйёс-ты
В.	маослэн?	колхозьёс-лэн	школаос-лэн	суйёс-лэн
Лк.	маослэсь?	колхозьёс-лэсь	школаос-лэсь	суйёс-лэсь
С.	маослы?	колхозьёс-лы	школаос-лы	суйёс-лы
Лт.	маосын?	колхозьёс-ын	школаос-ын	суйёс-ын
К.	маостэк?	колхозьёс-тэк	школаос-тэк	суйёс-тэк
И.	кытын?	колхозьёс-ын	школаос-ын	суйёс-ын
	кытысь?	колхозьёс-ысь	школаос-ысь	суйёс-ысь
	кытысен?	колхозьёс-ысен	школаос-ысен	суйёс-ысен
	кытчы?	колхозьёс-ы	школаос-ы	суйёс-ы
	кытчыозь?	колхозьёс-озь	школаос-озь	суйёс-озь
	кытй?	колхозьёс-ти	школаос-ти	суйёс-ти

Кыктэти склонениез нырысетй склонениен чошатыса эскериськом ке, сизьым падежын значенизы ласянь но формазы ласянь соослэн пöртэмзы öвöл. Кыктэти склонение тямьсэти падеж гинэ куать юаньёсыныз ватсаське на.

64 уж. Вошъялэ падежьёсыя кылпумзэс таёе кылъёслэсь: город, азбар бадь, музей, районъёс, рассказъёс, бадьёс, музейёс, книгаос, вöй.

### 33 §. Пöртэм падежьёсын существительнойёслэн значенизы но формазы.

Ниман падежын существительной предметлэн огшоры нимыз луэ, формаезья—основа. Предложениын ниман падеж возматэ активной, маке но лэсьтйсь, предметэз возматйсь существительноез. Предложениын со подлежащей луэ.

Адзöн падежын сылйсь существительной ниман активной падежлы пумит пассивной луэ. Предложениын со второстепенной член луэ.

Адзöн падежын одйг лыдын -эз или -ез кылпум ватсаське (вуэз, вöбез, пелез).

*Жытазе колхозникъёс плугез, усыез, кизён машинаез лабаз улэ пуктйзы но гуртэ бертйзы. Плугез, усыез, машинаез предложениын второстепенной членъёс — существительнойёс адзöн падежын.*

Адзöн падежын существительнойлэн трос лыдын кылпумыз -ты луэ (усыосты, плугъёсты).

*Жытазе колхозникъёс плугъёсты, усыосты, кизён машинаосты лабаз улэ пуктйзы.*

Адзöн падежын сылйсь существительнойёс предложениосы ёем дыръя ниман падежын формаем пырыло. Юанзы но ниман падежын кадь ик луэ. Адзöн падежын луэмзэс значенизы но предложениын интызыя гинэ валаны луэ. Адзöн падежын сылйсь существительной предложениын подлежащей ноку но уг луы, со второстепенной член луэ.

Например: *Дышетскись книга лыдзе.* Кин книга лыдзе?— *Дышетскись* — подлежащей, выразитй каремын ниман падежын существительноем. *Дышетскись* ма лыдзе?— *Книга* — второстепенной член, выразитй каремын адзöн падежын существительноем, нош формаезья ниман падежын кадь.

Озы ик трос лыдын но.

Например: *Колхоз плугъёс, машинаос басьтйз.* Та предложениын подлежащеез — *колхоз*, выразитй каремын существительноем ниман падежын. *Плугъёс, машинаос* предложениын второстепенной членъёс. Соин соосты адзöн падежын лыдъяно.

Возматон падеж кинлэн, малэн луэмез возматэ. Возматон падежын существительнойлэн кылпумыз одйг лыдын но, трос лыдын но -лэн луэ (*Васялэн, дышетйсьёслэн, рабочийлэн, парталэн, жöклэн*).

Люкон падеж кинлэсь ке но малэсь ке люконэз, басьтонэз возьматэ. Люкон падежын существительнойлэн кылпумыз одйг лыдын но, трос лыдын но *-лэсь* луэ (*пыдлэсь, килэсь, йдлэсь, пыдъёслэсь, киослэсь*).

Сётон падеж кинлы ке но малы ке сётонэз возьматэ. Сётон падежын существительнойлэн кылпумыз одйг лыдын но, трос лыдын но *-лы* луэ (*валлы, валъёслы, зазеглы, зазегъёслы, книгагалы, книгаослы*).

Лэсьтон надеж кинэн ке, маин ке лэсьтэмез, каремез или кинэн ке чош ужабез возьматэ. Люкон падежын существительнойлэн кылпумыз одйг лыдын *-эн, -ен* луэ (*тйрен, пероен, валэн*).

Адымлэсь куд ёзвизэ, чыжы-выжызэ, мылкыдзэ возьматйсьёсыз существительнойёс но мукет предметъёслэсь куд люкетъёссэс возьматйсь существительнойёс лэсьтон падежын одйг лыдын *-ын* кылпум кутто (*нырын, пыдын, кыын, мылкыдын, тусын, ныдын, пумын* но мукет).

Мумы но бубы кыльёс лэсьтон падежын одйг лыдын *-ин* кылпум кутто (*мумин, бубин*).

Лэсьтон падежын трос лыдын существительнойлэн кылпумыз котьку *-ын* луэ (*валъёсын, книгаосын, вынъёсын, киосын*).

Кельтон падеж кинтэк, матэк кылемез возьматэ. Кельтон падежын существительнойлэн кылпумыз одйг лыдын но, трос лыдын но *-тэк* луэ (*тетрадьтэк, тетрадьёстэк, перотэк, пероостэк*).

Интыян падежын существительнойёс формазя но валатонзья пёртэмез луо, мукет ласянь эскерыса, соос ванзы интыез возьмато, соин одйг надеже огазеямын. Конкретной значенизэс юанъёсья валано.

Кытын? юанлы существительной кытын, кыче интыын луэмез, ужабез, ортчемез возьматэ. Кылпумыз одйг лыдын но, трос лыдын но *-ын* луэ (*веранын, веранъёсын, ужын, ужъёсын, пельын, пельёсын, суйын, суйёсын*).

Кытысь? юанлы существительной кытысь, кыче интыысь потэмез, кошкемез возьматэ. Кылпумыз одйг лыдын но, трос лыдын но *-ысь* луэ (*бусыысь, бусыосысь, ужамысь, пельысь, суйысь, удисъёсысь*).

Кытысен? юанлы существительной кытысен, кыче интыысен потэмез возьматэ. Кылпумыз одйг лыдын но, трос лыдын но *-ысен* луэ (*гуртысен, гуртъёсысен, Лудорвайысен, тэлыысен*).

Кытчы? юанлы существительной кытчы, кыче интые мынэмез возьматэ. Кылпумыз одйг лыдын *-э* или *-е* луэ (*бусые, лудэ, вуэ, азбаре, Лудорвае, тэле*). Трос лыдын кылпумыз *-ы* (*бусыосы, лудъёсы, азбаръёсы*).

Кытчюзь? юанлы существительной кытчюзь, кыче интыозь вуэмез возьматэ. Кылпумыз одйг лыдын *-озь, -ёзь* (*бусыозь, тэльёзь*). Трос лыдын *-озь* гинэ (*бусыосозь, тельёсозь, вераскон кылын ичи шедьылэ*).

Кытй? юанлы существительной кытй, кыче интыетй мынэ-мез, ортчемез возматэ. Кылпумыз одйг лыдын *-этй, -етй* (*бусыетй, вуэтй, лудэтй, Лудорваетй, тэлетй*), трос лыдын *-тй* (*бусыостй, вуостй, лудбёстй*).

65 уж. Гождялэ но существительнойёссэ гожен тодмостылэ, выльязы падеж нимзэс пуктылэ.

I. Ми пала завод лэсьтйзы. Заводтэк татын шимес вал. Заводын етйн сэсто. Уж йылэмен, заводэз арысь аре паськытато. Заводэ выль рабочийёс лыкто. Заводысь рабочийёс ударно ужало. Та заводлы сырьё асьме республикаямы дасяло. Заводысь продукция басма куон фабрикае мынэ.

II. 1. Ужаку, колхозысь пичи пинальёс яслиын уло. 2. Докладчикез туж умой кылзйзы. 3. Плантэк ужаны уг луы. 4. Техника азылань вамыштэмъя, адыми писпуысь буртчин лэсьтыны дышиз. 5. Буртчинэз писпуысь лэсьто вискозной фабрикаосын. 6. Жбкбёсты, пуконбёсты, партаосты писпулэсь лэсьто. 7. Бадзым фабрикаослы бадзымесь машинаос кулэ. 8. Музьем эгырез музьемесь потто. 9. Трубаостй вуэз, воздухез, нефтез, вбёз кыскон понна насосбёс но вентиляторбёс кулэ.

III. Трос машинаос пблысь куд-огез асьмелы поттозы сырьё—руда, эгыр, луо, из. Музонбёсыз со сырьёез заводбёсы нуллозы. Куиньметйосыз заводбёсын ужалозы—сырьёысь товарбёс лэсьтозы. Нылетйосыз совхозбёсын но колхозбёсын ужалозы, асьмелы нянь поттозы.

М. Ильин, Великой план сярсысь рассказ.

А. К.  
Возматон тус: *Ми пала завод лэсьтйзы. Заводтэк татын шимес вал.*

### 34 §. Падежной кылпумбёсты шонер гождян.

1. Адзон, лэсьтон падежбёсын но интыян падежын кытчы? кытчыозь? кытй? юанбёсыя существительнойёслэсь падежной кылпумзэс шонер гождяны понна, жеч тодоно э но е букваослэсь кытын гождйськемзэс. Э букваез д, з, л, н, с, т согласной букваос бере, чурыт кылйськыкузы, гождто. Со сяна, у, ю, о но одйг слогбем кылбёсын ы гласной букваос бере гождто.

2. Существительной одйг лыдын ниман падежын *-ь* или *-й* кылпумен ке луэ, адзон, лэсьтон падежбёсын но интыян падежын кытчы? кытчыозь? кытй? юанбёсыя падежной кылпумыз азыалан *ь* но *й* уг гождйсько. (*дйсь, дйсез, дйсен, дйсе, дйсёзь, дйсетй; сюй, сюез, сюен, сюе, сюёзь, сюетй*).

3. Существительной одйг лыдын ниман падежын *-ия* или *-ие* букваосын ке дугдэ, мукет падежбёсын *я* но *е* букваос усё (*ревизия, ревизиез, ревизилы, ревизилэсь, ревизилэн, ревизиен, ревизитэк, ревизийсь*). Трос лыдын ниман падежын но *-я, -е* букваос уг гождйсько (*ревизиос, ревизиосты, ревизиослы, ревизиосын*).

4. Существительной одыг лыдын ниман падежын **-ея** букваосын, собере фамилиос **-ая** но **-ий**, **-ый** букваосын ке дугдо, **-я** но **-й** букваос но кычче падежын но уг усё (*аллея, аллеяз, аллеялы, аллеяен, аллеяе; Верейская, Верейскаяез, Верейскаялы, Верейскаяен; Полянский, Полянскийез, Полянскийлы, Полянскийен*).

Существительной одыг лыдын ниман падежын **-ья**, **-ье**, **-ьё** букваосын ке луэ, падежъёсыя кылпумзэ вошъяку, **-я**, **-е**, **-ё** букваос уг усё (*семья—семьялы, семьяен; сирьё—сирьёез, сирьёослы*).

**66 уж.** Скобкаосыс существительнойёсты поттэ, кулэ падежной кылпумъёс ватсаса.

Сибирьын трос нянь, нюлэс, эгыр. (Туркестан) хлопок трос кизё. Фабрикаосын (хлопок) пёртэм тканьёс куо. Нянез (Сибирь) Туркестанэ азьвил шуг вал нуыны. Туркестан (Сибирь) люкемын вал вутэм, сюрестэм степен. Нянез отчы нуллылызы котыръясь кузь сюресэн (Челябинск), (Уфа), (Оренбург).

Али выль чугун сюрес—Турксиб лэсьтэмын. Турксиб Сибирез (Туркестан) герза. Чугун сюрес Семипалатинскысен Луговая (станция) поттэмын. (Нянь) поездъёс Сибирьыс (Туркестан) мыно. Промышленной (районъёс) Туркестаныс хлопок нуо.

**67 уж.** Гожъякуды, скобкаосыс юанъёс интые пуктылэ уль гожтэм существительнойёсты, юанъёсыя кылпум ватсаса.

Тулыс лыктэ. (Кытын?) туж шулдыр, шунды пиштэ. Колхозникъёс тулыс (малы?) кужмо дасясько. Толалтэ тупатизы музьем ужан машинаос но орудюс: (маос но маос?). Ю кидыс но дасязы: сезы, чабей, йыды, етйн, кёжы, съд чабей но мукет. Колхозникъёс кизыны дась. Соос (ма?) ортчыто.

— „Тулыс (мае?) большевистской жоглыкъёсын ортчытом. Со понна ужасьёс пöлын соцсоревнование но ударничество вöлмытом. Кизёнэз дырыз дыръя быдэстом, (маин но кинъёсын?) зол нюръяськом, (кинъёслы?) премиос сётом. Озы асьмеос (мае?) азыланьтом“, — шуэ колхоз (кин?).

Колхозникъёс кизэс зол чапко. Тулыс ю (мае?) дырыз дыръя быдэстом шуыса, (ма?) сёто.

Юанъёс интые кылъёс: *бусы, ю кизён, тракторъёс, плугъёс, усюс, кизён машинаос, собрание, кизён, обезличка, прогульщик, ударникъёс, уж, председатель, кизён, кыл.*

**68 уж.** Гожъялэ, точкаос интые кулэ падежной кылпум ватсаса.

1. Колхозын гырисьёс бригада... ужало. 2. Котькуд бригада... уж сётэмын. 3. Колхозын луд ужъёс... дырыз-дыръя быдэстызы. 4. Валъёс... зеч утялтоно. 5. Скал... нуналлы куинь пол кыскылоно. 6. Совхозын кроликъёс... толалтэ азе тырмымон сион дасямын. 7. Дышетскись библиотека... книга басьтыз но колхозникъёс... лыдзэ. 8. Милям колхозамы трактор... ужало. 9. Трактор бензин... ужа. 10. Кирпич лэсьто горд суй... но луо... . 11. Котькуд ю-тысь... социалистической урожай басьтом. 12. Жытьёсы

клуб... газет лыдзыны ветлйськом. 13. Костин... станок бордын  
 зеч ужабез понна премировать каризы. 14. Братэ Ленинград...  
 дышетскыны кошкыз, нош сузэре—Киров... . 15. Ульчаос... трос  
 автомобильёс, автобусьёс ветло. 16. Гурт... мотоциклетэн ор-  
 тчы. 17. Ижевскысен Лудорва... дас кык километр.

69 уж. Гожъялэ, скобкаосыс существительнойёслы кулэ падежной кылпум  
 ватсаса.

1. Тияськем партаосты но пуконъёсты (мастерской) тупаты-  
 ны нуизы. 2. Ижевскын (трамвай) ветло. 3. Вася визнанэныз  
 (чипей) кутэм. 4. Толон ми экскурсиен (музей) ветлйм. 5. Ян-  
 варь (толэзь) куамын одйг нунал. 6. Дас витетй (июнь) гужем  
 каникул кутскоз. 7. Гужем Ижевске мон (автомобиль) ветлй.  
 8. Жытазе шудйсьёслы (репетиция) мыноно. 9. (Испания) пи-  
 пальёс СССР-е шутэтскыны лыктйзы. 10. Рабочийёс но колхоз-  
 никъёс Волга—Москва каналэтй (экскурсия) ветлизы. 11. Ок-  
 тябрьской празднике (демонстрация) туж трос калык вал.

### 35 §. Притяжательной существительной.

Значениезъя но формаезъя кинлэн, малэн луэмзэ возьматъсь  
 существительноез пр и т я ж а т е л ь н о й существительной шуо.

Притяжательной существительной куинь лицолэн луэмзэ  
 возьматэ. Лицозэ валаны понна таёе кылъёс пыро:

Одйг лыдын: 1 л.—*мынам*, 2 л.—*тынад*, 3 л.—*солэн*.

Трос лыдын: 1 л.—*мылям*, 2 л.—*тйляд*, 3 л.—*соослэн*.

Притяжательной существительнойёс формаезъя но значени-  
 зъя кык группалы люкисько.

Нырысетйез группа: лицоез одйг, нош предметэз одйг но  
 трос (*мынам книгае, книгаосы; тынад книгаед, книгаосыд; со-  
 лэн книгаез, книгаосыз*).

Кыктэтйез группа: лицоез трос, нош предметэз одйг но  
 трос (*мылям книгамы, книгаосмы; тйляд книгады, книгаосты;  
 соослэн книгазы, книгаоссы*).

Нырысетй группасы притяжательной существительнойёслэн таблицазы  
 (ниман падеж).

Лицоез.	Одйг лыдын.	Трос лыдын..
1. мынам	<i>перо-е</i>	<i>пероос-ы</i>
2. тынад	<i>перо-ед</i>	<i>пероос-ыд</i>
3. солэн	<i>перо-ез</i>	<i>пероос-ыз</i>
1. мынам	<i>пурт-э</i>	<i>пуртвёс-ы</i>
2. тынад	<i>пурт-эд</i>	<i>пуртвёс-ыд</i>
3. солэн	<i>пурт-эз</i>	<i>пуртвёс-ыз</i>
1. мынам	<i>кы-ы</i>	<i>кыос-ы</i>
2. тынад	<i>кы-ыд</i>	<i>кыос-ыд</i>
3. солэн	<i>кы-ыз</i>	<i>кыос-ыз</i>

Нырысетй группасы притяжательной существительнойёслэн одйг лыдын притяжательной формаоссы: 1 л. *-е, -э, -ы;* 2 л. *-ед, -эд, -ыд;* 3 л. *-ез, -эз, -ыз.*

Валэктон. *-ы, -ыд, -ыз* формаен пуксё адямилэсь куд ёзвизэ, чыжы-выжызэ, мылкызэ возматйсь кылъёс (*пелы, пельыд, пельыз; нылы, нылыд, нылыз, мылкыдыз*). Мумы, бубы, ай кылъёслэн притяжательной формазы *и* но луылэ (*муми, буби, аи; бубид, мумид, аид; мумиз, бубиз, аиз*).

Трос лыдын притяжательной формаос: *-ы, -ыд, -ыз.*

Простой существительнойёслэн кылпумзы *-ия, -ие* ке луо, притяжательной форма азын *-я* но *-е* букваос усё (*резолуция, резолуцимы, резолуциед, резолуциез*).

*70 уж.* Гожъялэ но притяжательной существительнойёссэ гожен тодмостылэ. Вералэ, предложениослэн кыче членъёссы соос.

1. Карандаше, ручкае, тетрадьёсы но книгаосы жок вылам кыллэ. 2. Тетраде котьку чылкыт. 3. Мынам орфографической словаре вань. 4. Ленинградсы братэлэн гожтэтэз вуиз. 5. Тракторед чылкыт сузямын мед луоз. 6. Семенов трактористлэн тракторез котьку чылкыт улэ. 7. Совхозлэн тракторъёсыз кизён азе дасесь. 8. Вожекто ни колхозлэн бусыосыз. 9. Мынам атае заводын ужа. 10. Петровлэн пиез индустриальной рабфакын дышетске. 11. Зеч ужамез понна Петровез премировать каризы. 12. Днепрогэс Сталинской пятилеткалэн величайшой сооружениосыз пöлысь одйгез луэ.

Кыктэтй группасы притяжательной существительнойёслэн таблицазы (ниман падеж).

Лицоез.	Одйг лыдын.	Трос лыдын.
1. милям	<i>перо-мы</i>	<i>пероос-мы</i>
2. тйляд	<i>перо-ды</i>	<i>пероос-ты</i>
3. соослэн	<i>перо-зы</i>	<i>пероос-сы</i>
1. милям	<i>гурт-мы</i>	<i>гуртвёс-мы</i>
2. тйляд	<i>гурт-ты</i>	<i>гуртвёс-ты</i>
3. соослэн	<i>гурт-сы</i>	<i>гуртвёс-сы</i>

Кыктэтй группасы притяжательной существительнойёслэн одйг лыдын притяжательной формаоссы: 1 л. *-мы;* 2 л. *-ды, -ты;* 3 л. *-зы, -сы.* Трос лыдын: 1 л. *-мы;* 2 л. *-ты;* 3 л. *-сы.*

*71 уж.* Гожъялэ но притяжательной существительнойёссэ гожен тодмостылэ. Вералэ, предложениослэн кыче членъёссы соос.

1. Колхозъёсмы будо но юнмало. 2. Туннэ ударникъёслэн производственной совещанизы мынэ. 3. Красной Армия—рабочийёслэн но крестьянъёслэн армизы. 4. Бадъым но кужмо асьмелэн Союзмы. 5. Дышетйсьмы быдэн кык тетрадь сётйз.



6. Колхозьёслэн валъёссы кизён азе зеч сюдэмын но шутэтэмын.  
 7. Соослэн колхоззы азьмынйсен лыдьяске. 8. Метростроез  
 милям адземмы вань ни. 9. Москвае ветлэмды вань ни-а?  
 10. Дано мед луоз калыклэн вождез—вормонысь вормонэ нуись  
 Великой учительмы—Сталин эш!

### 36 §. Притяжательной существительнойёслэн склоненизы.

Притяжательной существительнойёс, простой существительнойёс сямен ик, кылпумзэс падежьёсыя вошъяло. Луло предметёсты возматись существительнойёс сизьым падежъя кылпумзэс вошъяло, нош лултэм предметёсты возматись существительнойёс — тямыс падежъя.

Юанъёссы но падежной кылпум куто (кинэ? кинме? кинэлэн? кинэлэсь? кинэлы? кинэным? кинэтэк? кинэд? киндэ? кинэдлэн? кинэдлэсь? кинэдлы? кинэныд? кинэдтэк? мазы? мазэс? мазылэн? мазылэсь? мазылы? майнызы? мазытэк? кытынады? кытысьтызы? кытчяды? кытйады? но мукет).

Нырысетй группасы притяжательной существительнойёслэн  
 склоненизылэн таблицаез.

Одйг лыдын.

Пад.	Мынам	Тынад	Солэн
Н.	<i>эш-е книга-е</i>	<i>эш-ед книга-ед</i>	<i>эш-ез книга-ез</i>
А.	<i>эш-м-е книга-м-е</i>	<i>эш-т-э книга-д-э</i>	<i>эш-с-э книга-з-э</i>
В.	<i>эш-е-лэн книга-е-лэн</i>	<i>эш-ед-лэн книга-ед-лэн</i>	<i>эш-ез-лэн книга-ез-лэн</i>
Лк.	<i>эш-е-лэсь книга-е-лэсь</i>	<i>эш-ед-лэсь книга-ед-лэсь</i>	<i>эш-ез-лэсь книга-ез-лэсь</i>
С.	<i>эш-е-лы книга-е-лы</i>	<i>эш-ед-лы книга-ед-лы</i>	<i>эш-ез-лы книга-ез-лы</i>
Лт.	<i>эш-ен-ым книга-ен-ым</i>	<i>эш-ен-ыд книга-ен-ыд</i>	<i>эш-ен-ыз книга-ен-ыз</i>
К.	<i>эш-е-тэк книга-е-тэк</i>	<i>эш-ед-тэк книга-ед-тэк</i>	<i>эш-ез-тэк книга-ез-тэк</i>
И.	<i>книга-я-м</i>	<i>книга-я-д</i>	<i>книга-я-з</i>
	<i>книга-ысь-тым</i>	<i>книга-ысь-тыд</i>	<i>книга-ысь-тыз</i>
	<i>книга-ысен-ым</i>	<i>книга-ысен-ыд</i>	<i>книга-ысен-ыз</i>
	<i>книга-я-м</i>	<i>книга-я-д</i>	<i>книга-я-з</i>
	<i>книга-оз-ям</i>	<i>книга-оз-яд</i>	<i>книга-оз-яз</i>
	<i>книга-етй-м</i>	<i>книга-етй-д</i>	<i>книга-етй-з</i>

Нырысетй группакы притяжательной существительной ёслэн склоненизылэн таблицаез.

Трос лыдын.

Пад.	Мынам	Тынад	Солэн
Н.	книгаос-ы	книгаос-ыд	книгаос-ыз
А.	книгаос-м-е	книгаос-т-э	книгаос-с-э
В.	книгаос-ы-лэн	книгаос-ыд-лэн	книгаос-ыз-лэн
Лк.	книгаос-ы-лэсь	книгаос-ыд-лэсь	книгаос-ыз-лэсь
С.	книгаос-ы-лы	книгаос-ыд-лы	книгаос-ыз-лы
Лт.	книгаос-ын-ым	книгаос-ын-ыд	книгаос-ын-ыз
К.	книгаос-ы-тэк	книгаос-ыд-тэк	книгаос-ыз-тэк
И.	книгаос-а-м	книгаос-а-д	книгаос-а-з
	книгаос-ысь-тым	книгаос-ысь-тыд	книгаос-ысь-тыз
	книгаос-ысен-ым	книгаос-ысен-ыд	книгаос-ысен-ыз
	книгаос-а-м	книгаос-а-д	книгаос-а-з
	книгаос-оз-ям	книгаос-оз-яд	книгаос-оз-яз
	книгаос-тй-м	книгаос-тй-д	книгаос-тй-з

Пёртэм падежъёсын притяжательной формазы но падежной формазы интызэс вошъяса пуксё. Адзон, возъматон, люкон, сётон но кельтон падежъёсын азьло притяжательной формаез пуксе, пумаз—падежной формаез. Лэсьтон но интыян падежъёсын азьвыл падежной формаез пуксе, пумаз—притяжательноез.

Адзон падежын притяжательной формаос: 1 л. -м; 2 л. -д, -т; 3 л. -з, -с.

Д но з куараос гласной куараос бере но звонкой согласной куараос бере пуксё (книгадэ, книгазэ, валдэ, валзэ), нош т но с—глухой согласной куараос бере (карандаштэ, карандашсэ).

72 уж. Вошъялэ падежъёсья таё кыльёсты: дэреме, дэремъёсы, братэд, братъёсыд, пиез, пиосыз.

73 уж. Гожъялэ но нырысетй группакы притяжательной существительнойёсты гожен тодмостылэ, вылиязы падеж нимзэс пуктылэ.

1. 1. Мынам кык кроликъёсы вань. 2. Кроликъёсме жеч утял-тйсько. 3. Коля, тынад кроликъёсыд вань-а? 4. Валялэн кролик-кез одйг. 5. Со кроликсэ нянен, чуж кушманэн, кубистаен сюдэ.

II. 1. Вася эшным одйг парта съёрын пукиськом. 2. Облягацие 250 манет утйз. 3. Дарья кенак нылызлы книга басьтэм. 4. Петя гуртысьтыз мумизлэсь гожтэтэс басьтэм. 5. Олеш бубизтэк но мумизтэк будйз, али колхозын трактористын ужа. 6. Костя быдэстэм ужелзы туж шумпотэн. 7. Тетрадьтэк школае уг ветлйськы.

Н.

Возъматон тус: Мынам кык кроликъёсы вань.

Кыктэти группасы притяжательной существительной ёслои  
склоненизылэн таблицаез.

Одиглыдын.

Пад.	М и л я м		Т й л я д		С о о с л а н	
Н.	<i>эш-мы</i>	<i>книга-мы</i>	<i>эш-ты</i>	<i>книга-ды</i>	<i>эш-сы</i>	<i>книга-зы</i>
А.	<i>эш-м-ес</i>	<i>книга-м-ес</i>	<i>эш-т-эс</i>	<i>книга-д-эс</i>	<i>эш-с-эс</i>	<i>книга-з-эс</i>
В.	<i>эш-мы-лэн</i>	<i>книга-мы- -лэн</i>	<i>эш-ты-лэн</i>	<i>книга-ды- -лэн</i>	<i>эш-сы-лэн</i>	<i>книга-зы- -лэн</i>
Лк.	<i>эш-мы-лэсь</i>	<i>книга-мы- -лэсь</i>	<i>эш-ты-лэсь</i>	<i>книга-ды- -лэсь</i>	<i>эш-сы-лэсь</i>	<i>книга-зы- -лэсь</i>
С.	<i>эш-мы-лы</i>	<i>книга-мы- -лы</i>	<i>эш-ты-лы</i>	<i>книга-ды- -лы</i>	<i>эш-сы-лы</i>	<i>книга-зы- -лы</i>
Лт.	<i>эш-ен-ымы</i>	<i>книга-ен- -ымы</i>	<i>эш-ен-ыды</i>	<i>книга-ен- -ыды</i>	<i>эш-ен-ызы</i>	<i>книга-ен- -ызы</i>
К.	<i>эш-мы-тэк</i>	<i>книга-мы- -тэк</i>	<i>эш-ты-тэк</i>	<i>книга-ды- -тэк</i>	<i>эш-сы-тэк</i>	<i>книга-зы- -тэк</i>
И.		<i>книга-я-мы</i>		<i>книга-я-ды</i>		<i>книга-я-зы</i>
		<i>книга-ысь- -тымы</i>		<i>книга-ысь- -тыды</i>		<i>книга-ысь- -тызы</i>
		<i>книга-ысен- -ымы</i>		<i>книга-ысен- -ыды</i>		<i>книга-ысен- -ызы</i>
		<i>книга-я-мы</i>		<i>книга-я-ды</i>		<i>книга-я-зы</i>
		<i>книга-оз- -ямы</i>		<i>книга-оз- -яды</i>		<i>книга-оз- -язы</i>
		<i>книга-етй- -мы</i>		<i>книга-етй- -ды</i>		<i>книга-етй- -зы</i>

Существительноез трослыдын ке луэ, основаяз *-ов* или *-ёс* суффикс ватсаське.

Например: ниман падежын — *эшъёсмы*, сётон п. — *эшъёсмылы*, кельтон п. — *эшъёсмытэк*.

74 уж. Вошъялэ надежъёсыя таёе кыльёсты: классмы, классъёсмы; тетрадьды, тетрадьёсты; валзы, вальёссы.

75 уж. Гожъялэ но кыктэти группасы притяжательной существительной ёсты гожен тодмостылэ. Выляязы гожтэ падеж нимзэс.

1. Миялам колхозамы вальёсмы умоесь. 2. Ми вальёсмес зеч сюдиськом. 3. Зеч ужасьёсмес туэ экскурсие но шутэтскон коркаосы келялом. 4. Кыктэти бригадаысь бригадирзы ужен кивалтыны быгатэ. 5. Колхозникъёс конференцие ыстэм делегатъёссэс витё. 6. Рабочийёс ми доры дышетскеммес но ужаммес учкыны ветлйзы. 7. Скальёстылы сион тырмыг понэ. 8. Заводын стахановецьёссэс премировать каризы. 9. Миялам колхозмы нюлэс дасяи планзэ быдэстиз ни. 10. Арктика асьмелэн сталинской сокольёсынымы завоевать каремыи.

76 *уж*. Скобкаосыс кылъёссэ кулэ падежной формаен гождьлэ.

1. Мон (книгае) Петровлы сётй. 2. Тон (книгаед) мыным сётд-а? 3. Ми (заданимы) быдэстйм. 4. Школаыс красной (уголокмы) колхозникъёс книгаос, газетъёс но журналъёс лыдзыны басытыло. 5. Красной (уголокмы) туж умоесь интересной книгаос вуыло. 9. Тйляд (шоколады) красной уголокты вань-а? 7. Милям (заводмы) ку лэсьто. 8. (Заводмы) трос выль рабочийёсты кутызы. 9. Туэ (участокмы) трос бакча сион октым. 10. Туннэ (гуртмы) мотоциклетэн ортчизы.

Возьматон тус: 1. *Мон книгаме Петровлы сётй.*

77 *уж*. Гождьакуды, скобкаосыс кылъёссэ предложениосы падежной но притяжательной формаен пыргылэ.

1. (Гурт) туэ туж трос писпу мертгйзы. 2. Тйляд (колхоз) кбня кизён машинады? 3. (Уж) тырмымтэ интыоссэ шараяно. 4. Колхозникъёс (пудо) тырмымон сион дасязы. 5. Азьмынйсь колхозъёслэн но колхозникъёслэн инициативазы асьме (республика) колхозной праздник „Гырон быдтон“ ялэмын. 6. Та колхозной празднике Удмуртиысь вань колхозъёс но колхозникъёс асьсэлэсь ударно (ужам) но (вормемъёс) йылпумъяло. 7. Колхозникъёс асьсэлэн (предложениос) нырысь ужпумен пукто выль урожай понна, социалистической животноводство понна нюръяськонэз. 8. Дано мед луоз социалистической бусыосысь стахановецъёслэн (праздник)!

Возьматон тус: *Гуртамы туэ туж трос писпу мертгйзы.*

### 37 §. Притяжательной существительнойёсты шонер гождьян.

1. Притяжательной существительнойёсын ниман но адзон падежъёсын *мм, дд, тт, зз, сс* кык полэс согласной куараос шедьыло. Нырысез согласной куараез основаын луэ, нош кыктэтйез притяжательной формаен ватсаське.

Например: 1. Ниман падежын: *дэреммы, ниммы, сюлэммы, ужаммы, ветлэммы* (валано — милям); *городды, прудды, гуртты, пуртты* (валано — тйляд); *вуззы, иззы, туссы, виссы, удиссы, ужгёссы, вальёссы, школаоссы* (валано — соослэн).

2. Адзон падежын: *дэремме, нимме, ужамме, ветлэмме* (валано — мынэсьтым); *городдэ, пруддэ, гурттэ, пурттэ* (валано — тынэсьтыд); *вуззэ, иззэ, туссэ, виссэ* (валано — солэсь).

2. Интыян падежын кы тын? но кытчы? юанъёслы падежной кылпумзы *-а* или *-я* луэ. Чурыт согласной куараос бере но *у, ю, ё* но одйг слогем кылъёсын *ы* гласной куараос бере *-а* гождйське (*гуртазы, азбараз, вуады, писпуазы, юамы* (ю пушканы), *кбазы, тыазы*).

Мукет гласной куараос бере но небыт согласной куараос бере *-я* гождйське (*пелям, нянды, интыяз, укнояз, книгагямы*).

78 *уж*. Гожъялэ точкаос интые ули гожтэм существительнойёсты, юанъёсыя кылпум ватсаса.

1. Нырысь ик школае лыктй но, дышетйсь юаз мынэсьтым (маме?)... но фамилиме. 2. Первой классын (маме?)... али но зеч тодисько на. 3. Милесьтым гуртын (маме?)... дышетйсьмы эскере. 4. Дэриесь (мадэс?)... Ёс дорын чушылэ. 5. Колхоз ю (мазэ?)... мертаз но кёс кеносъёсы кисьтйз. 6. Колхозъёс тулыс азе ю кизён (маоссэс?)... тупатъяло. 7. Школа зеч (кинъёссэ?)... шутэтскон коркаосы ыстйз.

Юанъёс интые ниман падежын сётэм кылъёс:

*нимы, дышетскеме, гожъяммы, пыдды, кидысэз, машинаоссы, дышетскисъёсыз.*

### 38 §. Существительнойёслэн суффиксъёсы.

Тросэз существительнойёс пöртэм суффиксъёсын пöрмо существительнойёсысь ик или мукет вераськон люкетъёсысь.

*-лык* суффиксэн существительнойёс пöртэм вераськон люкетъёсысь пöрмо.

Например: 1. *Тйр + лык, тодон + лык* существительнойёсысь выль существительнойёс. 2. *Зечлык, тазалык* существительнойёс прилагательнойысь *-лык* суффиксэн пöрмо.

Глаголысь существительной пöрмытйсь суффиксъёс тачеесь: *-ан, -ян; -ась, -ясь; -ам, -ям.*

Например: 1. *ужаны*

*уж + ан*

*уж + ась*

*уж + ам*

*гожъ + ян*

2. *гожъяны*

*гожъ + ясь*

*гожъ + ям*

3. *кутсаны*

*кутс + ась*

*кутс + ан*

*кутс + ам*

*-он, -ён; -ись, -йсь; -эт, -ет; -эм, -ем; -ос, -ёс; -ыс* но мукет суффиксъёсын но пöрмо глаголъёсысь существительнойёс.

Например: 1. *липыны*

*лип + он*

*лип + ись*

*лип + эт*

*лип + ем*

2. *вордыны*

*ворд + ос*

*ворд + йсь*

*ворд + он*

*ворд + эм*

### 3. вурьны

вур + он  
вур + ись  
вур + ем  
вур + ыс

79 уж. Вералэ, кыче суффиксьёсын но кыче вераськон люкетъёсысь пөрмьыя таچه кылъёс:

арась, гырись, ветлос, верась, вераськон, веран, тымет, чошатскон, нюръяськон, ялон, ивортон, лэсьтиськон, вераськемед, пыласькеме, чошатскеммы.

-ам, -ям, -эм, -ем суффиксьёсын существительнойёс чөмгес возъмат кинлэн луэмзэс (ветлэме вань, ветлэмед вань, дышетскемез потэ, ужамез вань, верамез өвёл).

## ПОСЛЕЛОГ.

### 39 §. Послелог сярись валан.

Предложениосьсь существительнойёслэсь, мукет кылъёсын герзаськыкузы, кылпум вошъямзэс тодйськом ни. Пёртэм предложениосын, мукет кылъёсын герзаськыны понна, существительной бере солы юрттйсь кылъёс пуксьыло на.

Например: *Книга Жёкын кылле* шуиськом ке, валано книга-лэсь жёклэн пушказ кыллемзэ. Нош вылаз ке луиз, шуом — *книга жёк вылын кылле*. Нырысяз предложениын *Жёкын* шуим, существительной *Жёк -ын* кылпум кутйз. Кыктэтйяз предложениын—*Жёк вылын*, *Жёк* существительной вёзы нимысьтыз юрттйсь кыл ватсаськиз.

Предложениын кылъёслэсь кусыпсэс герзаны понна существительнойёслы (озы ик числительнойёслы но местоимениослы) юрттйсь кылэз послелог шуо.

Тросэз послелогъёс предметлэсь котырысьтыз интызэ (пространство) возъмат (укно *выл*, укно *ул*, укно *сьёр*, укно *дур* но мукет).

Азло дыръя соос интыез возъматйсь нимазы кылъёс вал. Али юрттйсь кылъёс луо, нош кудйз али но нимазы кылъёс на (*шор*, *вис*, *дор*, *дорам*, *дорад*, *дораз*, *дорамы*, *дорады*, *доразы* но мукет).

Бергес таچه послелогъёс кылдо: *пасьта*, *жужда*, *быдза*, *кузя*, *вамен*, *понна*, *сярысь* но мукет (*писпу жужда*, *корка быдза*, *школа понна*, *шур вамен* но мукет).

*Понна*, *сярысь*, *бере*, *сэрен* послелогъёс кылпумзэс падежъя уг вошъяло.

*Вамен*, *пыр*, (*пыртй*), *ласянь* послелогъёс пространствоез возъмат ке но, падежъёсыя кылпумзэс уг вошъяло.

Таچه послелогъёс кылпумзэс вошъясь послелогъёс луо: *жужда*, *пасьта*, *мурда*, *зёкта*, *секта*, *быдза*, *улын*, *вы-*

лын, сьбӱрын, дорын, вискын, кусын, пӱлын, палан, вадьсын, азын, берын, сяна.

Послелогӱс существительнойӱсын нимазы гожтӱсько (*жӱк жужда, жӱк сьбӱрын, жӱк понна*).

*Лань* послелог кылпуме пӱрмемын, соин со существительной валче гожтӱське (*гуртлань, сиклань, шурлань*).

#### 40 §. Послелогӱслэн склоненизы.

Кылпумзэс вошъясь послелогӱс интыян падежын вошъясько. Послелогӱслэн падежной кылпумӱссы существительнойӱслэн кадесь ик.

Послелогӱслэн склоненизылэн таблицаез.

Пад.	Юанӱс.	Склонение.		
Интыян	кытын?	<i>жӱк сьбӱр-ын</i>	<i>парта ул-ын</i>	<i>корка жужда-ын</i>
	кытысь?	<i>жӱк сьбӱр-ысь</i>	<i>парта ул-ысь</i>	<i>корка жужда-ысь</i>
	кытысен?	<i>жӱк сьбӱр-ысен</i>	<i>парта ул-ысен</i>	<i>корка жужда-ысен</i>
	кытчы?	<i>жӱк сьбӱр-ы</i>	<i>парта ул-э</i>	<i>корка жужда-е</i>
	кытчыозь?	<i>жӱк сьбӱр-озь</i>	<i>парта ул-озь</i>	<i>корка жужда-озь</i>
	кытй?	<i>жӱк сьбӱр-тй</i>	<i>парта ул-тй</i>	<i>корка жужда-тй</i>

Кылпумзэс вошъясь послелогӱслэн кытй? но кытчы? юанӱслы кылпумӱссы существительнойӱслэнлэсь пӱртэмгес луо.

Кытчы? юанлы кудйзлэн послелогӱслэн кылпумзы *-ы* луэ, кудйзлэн *-э* или *-е* (*сьбӱры, доры, борды, урдсы, виски, улэ, вылэ, азе*).

Кытй? юанлы послелогӱслэн кылпумзы *-тй* (*вылтй, сьбӱртй, дортй, вистй*).

*Урдэс* но *кусын* существительнойӱслэсь пӱрмем послелогӱслэн *-э* но *-ы* буквызы усӱ (*урдсын, урдсысь, урдсытй, кусын, кусысь, кусы, кусытй*).

*Вис* но *пуш* существительнойӱслэсь пӱрмем послелогӱсы *к* куара ватсаське на (*вискин, вискысь, виски, вискытй, пушкын, пушкысь, пушки, пушкытй*).

*Пал* послелог кылпумзэ тазы вошъя: *палан, палась, пала, палтй*.

Падежной кылпумыз послелогын луэ ке но, послелог юртӱсь кыл луэмен, солэсь падежзэ существительнойен ӱош басьтыса эскериськом.

Например: 1. *Жӱк вылын вуэн графин сылэ*. Кытын сылэ графин? — *Жӱк вылын*. *Жӱк* — существительной, *вылын* — послелог, кыкназы сыло интыян падежын. 2. *Карандаш парта улэ*

*усиз*. Кытчы усиз карандаш? — *Парта улэ*. *Парта* — существительной, *улэ* — послелог; существительное послелоген интыян падежын сыло.

Соослэсь кыче падежын сымэмзэс юаньёссыя но падежной кылпумьёссыя валаны луэ.

Например: *Парта сьбрысь* — интыян падежын, юанэз кытысь, нош кылпумыз *-ысь*.

Кылпумзэс вошъясьтэм послелогъёсын существительнойёслэсь падежзэс юаньёссыя но валатонзыя тодйськом.

*Понна, сярись* послелогъёсын существительнойёс валатонзыя адзон падежын луо. (Соос предложениын подлежащей ноку но уг луо, пассивной предметъёс луо.)

Например: 1. *Маша ву понна мынйз*. Ма понна мынйз Маша? (мукет сямен — ма ваёз Маша?) — *Ву понна (ву ваёз)*. Предложениын соос второстепенной член луо.

2. *Мон челюскинецъёс сярись рассказ лыдзи*. Кинъёс сярись? — *Челюскинецъёс сярись* — предложениын второстепенной член.

*Сяна, сэрэн но бере* послелогъёсын но существительнойёс адзон падежын сыло.

Например: 1. *Ваня сяна, ваньмыз кино мынйзы*. Ваня сяна существительное послелоген адзон падежын сыло.

2. *Собрание бере кино-картина учком*. *Собрание бере* — адзон падежын.

3. *Зор сэрэн узяны мыныны ом быгатэ*. *Зор сэрэн* — адзон падежын.

*Вамен, пыр (пыртй), кузя, ласянь* послелогъёсын существительнойёс интыян падежын сыло.

Например: 1. *Бадзым шур кузя пароходъёс ветло*. Кытй ветло пароходъёс? — *Шур кузя*. Кыкназы та кылъёс интыян падежын.

2. *Аэроплан, Иж ласянь вуыса, милям бусыямы пуксиз*. Ма ласянь (кытысен) вуыса? — *Иж ласянь*. Кыкназы та кылъёс интыян падежын сыло.

80 *уж*. Гожъялэ но существительнойёсты послелогъёсынызы одйг гожен тодмостылэ, послелогзэ кыктэти гожен тодмостылэ на. Вылйазы падеж нимзэс пуктылэ.

1. Пичи отряд жег луд сюрес кузя мынэ. 2. Вуэм жег чукна небыт тёл улын тулкымъяське, лэйка. 3. Пинальёслэн пыдъёссы улысь ик, сюрес дорысь, турагай лобзиз но вылын шулдыр кырзаны кутскиз. 4. Пинальёс сьбразы туюн бус пурзытыса кельто. 5. Пинальёс нюлэс доры вуизы. 6. Нюлэс пушкы ожыт гинэ пырыса, паськыт шур кошке. 7. Та шур кузя ик возь вёл-



мемын. 8. Пиналгёс дйсьсэс дыртыса кылызы но ярдурысен вуэ тэтказы. Пыласькемзы бере соос шур вамен выль лэсьтэм выж вылтй азылань мынйзы.

И.

Возьматон тус: *Пичи отряд зег луд сюрес кузя мынэ.*

81 уж. Точкаос нитые послелоггёсты кулэ падежной кылпумен гождьялэ.

1. Кыдёкын, кар събр... вож-вож, чапак шутэтскыны будэтэм сад кадь, вож куаро писпуос адско. 2. Со вож куаро писпуос вис... ветлыны сюресгёс тупатгьямын, сюресгёс урдсы... котыкыче пёртэм сясыкаос жужамын. 3. Матэ ке вуиськод, со сясыкаос, вож писпуос пол... вож тусо ик золтэм палаткаос адско. 4. Крестьян калык, гурт дор... кыдёке, возь выл... турнаны мыныса, та тусо ик палаткаос золгья.

А. Мироновья.

82 уж. Точкаос нитые 54-ти стр. гождтэм послелоггёсты тупамзья пыртыса, гождьялэ.

Туж шулдыр чукна. Воздухын салкым на. Шунды но вылэ тубымтэ на. Коркалэн, писпуослэн но балконлэн вужергёссы, кузь нюжтйськыса, музьем... валисько. Кыдёкын зег бусы, тылын жуам кадь, пиштэ, со вылтй зильырась пиштосгёссэ учкыны луонтэм чиясь шунды адске.

— Малы, няня, отй пеймыт, нош отын югыт? Оти но-а югыт луоз?— Илюша юа.

— Шунды, пие, толэзлы пумит мынэ но сое уг адзы, соин ик вожез кадь потэ. Нош шунды кыдёкысен ик толэзез адзиз ке, соку ик югыт луоз.

Пинал малпа, котырак утчаське. Ву... мынйсь Антипез адзиз. Соин артэ ик, музьем... выдыса, дас адями... мукет Антип мынэ. Чанэз но музьем вылын корка... адске. Нош валэзлэн вужерез быдэс возэз ик шобыртэ. Вужер кык пол гинэ вамыштйз но гурезь... вуиз, Антип нош азбарысь но потыса бз на вуу. Илюша но кык пол вамыштйз. Ог вамыш ватсаз на ке, со гурезь... вуоз.

Солэн гурезь... мынэмез потэ: вал вужерлэсь кытчы ышем-эз эскеремез потэ. Илюша жезы... кариськиз. Со вакытэ укнось мумизлэн куараез кылйськиз:

— Няня, уд адзиськы-а, пие шунды... потйз! Салкым... сое ну! Йырзэ шунды пыжиз ке — висёз, бскоз, уз но сиськы ни. Озы со тон дорысь мур нюке но кошкоз.

— У, беглой! — няня, каньыл гинэ нукыртыса, Илюшаез корка... ваиз.

Гончаров, Обломов.

Точкаос интые послелогъёс: *понна, вылэ, вылын, кузя, жужда, събры, пала, шоры, азе* (кудзэ кык пол пыртоно).

83 уж. Астьэос предложениос пӧрмытыса, тетрады гожъялэ. Предложениосады таӓе послелогъёс пырылэ: *сярысь, сяна, понна, зӓкта, мурдае, дурьсь* но мукет.

#### 41 §. Послелогъёслэн притяжательной луэмзы.

Вераськон кылын притяжательной существительнойёс но пӧртэм послелогъёсын луо.

Например: *Вася пуконэз вылысь султӓз. Пуконэз вылысь* — послелоген притяжательной существительноем интыян падежын.

Нош та предложениез тазы но вераны луэ: *Вася пукон вылысьтыз султӓз*. Та предложениын притяжательной формаез послелогаз. *Пукон вылысьтыз — интыян падежын*.

*Вася пукон вылаз пуксиз. Пукон вылаз* — интыян падежын.

*Мон пукон вылам пукси. Тон пукон вылад пукид*.

Притяжательной существительной послелоген артэ ке предложение пыре, притяжательной формаез послелогаз но луэ.

84 уж. Шедьтэ притяжательной формаен послелогъёсты но, вералэ, кыӓе падежын соос существительноемызы.

I. 1. Коркаос вылтӓмы ик аэроплан лобиз. 2. Колхозын коркаос доразы писпу садъёс мерттызы. 3. Тыбыр събрысьтым каллен лыктэм куара кылӓ. 4. Мынам жӓк вылам котьку выль газет монэ вите.

II. Пурез витыса, соос кыкназы шурлэн жужыт ярдур сайулаз выдӓзы. Отын соос туж кема учкыса улызы пыд дортӓзы жог но пож бызись Кубань шурлэн тулкымъёсыз шоры. Лёнъка умме усиз. Нош пересь Архип, мӓля улысьтыз зӓбись мыркос вӓсь луэмзэ шӓдыса, умме усыны ӓз быгаты. Лёнъка, кукъёссӓ огазе шымыртыса, пересезлэн кӓтурдэс вӓзаз кылле.

М. Горький, Пересь Архип но Лёнъка.

Кылпумзэс вошъясьтэм послелогъёслэн притяжательной формаез уг луылы.

Например: *Нина Ижевске экскурсие ветлӓмез сярысь вераз*.

*Туэ, возь вылысьтымы сяна, бусыосысьтымы трос турыноктӓм*.

Кудӓз послелогъёс трос лыдын но луыло.

Например: *Жӓк вылӓсамы книгаос, тетрадьёс но карандашъёс кыллӓ*. Кытын? — *Жӓк вылӓсамы* — существительноем послелоген трос лыдын, интыян падежын. Мукет сямен тазы вераны луэ: *жӓкӓс выламы*.

## ПРИЛАГАТЕЛЬНОЙ.

### 42 §. Прилагательной сярысь валан.

Предметъёслэсь признаксэс возматись вераськон люкетэз прилагательной шуо.

Прилагательной возматэ предметлэсь быдзалазэ (*пичи, бадзым, жужыт, лапег, скулэг, паськыт* но мукет), зечлыксэ (*юн, зол, ляб, чурыт, небыт* но мукет), шӧмзэ (*ческыт, кузьыт, чырс, юмал* но мукет), секталазэ (*граммъем, килограммъем* но мукет), кыче материаллэсь лэсьтэмез (*пу корка, из корка, корт липет, ыргон коньдон, чугуна сюрес*), туссэ-буйзэ (*горд, вож, чебер, шӧтэм* но мукет).

Прилагательнойёслы кыче? кычез? (кудйз?) кычезь? юаньёс пуктысько.

Например: 1. *Конюх валъёслы вож турына ваиз.* Кыче турына?— *Вож турына.* 2. *Гуртамы бадзым из корка пукто.* Кыче корка пукто?— *Бадзым из корка.* Та предложениын корка кылэн кык признакез, кыкнаизлы кыче? юан пуктыськом, кыкнаизик прилагательнойёс луо.

3. *Бадзымез жӧк пол шорына сылэ, нош пичиез — ушно дорына.* Кычез кытын сылэ?— *Бадзымез — пол шорына, пичиез — ушно дорына.* *Бадзымез, пичиез* — прилагательнойёс ик. Прилагательнойёсты *-эз, -ез* кылпумен верано соку, куке предметлэсь с признакез висъяса верано луэ. Прилагательнойёс предложени тростгес дыръя второстепенной членъёс луо.

### 43 §. Качественной но относительной прилагательнойёс.

Значенизыя но формазыя прилагательнойёс люкисько кык группалы: качественной но относительной прилагательнойёслы.

Качественной прилагательнойёс возматэ предметлэсь качествозэ (*быдзалазэ, туссэ-буйзэ, зечлыксэ, шӧмзэ* но мукет). Та признакезсы предметъёслэн вошъяськылыны быгатыло (тростгес или ичигес луыло).

Например: *тӧдъы, тӧдъыгес, туж тӧдъы; бадзым, бадзымгес, туж бадзым; зол, золгес, туж зол* но мукет.

Качественной прилагательнойёслэсь суффиксьёсын мукет значениен прилагательнойёс пӧрмытыны луылэ (*тӧдъы — тӧдъялэс; сьӧд — сьӧдалэс, сьӧдмыт; шӧг — шӧгалэс, шӧгмыт* но мукет).

Относительной прилагательнойёс возматэ кыче материаллэсь лэсьтэмын предмет, или кинлэн, малэн луэ со предмет.

Например: *корт усы (усы кортлэсь лэсьтэмын), из корка (корка излэсь, кирпичлэсь лэсьтэмын), колхоз бусы (бусы колхозлэн луэ), пинал кровать (кровать пиналлы лэсьтэмын), Зег бусы (бусы Зег киземын), тулыс зор (тулыс ке зоре).* Та признакезсы предметъёслэн вошъяськылыны уг быгато.

## 44 §. Существительнойёсысь пörмем прилагательнойёс.

Тросэз прилагательнойёс суффиксьёсын пörмемын существительнойёслэсь. Со суффиксьёс таёеь: **-мо, -о, -ё, -эсь, -есь, -эс, -ес, -ем, -тэм.**

**-мо** суффиксэн пörмем прилагательнойёс: *синмо, тодмо, визьмо* но мукет.

**-о, -ё** суффиксьёсын пörмем прилагательнойёс: *зоро куазь, пелё кучыран, тьсё зег, йöло скал, кбё-вöё шьд* но мукет.

**-эсь, -есь** суффиксьёсын пörмем прилагательнойёс: *пызесь мешок, жагесь ю, турынэсь ю, тэкитэсь колёса* но мукет.

**-эс, -ес** суффиксьёсын пörмем прилагательнойёс: *валэс ю, котырес жöк* но мукет.

**-ем** суффиксэн пörмем прилагательнойёс: *пудьем, килограммъ-ем, граммъем* но мукет.

**-тэм** суффиксэн пörмем прилагательнойёс: *лыстэм пужым, пельтэм мурт, тодмотэм мурт, туштэм адыми* но мукет. Та **-тэм** суффиксэн пörмем прилагательнойёс возъматö луоно признаклэсь öвöлзэ.

Интернациональной но зуч кылысь удмурт кылэ берыктытэк пырем прилагательнойёслэн кылпумзы **-ой, -ей** но **-ий** луэ (*аграрной, индустриальной, общественной, санитарной, средней школа, рабочий класс, Дальний Восток, коммунистической партия* но мукет).

**85 уж.** Гожъякуды, прилагательнойёссэ гожен тодмостылэ, нош суффиксьёссэ—кыктэти гожен.

Йöло скал, сюлмо адыми, пужыё дэрем, чильпето жöккышет, шундыё нунал, пелё кучыран, чорыго шур, емышо сад, физкультурной уж, потребительской кооперация, емышо писпуос, мызё чорыг, тушо адыми, зоро гужем, зортэм гужем, лымысь пьдъёс, жагесь бакча, жагтэм бакча.

Возъматон тус: йöло скал, мызё чорыг, зортэм гужем.

В а л э к т о н. Существиельнойлэн кылпумыз **-ь**, или **-й** букваен, или гласной куараен ке дугдэ, прилагательнойёс **-ё, -есь** суффиксьёсын **пörмо** (*мызь — мызё, вöй — вöё, вöесь, шунды — шундыё, сяська — сяськаё*). Нош **у, ю, ö** но одйг слогъем кылъёсын **ы** бере **-о** гожтйське, например: *ву — вуо, ю — юо, кö — кöо, кы — кыо.*

**86 уж.** Ули гожтэм существительнойёсысь пöртэм суффиксьёсын пörмытэ прилагательнойёс.

Сылал, тьсь, пызь, ву, йöл, вöй, лымы, выжы, сүй, сад, ул-вай, эмезь, сюсь, дйсь, кать, писпу, лулпу, лы, сюр.

Возъматон тус: *сылало, сылалэсь.*

**-о** но **-ё** суффиксьёсын прилагательнойёс числительнойысь но пörмо на.

Например: *вить — вить, сизьым — сизьымо, укмыс — укмысо.*  
*Пересь буби укмысо кут кутаса пукулыз.* Кыче кут? —  
*Укмысо.*

87 уж. Числительнойсы пөрмем прилагательнойёсты пыртыса, предложениос гождялэ.

88 уж. Гождялэ но качественной прилагательнойёсты гожен тодмостылэ.

Чылкыт воздух кадь, номыр но тазалыкез уг юнматы. Чылкыт, кыр воздухын, вож будосъёс пöлын, тузонтэм но микробтэм интыосын дырез тросгес ортчытыяно. Шулдыр, шундыё нунальёсы вылэ учкиськом ке, асьмеос чагыр инмез адзиськом. Чагыр ин — со шундыен югдэм воздух. Чурыт но кизер предметёслэн, озы ик воздухлэн но секталазы вань. Шуныт воздух кезыт воздухлэсь капчигес луэ. Воздушной шаръёсты капчи газэн — водородэн тырмытыяло.

89 уж. Гождялэ но относительной прилагательнойёссэ гожен тодмостылэ.

1. Туннэ куать часын пионерской сбор луоз. 2. Вань пионеръёслы пионер клубе лыктоно. 3. Пионеръёс кролик вордон сярсыс книга лыдзо. 4. Гуртамы из коркаос лэсьто. 5. Колхозникъёс бусы ужъёсты быдэстизы ни. 6. Гужем ю бусыын туж шулдыр. 7. Колхоз бусыосын тракторъёс гурето. 8. Гужем азе колхоз ваньзэ музъем ужан тырлыкъёссэ дасяз: плугъёссэ, усыоссэ, кизён машинаоссэ, турнан машинаоссэ, аран машинаоссэ но мукет. 9. Кубиста, каляга, сяртчы, чуж кушман, горд кушман, сугон — ваньзы бакча сионъёс луо. 10. Сизьыл писпу куаръёс чужектыса усё. 11. Тол каникул дыръя ми трос нискылалом, умой шутэтском. 12. Шутэтскон нунальёсы ми кино ветлиськом. 13. Дышетскон планэз умой быдэстом. 14. Беризъёс пöлын муш чуркаос сыло.

Относительной прилагательнойёс кык артэсылсь кылъёс но луо.

Например: *Борис андан кисьтон цехын ужа.* Кыче цехын Борис ужа? — *Андан кисьтон цехын.* Андан кисьтон кылъёс цехлэн признакез луо, соос возматом цехын андан кисьтэмез.

Удмурт кылын таке прилагательнойёс трос.

Например: *Кирнич лэсьтон завод, ку лэсьтон завод, ну ворттон уробо, нянь пыжон завод, ейн сэстон машина, сапег вурон машина* но мукет.

90 уж. Гождялэ но кык кылын верам относительной прилагательнойёсты гожен тодмостылэ.

1. 1. Удмуртиысь стекло лэсьтон заводъёс бадзым продукция сёто. 2. Чорыгез йылэтыны понна асьмелэн нимаз чорыг вордон заводъёс кылдытыяло. 3. Ыргон чыжтон гуръёсысь сернистой

газэз люкаса, отысь сернистой кислота потто. 4. Бумага лэсьтон, бургчин лэсьтон, ыжгон лэсьтон, ку лэсьтон заводьёсын пулэсь лэсьто бумага, искусственной бургчин, ыжгон, ку.

91 уж. Кык кылын верам относительной прилагательнойёсын предложениос гождялэ.

Возьматон тус: *Братэ кирпич лэсьтон заводын ужа.*

## 45 §. Прилагательнойёс трос лыдын.

Качественной прилагательнойёс удмурт кылын трос лыдын но луыло.

Предложенияныи существительноез трос лыдын ке луэ, сое валэктись прилагательноез но трос лыдын луэ.

Например: *Школамы чебересь картинаос басьтйз.*

*Валялэн сьбдэсь синьёсыз, нош Катялэн — чагыресь.*

Та предложениосын существительной прилагательноез лыдья тупало.

Трос дыръя существительной прилагательноез лыдья уг тупа. Прилагательноез трос дыръя одйг лыдын сылэ.

Например: *Горд флагёс вырзизы. Бадзым коркаос чебермамын.*

Та предложениосын существительнойёс трос лыдын, нош соосты валэктись прилагательнойёс — одйг лыдын.

Прилагательной предложениын сказуемой ке луэ, нош подлежащее — трос лыдын существительной ке, соку сказуемой — прилагательной трос лыдын ик луэ.

Например: *Та коркаос бадзымесь. Коркаос—подлежащей. Возьматэмын трос лыдын существительноез. Сказуемоез—бадзымесь, возьматэмын трос лыдын прилагательноез. (Та коркаос бадзым—шуыны уг луы).*

Прилагательнойёслэн трос лыдын кылпумзы *-эсь* или *-есь* луэ (*сьбдэсь, чагыресь, вылесь, секытэсь*).

*Милям классёсмы шулдыресь, чылкытэсь. Школьной зданилэн укноосыз бадзымесь. Гуртамы тросэз коркаос вылесь ни.*

## 46 §. Прилагательнойёслэн склоненизы.

Прилагательной падежъя кылпумзэ уг вошъя, существительноез гинэ вошъя (*вож турын, вож турынэз, вож турынлэсь, вож турынэн* но мукет).

Нимаз басьтыса, прилагательноез падежъя вошъяськом ке, соку существительной луэ (*секыт, секытэз, секытлы, секытлэсь* но мукет).

*-эз, -ез* кылпумьёсын прилагательнойёс существительнойзытэк но верасько (существительнойзэс подразумевать кариськом). Соос тямыс падежъя кылпумзэс вошъяло.

**-эз, -ез кылпумен прилагательнойлэн склонениезлэн таблицаез.**  
(лызэз, пызесез).

Падежъ-ёс.	Юанъёс.	Склонение.	
Н.	кычӧеез?	<i>лыз-эз</i>	<i>пызес-ез</i>
А.	кычӧезэ?	<i>лыз-э-э</i>	<i>пызесь-сэ</i>
В.	кычӧеезлэн?	<i>лыз-эз-лэн</i>	<i>пызес-ез-лэн</i>
Лк.	кычӧеезлэсь?	<i>лыз-эз-лэсь</i>	<i>пызес-ез-лэсь</i>
С.	кычӧеезлы?	<i>лыз-эз-лы</i>	<i>пызес-ез-лы</i>
Лт.	кычӧееныз?	<i>лыз-эн-ыз</i>	<i>пызес-ен-ыз</i>
К.	кычӧеезтэк?	<i>лыз-эз-тэк</i>	<i>пызес-ез-тэк</i>
	кычӧеяз?	<i>лыз-а-з</i>	<i>пызес-я-з</i>
	кычӧеысьтыз?	<i>лыз-ысь-тыз</i>	<i>пызесь-ысь-тыз</i>
	кычӧеысеныз?	<i>лыз-ысен-ыз</i>	<i>пызесь-ысен-ыз</i>
И.	кычӧеяз?	<i>лыз-а-з</i>	<i>пызес-я-з</i>
	кычӧеозяз?	<i>лыз-оз-яз</i>	<i>пызес-ӧз-яз</i>
	кычӧеетиз?	<i>лыз-эти-з</i>	<i>пызес-ети-з</i>

Валӧктон. **-эз** или **-ез** кылпумен прилагательнойёс кылпумзэс вошъяло притяжательной существительнойёс тусъем.

**92 уж.** Гожъякуды, скобкаосысь юанъёс интые пыртылӧ улийаз гожтӧм прилагательнойёсты, кылпумзэс кулӧезъя воштыса.

1. Тулыс ю кизӧн азе (кычӧеоссэ?) мешокъёсты миськыса дасяно. 2. Празднике (кычӧезэ?) дӧремме дйсяло. 3. Иванлэн кудйз?) ниез рабфакын дышетске. 4. (Кычӧеезлэн?) скаллэн вераез туж зеч. 5. Вить нуналӧс улыса, (кычӧеысьтыз?) школаысь (кычӧеяз?) потом.

Скобкаосысь юанъёс иптые кылъёс: *тӧдъя, бадӟым, пызесь, сьӧд, виль, вуж.*

### 47 §. Прилагательнойлэн степеньсыз.

Кык-а, куинь-а, тросгес-а предметъёсты басьтыса, соосты признаксы ласянь чӧшатыны луӧ. Например, куинь бадӟым картовкаосты ке басьтым, соосты куспазы чӧшатыса вералом— *таиз бадӟым, мукетыз бадӟымгес, нош куиньметйез солэсь но бадӟым, или туж бадӟым.*

Мукет пример: *одйгез сяська—горд, мукетыз—гордгес, куиньметйез—туж горд, или горд-горд (чыж горд).*

Соин прилагательнойёслэн куинь степеньзы: *положительной, сравнительной но превосходной.*

Положительной ст.	Сравнительной ст.	Превосходной ст.
лыз	лызгес (м)	лыз-лыз
горд	гордгес (м)	горд-горд
кужмо	кужмогес (м)	туж кужмо
кузь	кузьгес (м)	туж кузь
вакчи	вакчигес (м)	туж вакчи

Прилагательнойёслэн сравнительной степенъзы *-гес* или *-гем* суффиксэн пӧрме. Превосходной степенъын прилагательной азь-пала *туж* или *самой* кыл пырто, или прилагательной бере *гинэ* кыл пырто, нош кудзэ кыкполэс вераны луэ.

Прилагательноез кыкполэс вераку, висказы дефис (-) пуктоно.

*Пичи* прилагательной превосходной степенъын верамын луы-лэ кык пӧртэм: *туж пичи* или *пичи гинэ*, ударениез *-чи* слог вылын. Степенья кылпумзэс вошъяло качественной прилагательнойёс гинэ.

**93 уж.** Прилагательнойёссэ шедьтыса, выли возматэм схемая тетрадыды пыртэ.

I. 1. Милям классмы югыт, тӱляд классты югытгес, нош куатетӱ класс туж югыт. 2. Чылкыт цехын ужаны умой. 3. Кужмо ужась бригадаос планзэс вазь быдэсто.

II. Пичи ныл самой бадӱым пуныез кутӱз но самой бадӱым тусьтыысь ӱзъылыз; собере пичигес пуны кутыса, пичигес тусьтыысь ӱзъылыз; собере пичи гинэ пуны кутыса, лыз тусьтыысь ӱзъылыны кутскиз. Мишуткалэн сионэз солы ваньмыз-лэсь умой потӱз.

Л. Толстой, Куинь гондырьёс.

**94 уж.** Точкаос интые 61-тӱ стр. гоштэм прилагательнойёсты пыртыса, гошъялы.

Город ... воздухен кулэмын кадь ... урамъёс калыктэмесь. Площадь доры матэгес мыныса, калык пумен трос луэ ... рабочийёс воу но воу ... сӱрегъёсын полицейскойёс нырулыса уг ни уло. Тротуар кузя мыно ... рабочийёс пӧлын Мейеркалэн пинальёсыз но.

Пинальёс соослы лушкем ужез верамлы шумпото. Соос уг лякыттэмъясько, каллен гинэ, бадӱымъёс сямен, малпаськыса ветло.

... куара кылӱське:

— Эшъёс, рядэ!

Соку ик урам калыкен тырме. Соос дугдылытэк пото проулокъёсысь, коркаосысь, капкаосысь, ёсьёсысь. Паськыт ... урам калыкен тымыське.

Мейерка, пиысьтыз „знамяз“ эсл возыса, горд йырсиё рабочий шоры учкемысь уг дугдылы. Нош рабочий кияз бинем маке нуэ. Со котырын ..., ... воргоронъёс.

Кытысь ке ... но лек куара потэ, собере со куараез сюрс пи но нылмурт куараос кудо но, урам вылтӱ ... кырзан вӧлме.

Калыкен ӧш ... ин но ... коркаос, балконъёс вылын сылысь адымиос но кырзало кадь. Соин ик кеськем куара ... куара луэ,



шумпотэмен йыр шузиме, но мылкыд сураське кадь. Трос калыклэн събд тыбырыз вылэ жутскыса, та шулдыр, зол кырзанлэн куараез тулкым вылтй азыпала мынэ кадь потэ Мейеркалы.

Нырысетй рядьёсын кыче ке куара кеське, кеське но сю куараос шукко:

— Ур-р-ра-а!..

Нош ик ... интыын кеськем куара, собере нош ик кужмо:

— Ур-р-р-ра-а!.. Ур-р-ра-а!..

Вылын, калык йыр вылтй, вир кадь, ... знамя тулкымьяське.

Мейерка ас пиысьтыз ... флажоксэ потэ но кбня ке быгатэ, вылэ жутэ. Калык йыр вылын одйг гинэ бвёл, трос ... флагьёс, парусьёс сямен, тулкымьясько.

Л. К а с с и л ь, Эрикэ улон повна.

Точкаос интые пыртоно кылъёс:

*паськыт, окыт, урам, виль, кужмо, мдйы, золэсь, жужытэсь, чебер, шулдыр, бадзым, лыз, туж кужмо, мукет, горд.*

95 уж. Улы гожтэм прилагательнойёсты предложениосы пыртыса, тетрадыды гожтэ.

Бадзым, кужмо, виль, чылкытэсь, жужытэсь, лапегесь, индустриальной, общественной, революционной, чорыго, эмезё.

Например: *Садын жужытэсь писпуос будо.*

96 уж. Юаньёс интые улыяз гожтэм прилагательнойёсты ватсаса, гожъялэ.

Толалтэ. Нюлэскын. Отын но татын тйръёс йыггето. (Кыче? но (кыче?) пилаос жургето, чашето. (Кыче?) бригадасы бригадир Воронин рабочийёсты, люкылыса, интыязы пуктйз. Тйръёссы, пилаоссы соослэн (кычеесь?).

Ж-жын-н, ж-жын-н чузьясько (кыче?) куараос.

(Кыче?) кужымен ужалэ! — шуыса, десятник бригада доры вуиз. Пу дасясьёс пуэз пёртэм кулэ ужлы десятниклэн люкемезлы малпасько: „Кыты, ма ужлы балансёс, пропсьёс мыно?“

Жыт. (Кыче?) уголок. Мынэ собрание, рабочийёс лачак.

— Ма ужлы мынэ баланс, пропс, тодэммы потэ, — юало рабочийёс специалистлэсь.

— Нюлэс туж трос (кыче?) ужлы мынэ. (Кыче?) системаын одйг люкетэз но нюлэсэз кулэ карытэк уг кылы. Писпуысь дасям балансёс (кыче?) но (кыче?) фабрикаосы мыно. Писпуысь буртчин дйсь но бумага лэсьто. Нош пропсьёс шахтаосы пыкетъёслы мыно, — специалист вера.

Нюлэслэсь хозяйствоямы (кыче?) значенизэ валаса, колхозникъёс (кыче?) но (кыче?) ужын кужмо ужало.

Юаньёс интые прилагательнойёс: *комсомольской, огшоры, моторной, лэчытэсь, большевистской, пила, красной, народнохозяйственной, пёртэм, бумага, буртчин лэсьтон, нюлэс дасян, нюлэс поттон, бадзым.*

## 48 §. Прилагательнойлэн существительной интыын луэмез.

*Егитъёс, пересъёс* существительнойёс *егит, пересъ* прилагательнойёсысь пörмемын.

*Толло уй пеймыт вал.* Кыче вал уй?—*Пеймыт* (прилагательной). *Паровоз кисьтаськись тыл гизыосын лек жуштылэ, мур шока, пеймытэз нюртыса, рельсаос кузя уйлэн пьдэсаз мынэ (Н. О.)* Мае нюртыса?—*Пеймытэз* (прилагательнойысь пörмем существительной адзон падежын).

Таче существительнойёс качественной прилагательнойёсысь пörмыло.

Прилагательнойысь пörмем существительнойёс кылпумзэс падежъя вошъяло.

*97 уж.* Шедьтэ сьче предложениосты, кытын прилагательной существительной интыын луэ.

## ЧИСЛИТЕЛЬНОЙ.

### 49 §. Числительной сярись валан.

Котькыче предметэз асьмеос лыдъяса вераны быгатиськом. Предметлэсь кōнязэ, кōняетйзэ возьматйсь вераськон люкетэз числительной шуо.

Числительнойлы кōня? кōняез? кōняетй? кōняетйез? юанъёс пуктыны луэ.

Числительнойёс пörтэмесь луо:

1. **Количественной числительнойёс.** Юанъёссы кōня? но кōняез?. Кōня? юанлы числительнойёс—*одйг, кык, куинь, дас, дас одйг, кызь, кызь одйг, сю, кык сю дас укмыс, вить сюрс куинь сю дас сизыым.*

Кōняез? юанлы—*одйгез, кыкез, куатез, дасэз, сю сизыымдон тямьсэз.*

-ез или -эз кылпумен количественной числительноез верало соку, куке со лыдэз мукетьёсыз пōлысь висъяно луэ.

Например: *Классын ваньмыз дас тямьс парта. Дас витез парта сьбдэн буямын, нош куинез—йужен. Дас витез но куинез луо количественной числительнойёс, ниман падежын. Та числительнойёс трос дыръя существительнойтэк, сое лыдэ гинэ басьтыса, верамын луо.*

2. **Порядковой числительнойёс**—*нырысетй* или *одйгетй, нырысетйез, одйгетйез, кыктэтй, кыктэтйез, дасэтй, дасэтйез, сю дас кыктэтй, сю дас кыктэтйез.*

Порядковой числительнойёслэн юанъёссы кōняетй? кōняетйез?, нош кылпумзы -етй или -этй но -етйез или -этйез.

-ез кылпум ватсаське соку, куке со лыдэз висъяськом мукетьёсыз пōлысь.

Например: *Татысен со корка витейез луэ.*

3. **Собирательной числительнойёс**—*куинь кузя, вить дасо, кык йошен.* Собирательной числительнойёсы кузя но йошен послелогъёсын числительнойёс пыро, со сянэ, дасоен лыдъяку.

4. Лицоез возьматйсь числительнойёс—огнам, огнад, огназ, огнамы, огнады, огназы, кыкнамы, кыкнады, кыкназы, даснамы, витьтон куиньназы. Та числительнойёсья валаны луэ лыдзэ но, лицозэ но (кыкнады—валаськом—тй кык чошен).

Дробьёс количественной числительнойёсы ик пыро. Одыг предметэз кык, куинь, дас, сю но солэсь унолы люкылыны луэ.

Со одыг быдэс предметлэсь люкетсэ *мос* шуо. Верало но гождьяло соосты тазы:  $\frac{1}{4}$ —одыг ньыльмос;  $\frac{3}{4}$ —куинь витьмос; 1,6—быдэсэз одыг но куать дасмос;  $10\frac{3}{4}$ —быдэсэз дас но куинь ньыльмос; 0,6—быдэсэз ноль но куать дасмос;  $3\frac{3}{4}$ —быдэсэз куинь но куинь ньыльмос.

Мукет сямен тазы но верало: 2,4—кык быдэс но ньыль дасмос, 0,2—ноль быдэс но кык дасмос.

Существительной числительноем одыг лыдын герзаське (одыг перо, кык перо, куинь перо, дас тямьс перо).

Предложенияын числительной луылэ подлежащей, сказуемой но второстепенной член.

Например: 1. *Сузэре кыктэтй дышетэ: рабфакеын но педучилищекын.*

Та предложениын кыктэтй — числительной, предложениын второстепенной член луэ.

2. *Ньыль, кыльытэж, кыклы люкиське.* К õ ня (м а?) люкиське? — *Ньыль* (подлежащей).

3. *Кык но кык — ньыль.* К õ ня луэ кык но кык? — *Ньыль* (сказуемой).

98 уж. Гождьякуды, числительнойёсэз гожен тодмоствылэ. Собре вералэ, кычэ числительнойёс соос.

1. Классамы кызь парта, одыг жбк, кык пукон, одыг доска сылэ. 2. Мон дас куинь арес ни. 3. Пичиез братэ куиньметй классын дышетске. 4. Парта събрын кык чошен пукиськом. 5. Эшеным кыкнамы роялен шудыны дышетскиськом. 6. Куинь быдэс но вить дасмос борды сизьым дасмос ватсаса, луоз ньыль быдэс но кык дасмос. 7. Туннэ кыктэтйез урок—химия. 8. Куатетй сентябре милям субботникмы вал.

## 50 §. Числительнойёслэн склоненизы.

Числительноез существительноем ке басьтйськом, существительноез гинэ кылпумзэ вошъя, числительноез уг вошъя (*вить ручка, вить ручкаез, вить ручкаен* но мукет).

Нимаз числительноез басьтыса, со кылпумзэ падежьёсья вошъя.

Лицоез возьматйсь числительнойёс кылпумзэс сизьым падежья вошъяло, нош количественной числительнойёс—тямыс падежья:

-*етй*, -*этй* кылпумъёсын порядковой числительнойёс существительнойёс азын сыло но кылпумзэс падежья уг вошъяло.

**-этйез, -етйез** кылпумъёсын порядковой числительнойёс предложениын чѣм дыръя сказуемой луо, кылпумзэс тямыс падежъя вошъяло.

Количественной числительнойёслэн склоненизы.

(одйг, ньыль, тямыс)

Падеж-ёс.	Юанъёс.	Склонение.		
Н.	кӧня?	<i>одйг</i>	<i>ньыль</i>	<i>тямыс</i>
А.	кӧняез?	<i>одйг-ез</i>	<i>ньыль-ез</i>	<i>тямыс-эз</i>
В.	кӧнялэн?	<i>одйг-лэн</i>	<i>ньыль-лэн</i>	<i>тямыс-лэн</i>
Лк.	кӧнялэсь?	<i>одйг-лэсь</i>	<i>ньыль-лэсь</i>	<i>тямыс-лэсь</i>
С.	кӧнялы?	<i>одйг-лы</i>	<i>ньыль-лы</i>	<i>тямыс-лы</i>
Лт.	кӧняен?	<i>одйг-ен</i>	<i>ньыл-ен</i>	<i>тямыс-эн</i>
К.	кӧнятэк?	<i>одйг-тэк</i>	<i>ньыль-тэк</i>	<i>тямыс-тэк</i>
И.	кӧняын?	<i>одйг-ын</i>	<i>ньыль-ын</i>	<i>тямыс-ын</i>
	кӧняысь?	<i>одйг-ысь</i>	<i>ньыль-ысь</i>	<i>тямыс-ысь</i>
	кӧняысен?	<i>одйг-ысен</i>	<i>ньыль-ысен</i>	<i>тямыс-ысен</i>
	кӧняе?	<i>одйг-е</i>	<i>ньыл-е</i>	<i>тямыс-э</i>
	кӧняозь?	<i>одйг-озь</i>	<i>ньыл-ёзь</i>	<i>тямыс-озь</i>
	кӧняетй?	<i>одйг-етй</i>	<i>ньыл-етй</i>	<i>тямыс-этй</i>

(кыкез, кызь укмысэз)

Падеж.	Юанъёс.	Склонение.		
Н.	кӧняез?	<i>кык-ез</i>	<i>кызь</i>	<i>укмыс-эз</i>
А.	кӧняээ?	<i>кык-с-э</i>	<i>кызь</i>	<i>укмыс-с-э</i>
В.	кӧняезлэн?	<i>кык-ез-лэн</i>	<i>кызь</i>	<i>укмыс-эз-лэн</i>
Лк.	кӧняезлэсь?	<i>кык-ез-лэсь</i>	<i>кызь</i>	<i>укмыс-эз-лэсь</i>
С.	кӧняезлы?	<i>кык-ез-лы</i>	<i>кызь</i>	<i>укмыс-эз-лы</i>
Лт.	кӧняеныз?	<i>кык-ен-ыз</i>	<i>кызь</i>	<i>укмыс-эн-ыз</i>
К.	кӧняезтэк?	<i>кык-ез-тэк</i>	<i>кызь</i>	<i>укмыс-эз-тэк</i>
И.	кӧняяз?	<i>кык-а-з</i>	<i>кызь</i>	<i>укмыс-а-з</i>
	кӧняысьтыз?	<i>кык-ысь-тыз</i>	<i>кызь</i>	<i>укмыс-ысь-тыз</i>
	кӧняысеныз?	<i>кык-ысен-ыз</i>	<i>кызь</i>	<i>укмыс-ысен-ыз</i>
	кӧняяз?	<i>кык-а-з</i>	<i>кызь</i>	<i>укмыс-а-з</i>
	кӧняозяз?	<i>кык-оз-яз</i>	<i>кызь</i>	<i>укмыс-оз-яз</i>
	кӧняетйз?	<i>кык-етй-з</i>	<i>кызь</i>	<i>укмыс-этй-з</i>

Валэктон. 1. Числительнойлэн падежной кылпумъёсыз сущствительнойлэн кылпумъёсыз кадесъ ик.

2. **-эз** или **-ез** кылпумен количественной числительнойёс кылпумзэс притяжательной сущствительнойёс сямен вошъяло.

3. Даслэсь трос числительноез вошъяку, бõрысь лыдэз гинэ кылпумзэ вошъя (*дас вить, дас витез, дас витьлы, дас витьлэсь, дас витезлэсь* но мукет).

Порядковой числительнойёслэн склоненизы.

(*витетйез, дасэтйез*)

Падеж.	Юаньёс.	Склонение.	
Н.	кõняетйез?	<i>витетй-ез</i>	<i>дасэтй-ез</i>
А.	кõняетйэз?	<i>витетй-эз</i>	<i>дасэтй-эз</i>
В.	кõняетйезлэн?	<i>витетй-ез-лэн</i>	<i>дасэтй-ез-лэн</i>
Лк.	кõняетйезлэсь?	<i>витетй-ез-лэсь</i>	<i>дасэтй-ез-лэсь</i>
С.	кõняетйезлы?	<i>витетй-ез-лы</i>	<i>дасэтй-ез-лы</i>
Лт.	кõняетйеныз?	<i>витетй-ен-ыз</i>	<i>дасэтй-ен-ыз</i>
К.	кõняетйезтэк?	<i>витетй-ез-тэк</i>	<i>дасэтй-ез-тэк</i>
И.	кõняетйяз?	<i>витетй-яз</i>	<i>дасэтй-яз</i>
	кõняетйысьтыз?	<i>витетй-ысь-тыз</i>	<i>дасэтй-ысь-тыз</i>
	кõняетйысеныз?	<i>витетй-ысен-ыз</i>	<i>дасэтй-ысен-ыз</i>
	кõняетйяз?	<i>витетй-яз</i>	<i>дасэтй-яз</i>
	кõняетйозяз?	<i>витетй-оз-яз</i>	<i>дасэтй-оз-яз</i>
	кõняетйетйз?	<i>витетй-етй-з</i>	<i>дасэтй-етй-з</i>

Валэктон. 1. *-етйез* кылпумен порядковой числительнойёс кылпумзэс притяжательной существительнойёс сямен вошъяло.

99 уж. Гожъялэ но числительнойёссэ гожен тодмостылэ. Вылйязы падеж нимзэс гожтэ.

1. Кызь витьысь витез куштыса, кызь кыле. 2. Куамынын вить куатез. 3. Тямыс куатътэк кык луэ. 4. Ныль пол ныль—дас куать. 5. Мон туннэ Ижевске куиньметйэз мыно ини. 6. Гурт пумысен куатетйаз коркан улйсько. 7. Туннэ тракторьёс нылетй ужало. 8. Собраниын кык сю витьтон сизым мурт вал. 9. Сюэз витьлы люкыса, кызь луэ. 10. Кык сюрсын кызь сюэз. 11. Атае вить манет сётйз. Мон кыкеныз книга басьтй, нош куинезлы—бумага, чернила, карандашъёс но ручка.

Лицоез возьматйсь числительнойёслэн склоненизы.

(*огнам, кыкнады, сюназы*)

Падеж.	Юан.	Склонение.		
Н.	кõня?	<i>огнам</i>	<i>кыкнады</i>	<i>сюназы</i>
А.	кõняез?	<i>огнам-е</i>	<i>кыкнад-эс</i>	<i>сюназ-эс</i>
В.	кõнялэн?	<i>огнам-лэн</i>	<i>кыкнады-лэн</i>	<i>сюназы-лэн</i>
Лк.	кõнялэсь?	<i>огнам-лэсь</i>	<i>кыкнады-лэсь</i>	<i>сюназы-лэсь</i>
С.	кõнялы?	<i>огнам-лы</i>	<i>кыкнады-лы</i>	<i>сюназы-лы</i>
Лт.	кõняен?	<i>огнам-ен</i>	<i>кыкнады-ен</i>	<i>сюназы-ен</i>
К.	кõнятэк?	<i>огнам-тэк</i>	<i>кыкнады-тэк</i>	<i>сюназы-тэк</i>

Лэсьтон но кельтон падежъёсын лицез возьматись числительнойёс вераськон кылэ ичи пыро. Лэсьтон падежын таңе но форма басътыса пырыло: *кыкнаеныды, витенызы*.

*100 уж.* Шедьтэ лицез возьматись числительнойёсты но вералэ, кыңе падежын соос.

Ми эшеным кыкнамы умой дышетскиськом. Милем кыкнамылы премия туэ сётйзы. Гужем кыкнамес лагере ыстыны малпало. Милям классамы кызь укмыс дышетскисез. Кызь укмыс-намы ик витетй классэз туэ быдэстом.

## 51 §. Послелогъёсын числительнойёс.

Кудзэ собирательной числительнойёсты послелогъёсын вератэк уг луы.

Например: *кык кузя или кык йошен, дас кузя или дас йошен*.

*Ми доры Наркомпросысь кык кузя представительёс ветлйзы. Соос, дасо кузя Ижевске экскурсие мыном, шуо.*

Лыдьясъкыку но куддыръя числительноез послелоген вератэк уг луы.

Например: *Тямыс борды куинь. К ёня борды? — Тямыс борды (борды—послелог).*

*Нылез сяна, ваньмыз газет басьтйськом. К ёняез сяна? — Нылез сяна (сяна—послелог).*

*101 уж.* Послелогъёсын числительнойёсты пыртыса, вить предложение гожтэ.

Возьматон тус: *Комнатаын ми ныль кузя улйськом.*

## 52 §. Числительнойёсты шонер гожъян.

1. Кылын гожтон дыръя вань числительнойёсты нимазы гожтоно (*кызь ныль, вить сю кызь, кык сю ныльдон сизьым*).

2. Цифра борды кылпум итон дыръя цифраез кылпуменыз дефисэн висъяно.

Например: *2-ен, 34-ысь, 5-лы, 8-озь*.

3. Датаосты цифраен гожтон дыръя *-тй* кылпумыз дефисэн висъясъке.

Например: *1935-тй арын, 25-тй октябре; тй* кылпумез гожтытэк но луэ (*XVII партконференция, 5 июне*).

4. % цифраос борды гинэ пуктйське. Соку кылпумыз дефисэн гожтйське.

Например: *45<sup>0</sup>/о-эз, 96<sup>0</sup>/о-лы, 4<sup>0</sup>/о-лэсь* но ятыр, но мукет.

5. Числительной кылын ке гожтйське, градус но процент кылъёс кылын ик гожтйсько.

Например: *дас вить градус, ныль градус, укмыстон ныль процентлы, вить процентэз* но мукет.

102 уж. Гожтэ кылын таће числительнойёсты.

64; 173; 7842; 391;  $\frac{2}{3}$ ;  $\frac{4}{7}$ ;  $2\frac{3}{4}\%$ ; 1,4; 7,04; 0,6; 0,08; 1,016  
4,243.

103 уж. Тетраяды та юаньёслы ответьёс гожтэ. Числительнойёссэ кы-  
лын гожьялэ.

1. Ку тон вордскид?
2. Ку но кёня аресысен школае дышетскыны пырид?
3. Кёняетй классын дышетскиськод?
4. Кыче арын колхозды кылдйз?
5. Кёня сеялкады но мукет сельскохозяйственной машина-  
осты колхозады?

104 уж. Гожьялэ, числительнойёссэ кыльёсын воштыса.

## МАГНИТОГОРСК ЗАВОДЭЗ ЛЭСЬТОН.

1929-1932 арьёсы Магнитогорск заводэз лэсьтоннын ужась  
кужым 1929 арын 1650 муртысен 1932 арын 38709 муртозь буд-  
дйз. Ульсь калыкез 1929 арын 4—5 сюрсысен 1932 арлэн пумаз  
200 сюрсозь будйз.

1932 арын 11 толэзь куспын комбинат таће продукция сётйз:  
1130 сюрс тонна руда, 382 сюрс тонна кокс, 343 сюрс тонна—  
чугун.

## МЕСТОИМЕНИЕ.

### 53 §. Местоимение сярсь валан.

Существительноез, прилагательноез, числительноез вош-  
тйсь вераськон люкетэз местоимение шуо.

Например: *Паша ударно ужа.* Та предложениын *Паша*  
кыл существительной луэ. *Паша* кылэз со кылын воштыны луэ.

Например: *Со планзэ перевыполнять каре.* Та предложе-  
нын со кыл местоимение луэ ини.

*Бадзым завод зол ужа. Сыче завод Советской Союзлэсь*  
*кужымзэ жутэ.*

Нырыяз предложениын *бадзым* кыл прилагательной луэ,  
нош кыктэтйяз предложениын прилагательноез воштйськом  
*сыче* кылын. Кыктэтйяз предложениын *сыче* кыл местоимение  
луэ.

*Дышетскисьёслы котыр вить тетрадь сётйзы. Сомында*  
*тетрадез кык толэзьлы окмытоно.*

Нырыяз предложениын *вить* кыл числительной луэ, нош  
кыктэтйяз предложениын *вить* кылэз воштйськом *сомында* кы-  
лын. *Сомында* кыл местоимение луэ.

Местоимениос таће пöртэмесь луо:

1. Личной. 2. Вопросительной. 3. Относительной. 4. Указа-  
тельной. 5. Определительной. 6. Неопределенной. 7. Притяжа-  
тельной. 8. Отрицательной.

1. Личной местоимениос лицоез возьмато: *мон, тон, со; ми, тй, соос.*

Например: *Мон* Иж заводын ужасько.

*Со* промфинпланзэ мултэсэн быдэстэ.

*Ми* эшеным туэ Удпединститутэ дышетскыны пыриськом.

*Соос* тулыс ю кизёнзэс котькинлэсь азьло быдэстйзы.

2. Вопросительной местоимениос существительнойлэн, прилагательнойлэн но числительнойлэн юаньёссы луо: *кин, ма, кыче, кудйз, кёня.*

Например: *Кин* толон заводэ ветлйз? *Кыче* станокъёс асьме заводын вань?

3. Относительной местоимениос формазыя вопросительной местоимениос ик луо. Вераськон кыламы соос пырыло предложности герзаны понна союз интые.

Например: *Ижевск, кудйз* азьло рабочий поселок гинэ вал, али *Удмуртилэн* столицаез.

4. Указательной местоимениос кин ке, маке шоры возьматыса верамез возьмато. Соос таچهесь: *та, таи, таид, таиз, со, сои, соиз, таچه, сыче, тамында, сомында.*

Например: *Та* книга туж умой, *таче* ик асьме читальняе но басьтоно. *Туннэ таид* нош ик газет басьтытэк кылем.

5. Определительной местоимениос кинэ ке, мае ке тодэмез валэкто: *ваньмыз, ваньмы, ваньды, ваньзы, ачим, ачид, ачиз, асьмеос, асьтэос, асьсэос, котькин, котьма, котькыче, котькудйз, котькёня.*

Например: *Ми ваньмы* субботнике ветлйм. Пионеръёс лагере мыныны *ваньзы* дасяскызы. Совхоз бусысы юзэ *ваньзэ* октыса-калтыса быдэстйз ни.

6. Неопределенной местоимениос тодымтэ макеез, тодымтэез возьмато: *кин ке, маке, кыче ке, кудйз ке, олокин, олома, олокыче, олокудйз, олокёня, кёня ке.*

Например: *Кин ке* корка пыриз. *Олокытысь маке* куара кылйськыз. *Уримысь кырзам куара, кыче ке* шулдыр чузьяськыса, кыдёке вёлскыз. *Газетъёсыя* тодыны луэ пёртэм государствоосысь *олокыче* но *олокёня* пёртэм иворъёс.

7. Притяжательной местоимениос возьмато предметлэсь кинлэн, малэн луэмзэ: *мынам, тынад, солэн, милям, тйляд, соослэн, аслам, аслад, аслаз, асьмелэн, асьтэлэн, асьсэлэн.* Вакчиятыса, тазы но верало: *асьме, асьтэ, асьсэ, ас.*

Например: *Милям* бригадамы кужмо ужа.

*Тйляд* колхозады кёня членды?

*Катя* умой ужа, *солэн* ужез мукетъёсызлы пример.

*Мынам* бригадаям ужасьёс толэзьлы быдэ нормазэс мултэсэн быдэсто. Нош *тынад* бригадаяд кыче уж мынэ?

*Аслам* дыртымтэненым поездлэсь кыли.

*Колхозникъёс асьсэлэн* бакчазы кубиста мерттйзы.

8. Отрицательной местоимениос кин ке, маке ёвлэз возьмато: *нокин, номре, нокыче, нокудйз, нокёня.*

Например: *Бусыны* колхозникъёс ваньзы умой ужало: *нокин*



*сылысь овёл. Трактористъёс, нокёня но моготэк, ас уж бордазы чупырак кутско.*

Отрицательной местоимениос **но** частицаен но луыло (**нокин но, нокыче но, нокёня но**). Содержаниез ласянь пёртэмез уг луы частицаенызтэк но.

Предложенный местоимение луылэ подлежащей, сказуемой но второстепенной член.

Например: 1. *Ми соревноваться кариськыса дышетскиськом.* Кинъёс соревноваться кариськыса дышетско?—*Ми* (подлежащей).

2. *Та книга мынам.* Кинлэн луэ та книгаез?—*Мынам* (сказуемой).

3. *Сталин эш асьмелы шуд ваиз. Асьмелы*—второстепенной член.

*105 уж.* Гожъякуды, местоимениосэ гожен тодмостылэ. Собре вералэ, кыче местоимениос соос.

I. 1. Физкультурной соревнованиын кык сю муртлэсь но трос калык участвовать кариз, сомында калык пöлысь куамын сизыым процентэз нылкышноос вал. 2. Нокин уз быгаты стахановской движениез дугдытыны. 3. Ми асьмеос умой улон лэсьтиськом. 4. Та гурезьёсты, та улэмез, таё чылкыт, чебер азын пукемме малпаса, вань улонэ син азиям пуксе. 5. Ачид но тодйськод, дыр, милям кадь пеймыт гуртъёс трос вал вазен. 6. Ваньмыз ик та солы ас чеберлыкеныз яраз. 7. Культурной адями луыны понна, наукаосты тодоно. 8. Милям классын дышетскисьёсмы нокудйз но газет лыдзтытэк уг кылы. 9. Ломоносов нырысьсэ университет кылдытйз: шонер вераса, со ачиз асьмелэн нырысетй университетмы вал. (П.) 10. Кёня часын лекция луоз?

II. Пичи братэ школаын дышетске. Со эшеныз туннэ, чукна вазь ик султыса, школае мынйз. Соослэн туннэ дышетскон арлэсь быдэсмемзэ ортчытон праздниксы. Кин ма, кыче номеръёс дасяны быгатйз, пинальёс ваньзэ та празднике возьматйзы. Кудйз кырзас, кудйз эктиз, кудйз кылбур вераз. Кин ке маке тодэ, быгатэ лэсьтыны, сое ик возьматйзы. Соос кема шудйзы, шулдырьяськызы. Пинальёс таё праздниклы шумпото. Кёня ке нуналскын пионеръёс лагере кошкозы.

## 54 §. Местоимениослэн склоненизы.

Местоимениослэн кык склоненизы. Нырысетйяз склонение **лы**ро луло предметёслэсь нимзэс воштйсь местоимениос но сизыым падежъя кылпумзэс вошъяло. Кыктэтйяз склонение **пыро**лултэм предметёслэсь нимзэс воштйсь местоимениос но тямыс падежъя кылпумзэс вошъяло.

Форма ласянь кудйз местоимениос простой существительнойёс тусьем, нош кудйз притяжательной существительнойёс тусьем кылпумзэс вошъяло. Соин нырысетйез но кыктэтйез местоимениос быдэн кык группаослы люкисько на.

## Нырысетй склонение.

Нырысетй склоненилэн нырысетй группаз пыро: *со, со-ос, кин, котькин, олокин, нокин, кин ке*. Таос простой существительнойёс тусъем кылпумзэс вошъяло.

Кыктэтй группаз — *мон, тон, ачим, ачид, ачиз, асьмеос, асьтэос, асьсэос, ваньмы, ваньды, ваньзы, таид, соид, таи, сои*. Таос притяжательной существительнойёс тусъем кылпумзэс вошъяло.

### Нырысетй склоненилэн таблицаз.

#### Нырысетй группаез.

Падеж.	Склонение.		
Н.	<i>со</i>	<i>олокин</i>	<i>кин ке</i>
А.	<i>со-е</i>	<i>олокин-э</i>	<i>кин-э ке</i>
В.	<i>со-лэн</i>	<i>олокин-лэн</i>	<i>кин-лэн ке</i>
Лк.	<i>со-лэсь</i>	<i>олокин-лэсь</i>	<i>кин-лэсь ке</i>
С.	<i>со-лы</i>	<i>олокин-лы</i>	<i>кин-лы ке</i>
Лт.	<i>со-ин</i>	<i>олокин-эн</i>	<i>кин-эн ке</i>
К.	<i>со-тэк</i>	<i>олокин-тэк</i>	<i>кин-тэк ке</i>

Валэктон. 1. Лэсьтон падежын *со* местоимение **-ин** кылпумен пуксе. 2. Адзон падежын **-е** или **-э** падежной кылпумзы пуксе. 3. Кельтон падежын **кин ке** местоимениез тазы но верало — **кинкетэк**.

#### Кыктэтй группаез

Падеж.	Склонение.			
Н.	<i>мон</i>	<i>ач-из</i>	<i>вань-ды</i>	<i>та-ид</i>
А.	<i>мон-э</i>	<i>ас-с-э</i>	<i>вань-д-эс</i>	<i>та-д-э</i>
В.	<i>мын-а-м</i>	<i>ас-ла-з</i>	<i>вань-ды-лэн</i>	<i>та-ид-лэн</i>
Лк.	<i>мын-эсь-тым</i>	<i>ас-лэсь-тыз</i>	<i>вань-ды-лэсь</i>	<i>та-ид-лэсь</i>
С.	<i>мын-ы-м</i>	<i>ас-лы-з</i>	<i>вань-ды-лы</i>	<i>та-ид-лы</i>
Лт.	<i>мон-эн-ым</i>	<i>ас-эн-ыз</i>	<i>ваньм-ык-ыды</i>	<i>та-ин-ыд</i>
К.	<i>мон-тэк</i>	<i>ач-из-тэк</i>	<i>вань-ды-тэк</i>	<i>та-ид-тэк</i>

Валэктон. 1. Кыктэтй группаез пырьсь местоимениослэн падежной но личной формаез пöртэм падежьёсын огкадь уг пуксё: куд падежьёсын личной формаез шораз пуксе, падежноез — пумаз, нош куд падежьёсын шораз падежной формаез пуксе, пумаз — личной формаез. Таблицаосын соос висъяса возьматэмын.

2. *Мон, тон, со, ми, тй, соос, ачим, ачид, ачиз, асьме-ос, асьтэос* но *асьсэос* местоимениос возъматон падежын но притяжательной местоимениос формазыя но значенизыя огкадесъ. Притяжательной существительнойёсын герзаськеменызы, со местоимениос, притяжательной местоимениос шуыса, нимазы висьямын.

### Кыктэтй склонение.

Кыктэтй склоненилэн нырысетй группаз пыро — *та, со, ма, котьма, олома, номыр, маке, кӧня, олокӧня, нокӧня, кӧня ке*.

Кыктэтй группаз — *кычез, котькычез, олокычез, нокычез, кычез ке, кӧняез, котькӧняез, олокӧняез, нокӧняез, кӧняез ке, кудйз, соиз, таиз, ваньмыз, мынамез, тынадэз, солэнэз, милямез, тйлядэз, соослэнэз, асламез, асладэз, аслазэз, асьмелэнэз, асьтэлэнэз, асьсэлэнэз*.

### Кыктэтй склоненилэн таблицаез.

#### Нырысетй группаез.

Пад.	Склонение.		
Н.	<i>котьма</i>	<i>олокӧня</i>	<i>нокӧня но</i>
А.	<i>котьма-е</i>	<i>олокӧня-ез</i>	<i>нокӧня-ез но</i>
В.	<i>котьма-лэн</i>	<i>олокӧня-лэн</i>	<i>нокӧня-лэн но</i>
Лк.	<i>котьма-лэсь</i>	<i>олокӧня-лэсь</i>	<i>нокӧня-лэсь но</i>
С.	<i>котьма-лы</i>	<i>олокӧня-лы</i>	<i>нокӧня-лы но</i>
Лт.	<i>котьма-ин</i>	<i>олокӧня-ен</i>	<i>нокӧня-ен но</i>
К.	<i>котьма-тэк</i>	<i>олокӧня-тэк</i>	<i>нокӧня-тэк но</i>
	<i>котьма-ын</i>	<i>олокӧня-ын</i>	<i>нокӧня-ын но</i>
	<i>котьма-ысь</i>	<i>олокӧня-ысь</i>	<i>нокӧня-ысь но</i>
	<i>котьма-ысен</i>	<i>олокӧня-ысен</i>	<i>нокӧня-ысен но</i>
И.	<i>котьма-е</i>	<i>олокӧня-е</i>	<i>нокӧня-е но</i>
	<i>котьма-озь</i>	<i>олокӧня-озь</i>	<i>нокӧня-озь но</i>
	<i>котьма-етй</i>	<i>олокӧня-етй</i>	<i>нокӧня-етй но</i>

Валэктон. 1. *Ма, котьма, олома, номыр, та, со* местоимениослэн лэсьтов падежын *-ин* кылпумзы.

2. *Маке* местоимение *ке* частицаен огазе гожтйське ниман падежын гинэ (*маке, мае ке, малэн ке, малэсь ке, малы ке, маин ке, матэк ке, майсь ке, майсен ке, маозь ке, маетй ке*).

Падеж.	Склонение.		
Н.	ваньм-ыз	со-из	мынам-ез
А.	вань-з-э	со-з-э	мынам-з-э
В.	ваньм-ыз-лэн	со-из-лэн	мынам-ез-лэн
Лк.	ваньм-ыз-лэсь	со-из-лэсь	мынам-ез-лэсь
С.	ваньм-ыз-лы	со-из-лы	мынам-ез-лы
Лт.	ваньм-ын-ыз	со-ин-ыз	мынам-ен-ыз
К.	ваньм-ыз-тэк	со-из-тэк	мынам-ез-тэк
И.	ваньм-а-з	со-я-з	мынам-а-з
	ваньм-ысь-тыз	со-ысь-тыз	мынам-ысь-тыз
	ваньм-ысен-ыз	со-ысен-ыз	мынам-ысен-ыз
	ваньм-а-з	со-я-з	мынам-а-з
	ваньм-оз-яз	со-оз-яз	мынам-оз-яз
	ван-етй-з	со-етй-з	мынам-етй-з

Валэктон. Кыктэти склоненилэн кыктэти группаз пырьсь местоимениос формазыя пуксё озыы ик, кызыы ке пуксё притяжательной существительнойёс.

## 55 §. Местоимениос послелогъёсын.

Луло предметёслэсь нимзэс воштысь местоимениос интыян падежын послелогъёсын пуксыло.

Например: 1. *Со доры эшъёсыз лыктйзы.*

Кытчы (кин доры) эшъёсыз лыктйзы?— *Со доры* (местоимение послелоген интыян падежын).

*Асьме дорысь кошкыкуз, Ленин эш завещать кариз асьмелы партилэн члензлэсь великой нимзэ вылын возыны но чылкытын возьманы.*— (Сталин.) Кытысь (кин дорысь) кошкыкуз?— *Асьме дорысь* (местоимение послелоген интыян падежын).

106 уж. Гожъялэ но послелогъёсын местоимениосэ гожен тодмостылэ.

I. 1. Пужымлэн зёк ул вылаз дукъя пуке но, чыртызэ кузь карыса, кылзйське. Кырзакуз гинэ со доры мыныны луэ. 2. Со бёрсыы ик дукъя пиос но лобзизы. 3. Кыдёкын ик бвёл ни пужымъёс но, соос събрын эмезян нюк. 4. Дышетскы но собере ми доры ик ужаны лык.

II. Узыр ваньбуро интыын улэм-вылэм барин. Со доры крестьян муген лыктэм. Корка дораз гинэ вуыны кутскем, со вылэ баринлэн яратон пуныез тэтчем. Крестьян туж кышкам, нош кияз солэн бодыез вылэм. Со вылэ пуны тэтчыку, огпол шонскыса, пуныез вием. Барин со сярсы тодэм. (Сказкайс.)

Местоимениос вбзын послелогъёс лицао но вошъяськө.

Например: *мон ас поннам, тон ас поннад, со ас понназ, ми ас поннамы, тй ас поннады, соос ас понназы; мон палам, тон палад, тй палады; ми дорамы, тон дорад* но мукет.

### Местоименности шонер гожъян.

1. *Оло, коть, но* кылъёсты вопросительной местоимениос азе пуктыса, виль местоимениос кылдо. Гожъяку, соосты огазе гожтоно (*котькинлы, нокинлэсь, олокинэ*).

2. Местоимениос бордысь *ке, но* частицаосты нимазы гожтоно (*кин ке, малы ке, нокин но, номыр но*). *Маке* местоимениын гинэ *ке* огазе гожтйське.

3. *Номыр* местоимениез падежъя вошъяку, *р* букваез нокыче падежын но уг усы (*номыр, номыре, номырлэн, номырлэсь, номырлы, номырин, номыртэк*).

4. *Мон, тон* местоименности люкон падежын пёртэм верало. Гожтоно тазы: *мынэсьтым, тынэсьтыд*.

5. *Ми* но *тй* местоименности аджон, сётон но лэсьтон падежъёсын пёртэм верало. Гожтоно тазы: Н.—*ми, тй*; А.—*милемды, тйледды*; В.—*милям, тйляд*; Лк.—*милесьтым, тйлесьтыд*; С.—*милем, тйлед*; Лт.—*милемын, тйледын*; К.—*митэк, тйтэк*.

6. *Асьмеос, асьтэос, асьсэос* местоимениосын гинэ *-ос* гожтйське. Аджон но лэсьтон падежъёсын таосты пёртэм верало. Гожтоно тазы:

Н.	<i>асьмеос</i>	<i>асьтэос</i>	<i>асьсэос</i>
А.	<i>асьмеды</i>	<i>асьтэды</i>	<i>асьсэды</i>
В.	<i>асьмелэн</i>	<i>асьтэлэн</i>	<i>асьсэлэн</i>
Лк.	<i>асьмелэсь</i>	<i>асьтэлэсь</i>	<i>асьсэлэсь</i>
С.	<i>асьмелы</i>	<i>асьтэлы</i>	<i>асьсэлы</i>
Лт.	<i>асэнымы</i>	<i>асэныды</i>	<i>асэнызы</i>
К.	<i>асьметэк</i>	<i>асьтэтэк</i>	<i>асьсэтэк</i>

107 уж. Гожъялэ но местоимениосэз гожен тодмостылэ. Выйязы патеж нимээс пуктылэ.

1. Асьмелэн вань мае защищать карыны, вань маин защищать карыны но вань кинлы защищать карыны. 2. Сталинской Конституциын советской гражданыёслэн вань правоссы гожтэмын. Нокин но асьмелэсь соосты таланы уз быгаты. 3. Асьмелэн егитэсь аэроклубъёсмы уно летчикъёсты дасяны быгато, соосты производство бордысь мозмытытэк. 4. Ваньмылы физкультураен заниматься кариськоно.

II. 1. 1924 арын Николай Алексеевич Островский большевистской партилэн рядаз пыре но кёня ке ар комсомолэн кивалтон ужын ужа. 2. Ваньзэ ик ваньмон дырзэ ас тодонлыкэсэ бюджетон ужлы сётэ. 3. Аслэсьтыз кужымзэ со „Кызы андан

кыдаз\* роман гожтыны сётэ. 4. Солэн романэз, Советской Союзьсь вань трудящей егитёслэн дуньяменызы, асьме государствовын яратоно книгаос пöльсь одйез луиз. 5. Н. А. Островский аслэсьтыз вань умой аръёссэ социализм понна нюръяськонлы сётйз. 6. Аслаз Великой социалистической родинаезлэн дано пиез, со Ленинлэн-Сталинлэн партиезлэн ужезлы пумтэм преданной вал. 7. Н. А. Островскийлэн улэмез, солэн чугун сюрес выльсь буфетын поварёнокысен партийной работникозь во орден нулльсь писателёзь героической сюресэз асьме егитёслы пример луыны кулэ.

*108 уж.* Скобкаосысь юанъёс интые ули гожтэм местоимениосты пыртса, гожъялэ.

Пересь улиз огназ. (Кин?) со доры өз ветлы, ветлыны но (кинлы?) вал. Со (кинэн?) өз вераськылы. Одыг пол (кин?) вуж эшез ыстэм (кинлы?) гожтэт но (кыче?) ответ өвёл басьтэм. (Кинлэн?) но куреконтэз сое өз шугекъятылы. Со (мае?) өз лыдзылы, странаысь бадзым ортчись событиосын (көня?) интересоваться өз кариськылы. Пайдатэк кысылыз нокинлы кулэтэм улон. (Абакумовлэн сборникысьтыз.)

Юанъёс интые кылъёс: *нокин но, нокинлы, нокинэн но, кин ке, солы, ноқыче, нокинлэн, номыр но, ноко́ня но.*

*109. уж.* Скобкаосын местоимениос ниман падежын сётэмьн. Тупамзыя кулэ падеже пыртса, тетрадады гожъялэ.

1. Паровозлэсь ранаоссэ но (ачим) кужымме лыдъяй мон. 2. Кин ке кужмысь жутйз (мон) ййрме небыт но шунит валес выльсь. 3. Мынам книгае (мон) уно шудо минутёс сётйз. 4. Мынам книгаям гожъямез öжитгес ке но, отын втулкаос но, кульчоос но, валикёс но, муфтаос но, инъекторной стойкаос но, кранъёс, винтикёс гожъямын. Ведь ваньзэ (соос) мон ачим лэсьтй. 5. Коммуна (ачиз) куинь ар тырмемзэ ортчытэ вал. 6. Антонычлэн докладэз бере вераськыны (мон) черодэ. 7. Виль улонэ кошкись пиналтьёслэсь списоксэс лыдзыны кулэ вал мыным, собере коммуна советлэн нимыныз (соос) чектыны кулэ вал комсомолэ. 8. Бумага вылэ учки но, нырысь строкаысьтыз ик (ачим) фамилиме адзи. 9. Мон чалмыт сылйсько, собрание нош, уката ик чалмыт кариськыса, (мон) верамме вите. (Авд.)

*110. уж.* Гожъялэ, точкаос интые 75-тй стр. гожтэм местоимениосты пыртса.

Берло луэм ужъёс бере Дубровскийлэн грабить каремъёсыз вылэ правительство зэмзэ ик сак учкыны кутскиз. ... улон интыез сярсь иворъёс октэмын вал ни. Собере ... улэпкын, коть кулэмен бастон понна одйг рота солдатъёс ыстэмын вал. Солэн шайкаысьтыз ... муртэз кутйзы ик но, Дубровский соос пöлын өвёл ни шуыса, тодйзы. Көня ке нунал орчыса, ... эшъёссэ огазе люказ но ... пырак азелы аслаз люкиськонэз сярсь ивортйз ..., озы ик соослы но ... улон сямзэс воштыны мылкыд сётйз со.

... кивалтэмея тй узырмиды, ... ик тйляд ваньбурды вань, со-ин тйляд кыче ке ... кыдэкысь губерние кышкатэк мынэмды луоз. но отын улондылэсь кылемзэ честно но тырмытын улыны быгатыды. Нош тй ... ик мошеникыёс но ... уждэс куштэмды уз поты, дыр.

Та верамез бере ... пблысь кошкиз со, сьбраз одйгзэ гинэ басьтйз. ... бз тодылы, кытчы луиз со. Со верамлэн зэмезлы нырысь бз оскылэ — разбойникыёслэн атаманзы пала дурбасьтэмзы тодмо вал. Соос ... ватыны туртто шуыса, малпаллязы. Нош берлояз ... зэм луизы: кышкыт ветлонкыёс, тылпуос но грабиты каронкыёс дугдйзы — сюрескыёс усьтэмын вал. Мукет иворкыёсыя тодйзы, Дубровский граница сьбры кошкем шуыса.

Пушкин, Дубровский.

Точкаос интые местоимениос: *сое* (2 пол), *солэн, кбня ке, соосын, аслэсьтыз, соослы, асьсэлэсь, котькуддылэн, мынам, ваньды, сйче, та, нокин но, соос* (2 пол).

## ГЛАГОЛ.

### 56 §. Глагол сярысь валан.

Предметлэсь действиизэ но состояниезэ возьматйсь вераськон люкетэз глагол шуо.

Например: *Мон книга лыдзисько.* Ма карисько мон? — *Лыдзисько* (глагол).

*Шуньт нуналкыёсы лымы шуна.* Ма каре лымы? — *Шуна* (глагол).

*Сйзьыл ортчиз.* Ма луиз сйзьыл? — *Ортчиз* (глагол).

*Жоген тулыс вуоз.* Ма кароз тулыс? — *Вуоз* (глагол).

Та предложениосын *лыдзисько* но *шуна* глаголкыёс али дырын луэмез возьмато, нош *ортчиз* глагол ортчем дырын луэмез возьматэ, *вуоз* — вуоно дырын луонэз.

Соин ик глаголкыёс дыръя вошъясько: али дырын, вуоно дырын но ортчем дырын луо (*со лыдзэ, со лыдзоз, со лыдзиз, со лыдзем*). Ортчем дырыз кык луэ: тодмоез но тодмотэмез.

Глаголкыёс лицоя но кылпумзэс вошъяло. Лицоез куинь.

Нырысетй лицоя мынэсьтым но милесьтым (верась муртлэсь) ужаммес возьмато (мон гождьясько, ми гождьяськом).

Кыктэтй лицоя тынэсьтыд но тйлесьтыд (кинэн верасько) ужамдэс возьмато (*тон гождьяськод, тй гождьяськоды*).

Куиньметй лицоя солэсь, но соослэсь (кин ке муртлэсь) ужамзэс возьмато (*со гождья, соос гождьяло*).

Глагол лыдъя но кылпумзэ вошъя. Одыг лыдын — *ветлй, ветлйд, ветлйз*. Трос лыдын — *ветлйм(ы), ветлйды, ветлйзы*.

Глагол предложениын чөмгес луыны быгатэ сказуемой, ичигес — подлежащей но второстепенной член.

Например: 1. *Сталинской геройёс вормизы полюсэз*. Та предложениын *вормизы* — сказуемой — глагол, *возьматэ ма каремез*.  
2. *Чылкыт воздухен шоканы капчи, шоканы* — глагол, *нош предложенилэн членэз* — подлежащей.

3. *Папанинецъёс дрейфующой йё вылын туж бадзым научной материал люканы быгатйзы*. Та предложениын подлежащее — *папанинецъёс*, *нош сказуемоез* — *быгатйзы*. *Ма карыны быгатйзы?* — *Люканы* — глагол, *нош предложениын второстепенной член луэ*.

### Наклонение.

Предложениын сказуемой луйсь глагольёс значениыя **но кылпум вошьянзыя люкисько наклонениослы**.

Наклонение *возьматэ верась муртлэсь* сказуемоем *возьматэм* действилы отношенизэ. Удмурт кылын куинь наклонение: **изъявительной, условной но повелительной**.

Изъявительной наклонение *возьматэ*, что *верась мурт со действиез лыдъя ортчем или ортчымтэ фактэн*.

Например: *Мон ветлй, мон ветло, мон ветлйсько, мон йй ветлы; тон лыдзид, тон ёд лыдзы; поезд вырзиз, поезд вырзе ни, поезд вырзоз ни* но мукет. Действие ортче или уг ортчы али, вуоно но ортчем дырын (*ми гожтйм, ми ём гожтэ; ми гожтйськом, ми ум гожтйське; ми гожтом, ми ум гожтэ*).

Условной наклонение *возьматэ*, что действие ортче кыче ке условиен гинэ, что действилы *маке но люкетэ, или уг тырмы*.

Например: *Тросгес ке лыдзысал, сочинениме умой гожтысал*. *Лыдзысал, гожтысал* — условной наклонениысь глагольёс.

Повелительной наклонение *возьматэ* *маке карыны косэмез, куремез*.

Например: *Понэ та книгаез жёк вылэ. Чалмытске, пиналтьёс!*

*Вераськон кыламы пырыло на сыче формаем глагольёс, кудьёсыз уг возымато верась муртлэсь* действие *вылэ* *нокыче* отношенизэ но (*мыныны, пырыны, вайыны, дасяны, кораны*). Та формаем глагольёс уг возымато действилэсь кыче дырын ортчемзэ но, кыче *лицолэсь* *действиэз* но, *лыдзэ* но. Соин таце формаем глагольёсты **неопределенной формаем глагольёс шуо**.

### 57 §. Неопределенной формаем глагол.

*Дырзэ, лицозэ но лызэ* *возьматйсьтэм глаголэз* **неопределенной формаем глагол шуо**.

Неопределенной формаем глаголы ма карыны? ма луйны? юантьёс пуктьсько.

Например: *Гужем мон визнаны яратйсько*. *Ма карыны мон яратйсько гужем?* — *Визнаны* (неопределенной формаем глагол).



Жытазе красной уголке лыдзыны ветлйсько. Ма карыны жытазе мон ветлйсько? — Лыдзыны (неопределенной формаем глагол).

Неопределенной формаем глаголэн суффиксьёсыз **-ыны**, **-йыны** или **-аны**, **-яны** луэ (лыдзыны, мыныны, ветлыны, пусйыны, ужаны, вераны, гожтыны, гожъяны, веръяны, сузяны).

Ударениез пумаз луэ.

Словарьёсын, справочникьёсын неопределенной формаем глаголъёс трогес дыръя пыртэмын луо.

**III уж.** Неопределенной формаем глаголъёссэ шедьтыса, тетрадады пыртэ. Возьматэ, кыче суффиксьёсы соослэн.

1. Скамья пала выж вылэ мон та уй кёлыны выдэм вал. Оломалы умме ой усыы. Кылли, кылли но, пыды но малы ке лыдыны кутскиз.

Ийрме жути, коркан милям, гуын кадь ик, номыре но уг адзиськы. Туж кышкаса, нош ик жокатскыса кёлыны турттйсько вал.

Со виын шёдытэк шорысь черк гырлыез шуккизы, кин ке укно улын чирак кеськиз. Соку ик мемея валес выльсь тэтчиз. Тылтэм азе мон учкисько, ачим номыре но уг адзиськы. Мемей коркан бызылэ, спичка утча тыл жуатыны.

— Санко! Санко! — кесяське мемея. — Султы сёрыт, лие, маке луэм, лэся...

Солэсь бызылэмзэ шёдйсько, нош ачим султыны но кышкасько, пыдъёсы ик куалекъяны кутскизы, чыртые но малы ке кекатэмын кадь луиз. Уг кёлйськы шуыса, турттйсько-турттйсько вераны но, куарае нош аслам кадь ик ёвёл.

А. Неверов, Кызы ми палам война вал.

II. Ваня — пионер, ударник. Со школаын дышетске умой ужаны, умой улыны, социалистической улонэз юнматыны. Ваня дышетскыны но, ужаны но туж яратэ. Жытазе со читальняе газет лыдзыны ветлэ, колхозникьёсты дышетэ.

## 58 §. Изъявительной наклонение.

Изъявительной наклонение возьматэ одйгетй, кыктэтй или куиньметй лицолэсь маке но каремзэ али, ортчем но вуоно дырын, одйг но трос лыдын.

Глаголъёслэсь дыръя, лица но лыдъя кылпум вошьямзэс спряжение шуо. Удмурт кылын кык спряжение.

Нырысетй спряжение **-ыны**, **-йыны** суффиксьёсын неопределенной формаем глаголъёс пыро (гырыны, лыдзыны, пусйыны).

Кыктэтй спряжение **-аны**, **-яны** суффиксьёсын неопределенной формаем глаголъёс пыро (гожъяны, вераны).

Изъявительной наклонение луэм ужез но луымтэ ужез возьматылэ.

Луымтэээ возыматыны понна азьпалаз отрицаниос ватсасько. *Лыдзисько, лыдэе, лыдзо, ужало, лэстьйз*—глагольёс изъ-  
явительной наклонениын отрицаниостэк. Уг *лыдзы, уз мыны,*  
*ум ветлэ, бм ветлэ, од вера, бз гожъялэ*—глагольёс изъяви-  
тельной наклонениын отрицаниосын.

### Нырысетй спряженлэн таблицаез.

(*лыдзыны*)

Лицоез.	Ортчем дыр. (тодмоез)	Али дыр.	Вуоно дыр.
1. Мон	<i>лыдэ-и</i>	<i>лыдэ-и-сько</i>	<i>лыдэ-о</i>
2. Тон	<i>лыдэ-и-д</i>	<i>лыдэ-и-ськ-о-д</i>	<i>лыдэ-о-д</i>
3. Со	<i>лыдэ-и-з</i>	<i>лыдэ-е</i>	<i>лыдэ-о-з</i>
1. Ми	<i>лыдэ-и-м (ы)</i>	<i>лыдэ-и-ськ-ом(ы)</i>	<i>лыдэ-о-м(ы)</i>
2. Тй	<i>лыдэ-и-ды</i>	<i>лыдэ-и-ськ-о-ды</i>	<i>лыдэ-о-ды</i>
3. Соос	<i>лыдэ-и-зы</i>	<i>лыдэ-о</i>	<i>лыдэ-о-зы</i>

Глаголэз лицаоз вошъяку, личной формаез глагол пуме пуксе. Нырысетй лицоез возыматись формаез одйг лыдын бвдл ни али вераськон кыламы, нош трос лыдын *-м (ы)* луэ. Кыктэтй лицоез возыматись формаез одйг лыдын *-д*, трос лыдын *-ды*; куиньметй лицоез возыматись формаез одйг лыдын *-з*, трос лыдын *-зы* луэ.

Нырысетй спряжениын ортчем дырын глаголлэн формаез *-и* луэ (*гыри, лыдзи*); **д, з, л, н, с, т** куараос чурит кылйськон дыръя соос бере *-й* гожтоно (*ветлй, мынй*). Вуоно дырын глаголлэн формаез *-о* (*лыдзо, мыно, ветло*), нош куать **д, з, л, н, с, т** согласной куараос небзон дыръя *-ё* гожтоно (*кизё, кизёд, кизёз*).

Тодмотэм ортчем дырын глагол тазы пуксе: *мон лыдзиськэм, тон лыдзем, со лыдзем; ми лыдзиськеммы, тй лыдзиллям, соос лыдзиллям.*

112 уж. Улй гожтэм глаголъёсты эскере но вералэ, кыче лицоез соос возымато, кыче дырын но кбня лыдын.

*гыризы, бертйз, мыноз, гыре, сьлйськод, гожтоз, ветло, ёшатскисько, мынэм, изиськем, сьлйськеммы, вераськиллям.*

### 59 §. Нырысетй спряжениысь глаголъёсты номер гожъян.

1. Али дырын одйг но трос лыдын нырысетй но кыктэтй лицозн глаголъёсты кудйз верало *-ысько* кылпумен. Гожъяку, *-ськ* азьпала ортчем дырлэсь формаез гожтоно (*ветл-й-сько, ветл-йськод, ветлйськом, ветлйськоды; сьлйсько, сьлйськод, ваньськом, нуиськом, юисько*).

2. **-ыны** суффикс азыпалан небыт пус (ь) ке сылэ, али, ортчем но вуоно дырын **ь** уг гожтйськы (*возыны—вози, возиськем, возисько, возё; пöзыны—пöзиз, пöзем, пöзе, пöзёз.*)

3. **-ыны** суффикс азыпалан гласной куара но **-й** ке сыло, али, ортчем но вуоно дырын **-й** уг гожтйськы (*вайыны—ваи, вайськем, вайсько, вайё*).

4. **-ыны** суффикс азыпалан согласной куара но **-й** ке сыло ортчем дырын куиньяназ лицоын но али дырын одйгетй но кыктэтй лицоын **и** азыпала **-й** кыле (*бырйыны—бырйи, бырйид, бырйиз, бырйисько, бырйиськод*). Нош али дырын куиньметй лицоын но вуоно дырын куиньяназ лицоын ик **-й** интые чурит пус (-ъ) гожто (*бырьё, бырьёё, бырьёд, бырьёз*). Озы ик трос лыдын но.

**113 уж.** Вошъялэ кылпумзэс дыръя, лица но лыдъя уль глагольёслэсь: *вазыны, кылыны, лайыны, лусйыны, пушйыны, лэсьтыны, дышетыны.*

**114 уж.** Скобкаосысь неопределенной формаем глагольёсты али дырын изъясительной глагольёсы пормытыса, гожъялэ.

Мон чукна сизым часэ (султыны). Султэм бере валес котырме (октыны-калтыны) но пыласькыны (мыныны). Собере физической зарядка (лэсьтыны). Зарядка бере коркась вуэн (чүшылйськыны). Собере чай (юны) но толло дасям урокъёсме (эскерыны) на. 8<sup>1</sup>/<sub>2</sub> часэ школае (потыны). Школаын нуналлы 5—6 урок луэ. Урокъёс бере гуртэ (бертыны), (сиськыны) но öжыт азе нискыланы (потаны) или гурт котырын маке лэсьтыны (юрттыны). Собере гуртэ сётэм ужъёсме дасыны (кутскыны). Урокъёсме дасям бере газетъёсысь виль иворьёсты (лыдзыны). Милиам семьямаы таёе газетъёс (басьтыны): „Известия“, „Удмурт коммуна“, „Удмуртская правда“ но „Дась лу“. Ас поннам мон „Юный натуралист“ журнал (басьтыны) на. Школаын мон общественной уж (нуыны): редколлегиын ужасько.

**115 уж.** Скобкаосысь неопределенной формаем глагольёсты дыръя, лица но лыдъя тупатыса, гожъялэ.

1. Собранин монэ старостае (бырйыны). 2. Сизыл мертэм писпуос тулыс зеч (пушйыны). 3. Ну, егит пöйшурасть, оло ачид-а (виыны)?—юаз мумиз Пашалэсь, тыбыр вылысьтыз вием дукъяез адзыса. 4. Паша, мынэсьтым сётэм книгаме тон (лыдзыны)-а? 5. Нылпиослэсь со доры матэгес пуксемзэс со (витыны). 6. Паша дышетйсь вадьсы ик (пуксыны). 7. Нылёсты парадэ чик уз но лэзе,—чурит куараен вераз Юлик.—Öвöл, (лэзыны),—Майя векчи куараен вера. 8. Алёнушкалэн одйгез символ (изыны), мукетыз учке; одйгез пельыз Алёнушкалэн (изыны), мукетыз (кыдзыны). 9. Луд кеч тэлын вордскиз но ялан кышкаса (улыны). Кытын ке улвай чиге, тылобурдо **жутске**, писпуысь лымы люк (**усьыны**)—кечпилэн лулыз **пидтышказ** (вуыны).

## 60 §. Кыктэти спряжение.

Кыктэти спряженилэн таблицаез.

(ужаны)

Лицоез.	Ортчем дыр. (тодмоез)	Али дыр.	Вуоно дыр.
1. Мон	<i>ужа-й</i>	<i>ужа-ськ-о</i>	<i>ужа-ло</i>
2. Тон	<i>ужа-д</i>	<i>ужа-ськ-о-д</i>	<i>ужа-ло-д</i>
3. Со	<i>ужа-з</i>	<i>ужа</i>	<i>ужа-ло-з</i>
1. Ми	<i>ужа-м(ы)</i>	<i>ужа-ськ-о-м(ы)</i>	<i>ужа-ло-м(ы)</i>
2. Тй	<i>ужа-ды</i>	<i>ужа-ськ-о-ды</i>	<i>ужа-ло-ды</i>
3. Соос	<i>ужа-зы</i>	<i>ужа-ло</i>	<i>ужа-ло-зы</i>

Кыктэти спряжениын, нырысетй спряжениын кадь ик, личной формаез пумаз луэ.

Кыктэти спряжениын ортчем дырын формаез *-а* или *-я* луоз (*ужай, гожъяй*), нош вуоно дырын *-ло* суффикс ватсаське на (*ужало, гожъяло*).

Тодмотэм ортчем дырын глаголъяс таће формаем пуксё: *мон ужаськем, тон ужам, со ужам; ми ужаськеммы, тй ужаллям, соос ужаллям.*

**116 уж.** Улй гожтэм глаголъясты эскере но вералэ лицозэс, дырзэс но лыдзэс.

арай, турназ, аралод, гожъясько, корало, данъялозы, вераллям, вераськем, арам, араллям.

**117 уж.** Скобкаосысь неопределенной формаем глаголъясты дыръя, лицом но лыдъя тупатыса гожъялэ.

1. 1. Жог будйсь куаро писпуос паськыт куаро улвайёсынызы музъем вылэз (сайяны). 2. Таос бен олоку нискыламысь но (пырыны) ни. 3. Кыдёкын, инын, сайкыт лыз пилемъяс туж каньыл (уяны). 4. Куке-соку египтянъяс но, индеецъяс сямен ик, гожъяськон интые картинаос (суредалляны).

II. Асьме советской нылпиос шудо, шулдыр улонын (будыны). Соос понна партия, правительство, Сталин эш, социалистической родинаысьтымы вань трудящей калык нуналысь нуналэ вискарытэк (сюлмаськыны). Арысь аре (умояны) дышетон уж.

**118 уж.** Гожъялэ, скобкаосысь юанъяс интые 82-тй стр. гожтэм глаголъясты юанъясы тупатыса.

1. — Павел Морозов свидетелез (ма каре?), — берлояз судья косйз.

Пашаез (ма каризы?).—Со пыриз но жбк азе (ма кариз?). Солэн бадзым кымесыз вылын, согы кадь, сьлэ йырсиез. Синъёсыз пыр-пыр (ма каро?).

— Кбня арес тынды, Павел Морозов? — (ма кариз?) со шоры судья.

— Дас кык.

— Подсудимойлы чыжы-выжы уд луиськы-а?

— Мон солэн пиез.

— Ма вераны (ма кариськод?) та ужъя.

Паша пельпумъёссэ (ма карылыз?) но атаез пала (ма кариз?), — соиз пуке, Паша шоры лек (ма каре?). Собере Паша люкаськем гурт калык шоры учкиз. Матын ик, борд кадь, (ма каре?) калык: сю синъёс со шоры (ма каризы?), (ма каро?), классын шыпыт.

Тани мон ма верало,—куалекъяса кутскиз Павел,—мынам атае ваньмыз виноват. Самсонов эшлы солэн ужез сярысь ванъзэ (ма кариз?).

Лулзылэмъёслэн но куараослэн классэти погыльскемзы кылыскыз.

— Мон пионер сямен ик шонерак (ма каро?): мынам атае, революциез защищать карись луэм интые, просто предатель вал. Со аслэсьтыз кысюссэ кулакъёслэсь бичам коньдонэн (ма кариз?).

— Зэм ёвл! Со (ма каре?)! — Трофим кеськиз но пыд йылаз султиз, пиез вылэ тэтчыны кадь (ма кариз?). — Дышетизы сое, — (ма каризы?).

— Кин бен (ма кариз?) монэ. Ёз, мон ачим ванъзэ (ма кариз?), ачим (ма карисько?),—шуиз Паша.

— Судья агайёс!—нош ик Паша берытскиз судьяос пала,—атайлэн верамез шонер ёвл. Монэ нокин но ёз дышеты. Мон, пиез сямен ёвл, пионер сямен (ма карисько?), атай кулэезъя чурит шымыртэмын мед луоз шуыса. Мынам атае кадь адямиослы советской гражданъёслэн рядазы инты ёвл.

Со зырдыт (ма кариз?), синъёсыз солэн (ма каризы?).

Куараослэн шуккиськемзы улсын жбк дорысь со (ма кариз?) но скамья вылэ (ма кариз?). Котькуд ласянь лушкем куараосты со (ма кариз?):

— Ай-да, Пашка! Молодец! Озы ик кулэ!

Суд совещание лэсьтыны кошкиз. Ёжытэн-ёжытэн калык ульчае (ма кариз?). Татын ваньмыз партиен-партиен люкаськылызы: кудиз Паша пала, мукетъёсыз пумит, тэкшеремзы быдэс гуртэ ик (ма каре?) вал. Со куспын кин ке (ма кариз?):

— Суд лыктэ!

Калык нош ик классэ гылзиз. Судья приговор (ма кариз?). Сельсоветлэн азьло председателез, Трофим Сергеевич Морозов, аслаз преступлениосыз понна дас ар эриктэм пукыны приговорить каремын.

А. Яковлев, Пионер Павел Морозов.

Юанъёс интые неопределенной формаем глагольёс сётэмын: *õtыны (2 пол), султыны, учкыны, вазыны, быгатыны, жу-тыны, берытскыны, учкыны, сылыны, мертчиськыны, витыны, вераны (2 пол), тырмытъяны, пöяны, дасяськыны, узатыны, дышетыны, адзыны, тодыны, курыны, вераськыны, жуаны, кошкыны, пуксьыны, кылыны, потыны, кылйськыны, кеськыны, лйдзыны.*

II. Ми нош (ма карим?)... Иван Кузьмич кышноез азын милем Пугачевлэсь калыклы гождям гождэтэсэ (ма кариз?). Гождэтэсэ кыче ке ляб дышетскем казак гождям. Разбойник, милям крепость выламы жожен лыкто шуыса, (ма каре?), казакъёсты, солдатъёсты аслаз шайкаяз (ма каре?), а командиръёслы, пумит эн кариське, (ма каре?), пумит кариськисьёсэ ваньзэ казнитъ каро, (ма каре?). Гождэтэз лек но туж чурит кылъёсын гождямын. Сыче гождэт огшоры калыклэн мылкыдаз (ма кароз?) гинэ.

Пушкин, Капитан ныл.

Юанъёс интые кылъёс:

*люкаськыны, лйдзыны, ялыны, õтыны, шуыны (2 пол), пыяны.*

### Изъвительной наклонениын отрицаниен глаголёьслэн спряженизы.

Изъявительной наклонениын отрицаниен глагол предметлэсь маке карымтээз, луымтээз возматэ.

Та глаголёьс кылпумзэс лицоя, дыръя но лыдъя мукетгес вошъяло.

#### Нырысетй спряжение.

(ветлыны)

Лицоез	Ортчем дыр (тодмоез).	Али дыр.	Вуоно дыр.
1. Мон	<i>õй ветл-ы</i>	<i>уг ветл-й-ськ-ы</i>	<i>уг ветл-ы</i>
2. Тон	<i>õд ветл-ы</i>	<i>уд ветл-й-ськ-ы</i>	<i>уд ветл-ы</i>
3. Со	<i>õз ветл-ы</i>	<i>уг ветл-ы</i>	<i>уз ветл-ы</i>
1. Ми	<i>õм ветл-э</i>	<i>ум ветл-й-ськ-е</i>	<i>ум ветл-э</i>
2. Тй	<i>õд ветл-э</i>	<i>уд ветл-й-ськ-е</i>	<i>уд ветл-э</i>
3. Соос	<i>õз ветл-э</i>	<i>уг ветл-о</i>	<i>уз ветл-э</i>

Действилэсь луымтээз возматыны<sup>7</sup> понна отрицаниез пöрме дырез но лицоез возматйсь формаосын. Отрицаниос ортчем дырын *õй, õд, õз, õм* луо; вуоно дырын—*уг, уд, уз, ум*; нош али дырын—*уг, уд, ум*. Глагольёсыз ортчем но вуоно дырын одйг кадь луо.

Отрицание глаголеныз нимаз гожтйське.

Изъявительной наклонениын отрицаниен глаголлен ударениез нырьсь слогаз (*бй ветлы, уг мыны, бз лэсьты*).

Тодмотэм ортчем дырын отрицаниез—*бвбл* луэ (*мон бвбл ветлйськем, тон бвбл ветлэм, со бвбл ветлэм; ми бвбл ветлйськеммы, тй бвбл ветлйллям, соос бвбл ветлйллям*).

**119 уж.** Улы гожтэмъёсэ отрицаниен глагольёсты эскере но вералэ, кыче дырын, кбняетй лицоын но кыче лыдын соос.

Ой гожты, уг мыны, ум тодйське, уг тодо, бз тодэ, бз дугды, уг дугды, уз дугды, бд лэсьты, уд лэсьтйське, уз ветлэ, бвбл лыдзем, бвбл лэсьтйллям, бвбл бтиллям.

### Кыктэтй спряжение.

(вераны)

Лицоез.	Орточем дыр.	Али дыр.	Вуоно дыр.
1. Мон	<i>бй вер-а</i>	<i>уг вер-а-ськ-ы</i>	<i>уг вер-а</i>
2. Тон	<i>бд вер-а</i>	<i>уд вер-а-ськ-ы</i>	<i>уд вер-а</i>
3. Со	<i>бз вер-а</i>	<i>уз вер-а</i>	<i>уз вер-а</i>
1. Ми	<i>бм вер-а-лэ</i>	<i>ум вер-а-ськ-е</i>	<i>ум вер-а-лэ</i>
2. Тй	<i>бд вер-а-лэ</i>	<i>уд вер-а-ськ-е</i>	<i>уд вер-а-лэ</i>
3. Соос	<i>бз вер-а-лэ</i>	<i>уг вер-а-ло</i>	<i>уз вер-а-лэ</i>

Кыктэтй спряжениын но отрицаниос нырысетй спряжениын кадь ик луо.

Орточем но вуоно дырын глаголэлэн одйг лыдын формаез *-а* или *-я* луэ (*уг ара, уг гожъя*), нош трос лыдын *-лэ* ватсаське на (*ум вералэ, ум гожъялэ*).

Глагол бере частица ке пуксе, со частица глаголэн отрицаниеныз виски но пуксьылэ.

Например: *Од ветлы ке; шуыны луэ: бд ке ветлы.*

**120 уж.** Улы гожтэм отрицаниосын глагольёсты эскере но вералэ дырзэс, лицозэс, но лыдзэс.

Ом гожъялэ, бз коралэ, уг малпа, бй лоба, уз лоба, уг лоба, уг юаськы, уг юало, бд жалялэ, бвбл дасям, бвбл дасяллям, бвбл дасяськем.

**121 уж.** Та улы юанъёслы предложениос гожъялэ.

1. Быгатйськод-а тон тракторен кивалтыны? 2. Нош эшед быгатэ-а тракторен кивалтыны? 3. Ветлйд-а кукке Магнитогорске? 4. Лобад-а кукке аэропланэн? 5. Нош автомобилен ветлйз-а тынад выныд или сузэред? 6. Тынад кыче ке облигациед вань-а?

7. Мари кылэз тодйськод-а тон? 8. Гужем шорын лымы усьылэ-а асьме палан? 9. Вуоно гужем ветлоды-а Кавказэ? 10. Нош тынад эшъясыд ветлозы-а Кавказэ вуоно гужем?

122 уж. Та отрицаниосын глаголъясты предложениосы пыртэ:

*уг аналкиськы, ой аналскылы, ум жадиське, ум жаде, ом суредалэ.*

123 уж. Скобкаосысь глаголъясты аязы сьлысь отрицаниенызы тупатыса, гожьялэ.

1. Кин ёз (каргалляны\*) станционной смотрительёсты, кин соосын ёз (тышкаськылыны)? Туж лек дыръяз кин соослэсь роковой книгазэс ёз (курылыны), отчы уродлыкъяс, тупатскимтэос, зоскыт воземъяс сярэсь пайдатэм жалобазэ гожтон понна. Кин соосты, кулэм подъячиосын или муромской разбойникъясын ёшатыса, адыми выжыысь извергъясын уг (лыдъялляны)? Озы ке но, зэмзэ вералом, соослэн положениязы пыром, собереяз, оло, нош соос сырьс умойгес судить каром. Ма со сыче станционной смотритель? Дас нылетй классысь пырак курадзись, юнме жугемлэсь гинэ ас чинэныз котыртэм маке, со но котыку озы ёвл. Уй но, нунал но шутэтскон ёвл. Куазь чидантэм урод, сюрес номырлы ярантэм, ямщик ваменэс, вальёс уг (нуыны),—нош виноват смотритель. Нош вальёс ке ёз (луыны)? Инмаре! Кыче тышкаськон кылъяс, кыче кышкатэмъяс солэн йыр вылаз усёзы!

II. 1. Вуж ямщикелы дун сётыса ой (вуыны) на—Дуня самоварен пыриз. 2. Пичи чилтро ныл кык пол учкемысьтыз ик шёдйз мынэсьтым солы синмаськемме. 3. Трос аръяс ортчизы. Ужъяс но мугъяс нош ик монэ со тракт вылэ, со интыосы ик, вуттызы. 4. Смотритель тулуп улын изе вал. 5. Учки но паймонме быдтыны ой (быгатыны), кызы куинь или ньыль аръяс чырккем но сэзь пиосмуртэз кулоно кадь восьтэт пересь карыны быгатызы. 6. Мон ой (янгышаны): сётэм стопкаелэсь пересь ёз (пыкиськыны). 7. Озыен тй мынэсьтым Дуняме тодйськоды вал? Кин гинэ бен ёз (тодыны) сое? Ах, Дуня, Дуня! кыче ныл вал! Кин ке ортчись вал, ваньмыз ик ушъяз, оgez но уг (курланы) вал. 8. Нош мон, пересь визьтэм, шораз учкыса уг (тырмытыны), шумпотэмме кытчы поныны уг (тодыны). 9. Мон-а ой (яратыны) Дуняме, мон-а ой (нуныяны) мусоме. 10. Солы-а улон ой вал? Ёвл, адзёнлэсь инмарлы вёсяськыса уд (пегзыны) вылэм, ма луоно, со луытэк уг (кылыны). 11. Татысен со куректонзэ умой-умой вераны кутскиз.

А. С. П у ш к и н, Станционной смотритель-

\*) Каргалляны—проклинать карыны.



## 61 §. Условной наклонение.

Условной наклонение пырись глаголъёс пѳрмо *-сал* суффиксѳн (*мыныны—мынысал, вераны—верасал*).

Например: 1. *Ленинградѳ экскурсие ветлысал ке, трос тодонъёс басьтысал.* 2. *Уяны ке мон быгатысал, пыласъкысал ни,—шур вылѳ учкыса, Ленъка вераз.* (Г.) 3. *Эх, куарае ке луысал, кыѳе мон кырзасал.* (Гр.).

*Ветлысал, басьтысал, быгатысал, пыласъкысал, луысал, кырзасал* глаголъёс неопределенной формаем глаголысь, *-ны* формаез куштыса, *-сал* суффиксѳн пѳрмемын.

Условной наклоненилѳн таблицаез.

Одѳг лыдын.

Трос лыдын.

### ОТРИЦАНИОСТѳК.

- |                        |                           |
|------------------------|---------------------------|
| 1. <i>Мон лыдъысал</i> | 1. <i>Ми лыдъысалмы</i>   |
| 2. <i>Тон лыдъысал</i> | 2. <i>Тѳ лыдъысалды</i>   |
| 3. <i>Со лыдъысал</i>  | 3. <i>Соос лыдъысалзы</i> |

### ОТРИЦАНИОСЫН.

- |                          |                             |
|--------------------------|-----------------------------|
| 1. <i>Мон ѳй пукысал</i> | 1. <i>Ми ѳй пукысалмы</i>   |
| 2. <i>Тон ѳй пукысал</i> | 2. <i>Тѳ ѳй пукысалды</i>   |
| 3. <i>Со ѳй пукысал</i>  | 3. <i>Соос ѳй пукысалзы</i> |

Одѳг лыдын личной формаез глагол борды уг пуксы, нош трос лыдын личной формаез пуксе (*-мы, -ды, -зы*).

Условной наклонениын глаголъёслѳн одѳг лыдын но, трос лыдын но куиняз ик лицоын отрицанизы *ѳй* луѳ.

**124 уж.** Неопределенной формаем глаголъёсысь условной наклонение пѳрмытѳ но соосын предложеннос гоштѳ.

Ветлыны, возыны, басьтыны, дышетскыны, валаны, гоштѳяны, дасяны, дасясыкыны, лѳсытыны, быдѳстыны.

Например: *басьтыны — басьтысал. Толон библиотекаысь книга басьтысал ке, жытазе ик лыдъысал ини.*

## 62 §. Повелительной наклонение.

Маке карыны косѳмез, куремез возыматѳсь глаголъѳсты повелительной наклонениын глаголъёс шуо.

Например: „*Чапаев*“ кинофильм туж усто маке,—*ветлы тон киное учкыны сое.*

Та предложениын *ветлы*—повелительной наклонениын глагол. *Ваня, пытса ѳсѳз!*

*Вася, вай мыным книгадѳ!*

Повелительной глаголлэн ударениез нырьсь слогаз луэ (*ветлы, пытса, лыдзы*).

Косыны быгатйськом кыктэти лицез одйг лыдын но трос лыдын вуоно дырын или нырысетй лицез трос лыдын.

Например: *Тон гожты! Тй гожтэ! Мыноме, пинальёс, шуре пыласькыны!*

Повелительной наклонение пөрме тазы:

а) Неопределенной формаем глаголлэн **-ыны** суффикс азьпалаз кык или тросгес согласной куараос ке или согласной куара но **-й** ке сыло, повелительной наклонениын одйг лыдын **-ны** форматэк верало.

Например:	<i>ветлыны</i>	—	<i>ветлы</i>
	<i>султыны</i>	—	<i>султы</i>
	<i>пуксьыны</i>	—	<i>пуксьы</i>
	<i>бырйыны</i>	—	<i>бырйы</i>
	<i>пуйыны</i>	—	<i>пуйы</i>

Таёе глагольёслэн одйг лыдын кылпумзы **-ы** луэ.

б) Неопределенной формаем глаголлэн суффикс азьпалаз одйг согласной куара или гласной куара ке сылэ, повелительной наклонениын одйг лыдын **-ыны** суффикстэк верало.

Например:	<i>сылыны</i>	—	<i>сыл</i>
	<i>пырыны</i>	—	<i>пыр</i>
	<i>потыны</i>	—	<i>пот</i>
	<i>возыны</i>	—	<i>возь</i>
	<i>нуыны</i>	—	<i>ну</i>
	<i>юыны</i>	—	<i>ю</i>
	<i>вайыны</i>	—	<i>вай</i>

Трос лыдын повелительной глагольёслэн кылпумъёссы **-э** или **-е**.

	Одйг лыдын.		Трос лыдын.
Например:	<i>ветлы</i>	—	<i>ветлэ</i>
	<i>пуксьы</i>	—	<i>пуксе</i>
	<i>пуйы</i>	—	<i>пуйе</i>
	<i>пыр</i>	—	<i>пыре</i>
	<i>возь</i>	—	<i>возе</i>
	<i>ю</i>	—	<i>юэ</i>

в) Неопределенной формаем глаголлэн суффиксэз **-аны** или **-яны** ке, повелительной глаголэз одйг лыдын **-ны** форматэк верало.

Например:	<i>ужаны</i>	—	<i>ужа</i>
	<i>вераны</i>	—	<i>вера</i>
	<i>гожъяны</i>	—	<i>гожъя</i>
	<i>дасяны</i>	—	<i>дася</i>

Трос лыдын таҕе повелительной глагольёслы *-лэ* кылпум ватсаське на.

	Одйг лыдын.		Трос лыдын.
Например:	<i>ужа</i>	—	<i>ужалэ</i>
	<i>гожъя</i>	—	<i>гожъялэ</i>
	<i>дася</i>	—	<i>дасялэ</i>

*125 уж.* Пөрмытэ повелительной глагольёс одйг лыдын но трос лыдын таҕе глагольёслэсь:

1. Мыныны, сылыны, кылыны, улыны, луыны, куыны, сиыны, възыны, витыны, юрттыны, ҕошатскыны, лэсьтыны, лусйыны, бырйыны, толйыны, лэзьыны.

II. Юаны, араны, турнаны, пазяны, жуяны, усыяны, веръяны, лыдъяны.

Возьматон тус: *мыныны*—*мын*—*мынэ*, *куыны*—*ку*—*куэ*.

Маке каремлэсь, маке лэсьтэмлэсь алыськом ке, повелительной глагол азе *эн* отрицание ватсаськом на.

Например: *Тон эн гожъя. Тй эн гожъялэ.*

*126 уж.* Гожъялэ но повелительной глагольёссэ гожен тодмостылэ. Вера-лэ, кыҕе лыдын соос.

1. — Бубые,—жож куараен вазиз со,—бубые, эн быдтэ монэ, мон уг яратйськы князез, мынам солы кышно луэме уг поты...

—Ма со сыҕе,—кышкыт вазиз Кирила Петрович,—та дырозь тон чалмыт но вератэк уйд, соглаш вал. Табере ваньмыз лэсьтэмын ни. Тон нош пумитъяськыны, куштйськыны малпаськод. Эн дйсьты шузияськыны; соин тон мынэсьтым номыр уд потты.

—Эн быдтэ монэ,—нош шуэ жальмыт Маша,—ма понна монэ, асьтэ бордысь пырак улляса, яратонтэм адымылы сётйськоды? Мон шат тйледлы акыляк потй ини? Мынам азьвыл сямен ик тй борды кылеме потэ. Бубые, тйледлы монтэк мёзмыт луоз, куке нош мынам шудтэм улонэ сярэсь малпады ке, соку солэсь но мёзмыт йётоз на. Бубые, кужмысь эн косэ монэ бызьыны, уг поты мынам быземе...

Кирила Петровичлы сюлэмаз пычамон луиз со, нош шарае өз потты сое, ватйз, собере сое палэнэ карыса, лек вераз:

—Ваньмыз со зэмтэм, кылыськод-а? Мон тынэсьтыд умойгес тодйсько, ма кулэ тынад шудо луонэдды. Синвуосыд тыныд уз юрттэ, ҕуказе улыса, сюанэд луоз. —Ҙуказе улыса!—черектыса вазиз Маша,—э, инмаре! Уз, уз, уз луы, солы луоно бвёл. Бубые, кылзэ али, тй монэ быдтыны ке малпады ни, мон соку аслым дурбасьтйсь шедьто, кудиз сярэсь тй уд но малпаське, тй сое адзоды, тй кышкалоды солэсь, ма дорозь тй монэ вуттыды.

— Ма? ма? — Троекуров шуиз, — кышкаторъёс! Мыным кышкаторъёс, лек пичи ныл! — Тодйськод-а ма мон тонэныд лэсьто, со сярис тон уд но малпаськы. Дурбасьтйсен монэ кышкатыны дйсьтйськод тон. Адзюм, кин луоз со дурбасьтйсед.

— Владимир Дубровский, — ма карыны ёрмыса, — шуиз Маша.

Кирила Петрович, со шузимем шуыса, малпаз. Паймыса, со шоры учке.

— Зеч, — кёня ке чалмыт улыса, вераз со, — возьма аслыд дурбасьтйсь, мозмытйсь, кинэ мылэд потэ. Али нош та комнатаын пук, отысь тон сюанэд кутскытозь уд пота. — Со кылъёсын Кирила Петрович потйз но ас събраз ёсэз пытсаз.

Пушкин, Дубровский.

II. 1. — Эн чашетэ, Календарикъёс, — тетя Сима соосты чалмытйз. (Л. Касс.) 2. — Ой, вынъёсы, кутэ! Гондыр кошкоз!. Кутэ! — Комар Комарович-Кузь Ныр лобзе со съдры но кесяське. 3. Дугдэ, братъёс, та ужез эскероно луоз, — ивортйз муръё сузясь. — Нош тон, Воробей Воробейчик, ёжытак чидатскы, шуглекъяськондэ кулэсты.. 4. Тани учке: ма та таце? 5. Сёт, агае, мыным кыл!.. — тылобурдоос пöльсь векчи куара кылйськиз. 6. Я, жоггес тупалэ! 7. Эн куареты, — кеськиз куака. 8. Изь, Алёнушка, кужым люка.

Мамин-Сибиряк, Алёнушкалэн сказкаосыз.

127. *уж.* Гожъялэ но глаголъёсэсэ гожен тодмостылэ. Вылиязы гожтэ, кыче наклонение пыро со глаголъёс.

— Кин тй пöльсь праздник азын мон доры гуртам урокэсэ вераны ветлйз — султэ!

Рясаен дйсяськем, чыртыяз секыт киросэн шимес адыми дышетскисьёс шоры кышкыт учкиз.

Пичиесь гинэ лекесь синъёс скамейкаос вылысь султэм куать муртъёсты — ныль пиосты но кык нылъёсты — ваньзэс бышкало. Соос, кышкаса, со шоры учкыло.

— Тй пуксе, — нылъёс пала шоналтйз поп.

Соосыз, капчи лулскыса, жог пуксизы.

Отец Василийлэн пичиесь синъёсыз ныль фигураос шоры мертчызы.

— Лыктэ-ка татчы, голубчикъёс!

Отец Василий жутскиз, пуконзэ палэнтйз но огазе люкаськем пиналъёс доры лыктйз.

— Кин тй, подлецьёс, пöльсь тамак кыске?

Та юамлы ныльназы ик каллен гинэ веразы:

— Ми ум кыскиське, батюшка.

Поплэн бамыз чыж чыжектйз.

— Уд кыскиське, мерзавецъёс, нош котэм нянь пöлы махорка кин кисьтйз? Уд кыскиське, а вот ми али адзюм. Берыктэ зепъёстэс (кисыостэс)! Ну живо! Ма мон тйледлы верасько? Берыкъялэ!

Куинез жбк вылэ тырыны кутскизы ваньзэ, ма гинэ вал зепазы.

Тамак бервылэз утчаса, поп зеп вурьсьёсты эскере. Нош номыр бз шедьты но, съд синмо, пурьсь дэремен, пыдесъёсыз кышьето, лыз штаниен ньылетй пи котыре кутскиз.

— Нош тон ма истукан кадь сыйськод?

Съд синмо пи адзем потонтэм карыса учкиз но каллен вераз:

— Мынам зепъёсы бвёл, — шуиз но вурем вурьсьёссэ кийныз возьматйз.

— А-а-а, бвёл зепъёсыд! Тон малпаськод, мон уг тодйськи, кин сьче подлость лэсьтыны—котэм нянез саптаны—быгатйз! Тон али но школае кылё шуыса малпаськод, дыр? Бвёл, голубчик, та тындыд юнме уз ортчы. Талэсь азьло тынад мумид гинэ тонэ кельтыны куриз, нош табере пумыз вуиз. Марш классьсь! — Поп, вбсь карыса, пельтйз кутйз но пиез коридоре донгиз, со сьбры бсэз пытсаса.

Класс чалмиз, шымырскиз. Нокин но уг вала, малы Павка Корчагинэз школаьсь уллязы.

Н. Островский, Кызы андан кыдаз.

### 63 §. Безличной глагольёс.

Вуоно дырын лицозэ возьматйсьтэм глаголэз безличной глагол шуо.

Например: *Дышетскон ар кутскон азе зеч дасьяськоно*. Та предложениын сказуемоез *дасьяськоно* кыл. Со сказуемойя валаны уг луы, кинлы, кыче конкретной муртлы дасьяськоно, подлежащеез бвёл. Соин ик предложенизэ но безличной предложение шуо. Сказуемоез *дасьяськоно*—безличной глагол.

Безличной глагол вуоно дырын гинэ луэ, кылнумыз *-оно* или *-ёно* но *-ано* или *-яно*.

Действилэсь луымтээз возьматыны понна, аяз *бвёл* кыл верало, например, *мыноно — бвёл мыноно*.

**128. уж.** Пөрмытэ безличной глагольёс таچه глагольёслэсь: гожьяны, лызьыны, бырийны, пушйыны, лэзыны, утыны.

**129. уж.** Гожьялэ, скобкаосьсь неопределенной формаем глагольёссэ безличной глагольёсы пөрмытыса.

1. 1. Дышетскон планмес зечлыкъёс басьтыса (быдэстыны).  
2. Тулыс школа азе садъёс (мерттыны) но сяська клумбаос (лэстыны). 3. Шертэм чылкыт кидысэз (кизыны). 4. Ю кидысэз кбс азын (возыны). 5. Музьем пушкысь ваньбурез изучать карыны Удмуртиын единой кивалтон (кылдытыны) но со уж борды умой-умой (кутскыны).

II. 1. Ву аслыз ачиз бр кыре, аслыз ачиз сюрес лэсьтэ. Нош эгыр но хлопок, корт но нюлэс асьсэлы асьсэос сюрес уз лэсьтэ. Сое асьмеос (лэсьтыны) луйськом. Асьмелы странаез великой грузовой тудвулы дасяны кулэ: одйг интыын канал (кыры-

ны), музоназ — чугу́н сюрес (кыскыны), куиньметйяз — порт (лэсьтыны), ньылетйяз — выжьёсты, рельсаосты, шпальёсты (куж-моятыны), (юнматыны). 2. Ужез озьы (тупатыны): одйг паровоз но, одйг вагон но ужтэк медаз сылы. 3. Бадзым планэз быдэстыны понна, вань пичи планёсты (быдэстыны). 4. Нюлэсын корам интыосты (сузяны).

М. Ильин, Великой план сярсы рассказ.

## 64 §. Юрттись глагол.

Трос дыръя глаголэз огназэ вераны уг луы, со предложениын кулэ валатон уг сёты. Соку со глагол борды мукет кыл ватсаса верало.

**Глаголлэсь значенизэ пöртэмгес карись но сое тырмытись кылэз юрттись глагол шуо.**

Например: *Туэ гужем заводэ экскурсиен мыноно вал.* Та предложениын глаголэз — *мыноно*. Нош соин *вал* кыл герзаське на. *Вал* кыл юрттись глагол луэ, сотэк предложенилэн валатонэз мукетгес луоз.

*Лыдземмес умойгес валаны понна, кыктэтйизэ лыдзоно луиз на.* *Луиз* — юрттись глагол.

*Туннэ собрание ваньмызлы лыктоно луоз.* *Луоз* — юрттись глагол.

*Ваня, мемиедлы вера, со но собрание мед лыктоз.* *Мед* — юрттись глагол.

*Дышетскисьёс одйгез но собрание лыктытэк медаз кыле.* *Медаз* — юрттись глагол.

Юрттись глаголъёс трос бөвл. Соос таёеесь: *вал, вылэм, луиз, луоз, луэ, мед, медаз, карыны, вань.*

*130. уж. Вал, луиз, луоз* кыльёсты юрттись глаголэн но ас понназы глаголэн предложениосы пыртэ.

Например: 1. *Жытазе мон киноын вал.* 2. *Туннэ жытазе киное ветлоно вал.*

*Карыны* глагол удмурт кылэ берыктытэк пыремъёсызлы зуч или интернациональной кыльёслы юрттись глагол чем луылэ.

Например: *эксплоатировать карыны, редактировать карыны, голосовать карыны* но мукет.

Дыръя, лицоя но лыдъя вошьяку, *карыны* кылыз (юрттись глаголэз) кылпумзэ вошья (*голосовать кароз, голосовать кариз, голосовать каре*).

Например: *Капиталистъёс Россиын рабочийёсты туж юн эксплуатировать карылйзы.*

*131 уж.* Вошьялэ дыръя, лицоя но лыдъя таёе глаголъёсты: *редактировать карыны, обеспечить карыны.*

132. уж. Гожъялэ но юрттись глагольёссэ гожен тодмостылэ.

1. Тӧллэз дугдытыны уг луы, нош бусыосты тӧллэсь сайяны луэ, нюлэсьёс мерттыса. 2. Лек зорез дугдытыны уг луы, нош турын медаз котмы шуыса, сое туж жог октыны-калтыны луэ. 3. Мон — инженер, мон ас ужелэсь техниказэ умойгес тодисько. Нош мыным вань строительство сярысь гожтоно луоз. Та ужез быдэстыны понна, металлург но, агроном но, механик но, строитель но, сюрес лэсьтись но, гидротехник но луыны кулэ. Котькытчы ветлыны но котымае тодыны — луонтэм уж со. Ко-нешно, мон унозэ вератэк кельто. Маке сярысь мон вератэк кельтй, или ичи ке верай, со сярысь мукетъёсыз трогес мед вералозы, мед валэктозы.

М. Ильин, Великой план сярысь рассказ.

133 уж Гожъялэ, скобкаосысь юаньёс интые 92-тй стр. гожтэм глагольёсты юаньёсыя тупатыса.

Паровоз кисьтаськись тыл гизыюсын лек жуштылэ, мур (макаре?), пеймытэз нуртыса, рельсаос кузя уйлэн пыдэсаз мынэ. Артем, топкае эгыр тырыса, корт ёссэ пыдыныз (макариз?), ящик вылын сыйсь купрес ныро чайникысь ог гучык ву (макариз?) но пересь машинистлы Политовскийлы вазиз:

— Нуиськом, (макарисыкод?), папаша.

— Соиз кисырмем синкабаксэ лек кырмыштйз:

— Да, нуод, берпалад штыкен (макаро?) бере.

— Ваньзэ куштоно но пегзоно паровозысь, — (макариз?)

Брузжак, тендер вылын пукись немецкой солдат шоры кырыжак учкыса.

— Мон но озы ик (макарисыкод?), — вазькиз Артем, ноштани та тип мышкын сылэ.

— Да, — огшоры нёжтйз Брузжак, укное мычиськыса.

Артем доры матэ лыктыса, Политовский каллен шыпыртйз:

— Уг яра асьмелы соосты (макарыны?), валаськод-а?

Отын бой мынэ, повстанецъёс сюреслэсты (макаризы?), нош асьмеос та пуныосты отчы (макаримы?) ке, соос повстанецъёсты в два счета (макарозы?). Тон (макарисыкод-а?), пияш, эксэй дыръя забастовкаос ортчю, мон ой (макары?). Али но уг (макары?). Асьмелэнъёс вылэ расправа (макарим?) ке, кулытозь позор луоз. Паровозлэн бригадаез пегзизук. Сюрисалзы ке, улэп ой кылысалзы, нош хлопецъёс бз (макаре?) — пегзизы. Асьмелы поезддэз нуыны ноказыы уг (макары?). Тон кызы (макарисыкод?)

— Мон соглаш, папаша, нош тйни соин макарод? — Артем солдат пала синмыныз (макариз?).

Машинист бамзэ (макариз?), пӧсям кымессэ кужен ӧушылйз но зырдам синъёсыныз манометр шоры (макариз?), курадзйтись юанлы отысь ответ шедьтыны оскыса кадъ. Собере макарыны абдраменыз лек тышкаськиз.

Артем чайникись ву (ма кариз?). Кыкназы ик одйг сярысь малпало, нокудзы но нырысь вераны уг (ма каро?).

Политовский, инструментэн ящик вылэ мыкырскыса, Артем вёзы ик карискыса, мырдэм вераз:

— А тае васькытоно, (ма карид-а?)?

Артем (ма кариз?). Политовский, пиньёссэ чакыртыса, (ма кариз?):

— Мукет амал ёвл. (Ма каром?) но регуляторез гуре, рычагез гуре, паровозлэсь мынонзэ калленатом но паровозысь (ма каром?).

— Ярам, — (ма кариз?) Артем, пельпум вылысьтыз секыт мешокез куштыса кадь.

Н. Островский, Кызы андан кыдаз.

Юанъёс интые кылъёс бёрсысь верамын: *шоканы, пытсаны, зузыны, шуыны, пырыны, чектыны, малпаны, нуыны, пушкытъяны, вайыны, быдтыны, тодыны, нуллыны, нуыны, вайыны, кышканы, яраны, малпаны, возыматыны, кысыртыны, учкыны, зузыны, дйсьтыны, валаны, куалектыны, будэтыны, шуккыны, тэтчыны, шуыны.*

## 65 §. Однократной но многократной глагольёс.

Глагольёс однократной но многократной луюло.

Одйг пол луэmez возыматйсь глагол однократной глагол шуыса нимаське.

Например: 1. *Та книгаез мон одйг жытскын лыдзи. Лыдзи* — однократной глагол.

2. *Гожъяны сётэм ужме гожъяй ни. Гожъяй* — однократной глагол.

Трос пол луэmez возыматйсь глагол многократной глагол шуыса нимаське.

Например: 1. *Толалтэ кузь жытьёсы мон книгаос лыдзылй. Лыдзылй* — многократной глагол.

2. *Ваньмон дыръям мон рассказёс гожъяллай. Гожъяллай* — многократной глагол. *Мынам но атае азьвыл секыт улон сярысь трос вералляз. Гожъяллай, вералляз* — многократной глагольёс.

Нырысетй спряжениысь многократной глагольёслы -лы суффикс ватсаське (*ветлыны* — *ветлылыны*, *возыны* — *возылыны*, *вайыны* — *вайылыны*), нош кыктэти спряжениысь многократной глагольёслы -лля суффикс (*ужаны* — *ужалляны*, *вераны* — *вералляны*, *дасяны* — *дасялляны*).

134 *уж*. Удй гожтэм глагольёслэсь многократной глагол пёрмытэ.

Лэстыны, кизыны, будыны, бырйыны, араны, турнаны, вераны, юаны.



1. Капиталистъёс фабрикаоссэс ӧз пуктылэ дунтэм эгыр, дунтэм сырьё доры. Туж трос дыръя фабрикаоссэс соос отчы пуктылзы, кытын ке адямиос дунтэмесь. Нош эгыр? Эгыр соослы асьмелылэсь ичи кулэ луэ вал. Соослы пайдаё ӧй вал ук трос машина басьтыны. Граница съӊрын пайдаё лыдьяськись машина асьме дорын чем дыръя пайдатэм луылз. Нош малы озы? Кык пыдо машина дунтэмгес ужаляз — тйни соин. Нош котьма ке но, соослэн машинаоссы вал, дыр, ук? Вал. Кытысь бен со машиноссылы эгыр шедьтылзы соос? Эгырез граница съӊрысь вайылзы мораостй. Странаюмы асьмелэн эгырмы кӧня ке кулэ-сомында, эгыр нош Англиюсь вайылзы. Или солэсь но умойтэм лэсьтылзы — нюлэсьёсты сутылзы. Нош асьмеос шуиськом: писпуосты быдтоно ӧвӧл, вьлэссэ мерттылоно.

М. Ильин, Великой план сярсы рассказ.

II. Милям Панкратов баринлы абдралод ява: животэз яратылз, ядымиез жалятэк курадзтылз: „Мынам пуныосы крестьянъёслэсь умойгем“, — со шуылз. Пуныосызлы, аслаз улон коркаез кадь ик, шулдыр гид пуктыз. Дас кузя вал туж яратон мумы пуныосыз. Пуныосыз пияло ке, кучапиоссэ соку ик крестьянкаос кустын люкылоз вал. Нуны ваем крестьянкаослы нонтыны кучапиоссэ нуллылз.

В. Короленко, Холоп пиналжэс но барин кучапиос.

## 66 §. Глаголлэн видьёсыз.

Глаголжэс совершенной но несовершенной видын луыны быгато.

Ужлэсь быдэсшемзэ возьматись глагол совершенной видын глагол нимаське.

Ужлэсь быдэсмымтэзэ возьматись глагол несовершенной видын глагол нимаське.

Совершенной видлэн нимысьтыз формаез ӧвӧл удмурт кылын. Движениез возьматись глаголжэс ортчем дырын быдэстэм маеке возьмато.

Например: 1. *Шунды пуксён азьын мон селое вуи но почтовой корка дудй.* 2. *Корказе зӧк кышномурт потйз.* (П.) Та кык предложениосын *вуи, дугдй, потйз* ортчем дырын движениез возьматись глаголжэс совершенной видын луо.

*Туннэ мон книга лыдзи.* *Лыдзи* ортчем дырын ик глагол, но сое валаны уг луы, быдэстэмын-а лыдзыса. *Лыдзи* — несовершенной видын глагол.

Ужлэсь быдэсшемзэ валаны луэ на ортчем дырын но вуоно дырын глаголжэсты деепричастие пӊрмытыса но *быдтыны* глагол ватсаса.

Например: *Мон гожъяй. Со лыдзиз, вераз. Гожъяй, лыдзиз, вераз* глаголжэс быдэсшем уез уг возьмато. Нош тазвы ке ве-

грам: *Мон гөжъяса быдэстй. Со лыдзыса, вераса быдэстйз.* Глаголэз деепричастие пөрмытыса но *быдэстыны* глаголэз ватсаса, валано ни ужлэсь быдэсшемзэ.

Тросгес дыръя ужлэсь быдэсшемзэ предложениын гинэ валаны луэ.

Например: *лэсьтйзы* ке шуиськом, тодмо бвёл на лэсьтыса быдэстэмзэс. *Милям гуртамы вель школа лэсьтйзы, туэ отын дышетскиськом ни.* Та предложения валано луэ школалэсь лэсьтыса быдэсшемзэ. Соин ик *лэсьтйзы* глаголэз совершенной видын но шуыны луэ.

136 уж. Лыдзыса, азывыл совершенной видын глаголэсты, собере несовершенной видын глаголэсты тетраяды гөжъялэ.

## СЁТСКЫ, ШУР!

Ужъёс кёс музъем вылын—шурлэн вутэк кылем пыдэсаз мыно. Кызы озы Днепрез сётскытыны быгатйзы? Веды сказкаын гинэ вераны луоно кадь: шур, сётскы!

Сое тазы лэсьтйзы: шурлэсь локетсэ ог дырлы гинэ пу чыпетъёсын висъязы но шорысьтыз вузэ кужмо нассыёсын кыскизы. Шур пыдэс вутэк кылиз,—ужа отын музъем вылынсямен ик! Шурлы нош со уг кельшы. Пу чыпет солы ньылонын лы кадь йётэ. Чыпетэз гылтоно, котлованэ пыроно, адымиосты но машинаосты выйтоно! Сыче дыр но вал, одйг пол шур кыриз. Со 1928 арын 24 июне вал. Шодытэк шорысь уль пу чыпетэз гылтйз. Котлован пушкы ву пырыны кутскиз. Чат чоже туж балзым котлован вуэн тырмиз. Адымиос мырдэм гинэ возьманы быгатйзы асысдыс но машинаосты. Ма бордысь сыче уж потйз шуыса тодыны понна, водолазьёсты лэзизы. Чыпет ултй ву ог 10 квадратной метр быдза пась карем, вылэм. Со пасез куроен, векчи из пырыен тырмытэм мешокъёсын чоксаны мырдэм гинэ быгатйзы. Собере ини отысь вузэ киськан борды кутскизы. Ву киськанлы гинэ кызь сизьым нунал быриз. Шурлэсь одйг час куспын лэсьтэмзэ кызь сизьым нунал тупатъяно луиз.

М. Ильяин, Великой план сярысь расказ.

## 67 §. Глаголлэн пөрмемез.

Тросэз глаголэс существительнойысь или прилагательнойысь пөрмо суффиксыёсын, например: *лымы—лымыяны, тол—толйыны.*

Существительнойысь неопределенной формаем глаголпөрмытйсь суффиксыёс *-ыны, -йыны* или *-аны, -яны* луо.

Например, *-ыны, -йыны* суффиксыёсын:

*тол — толйыны*

*люк — люкыны*

*из — изыны*

*пус — пусйыны*

**-аны, -яны** суффиксёсын:

*уж — ужаны*

*турын — турнаны (ы куара усе)*

*дйсь — дйсяны*

*гож — гожьяны*

Та суффиксёс азыпала мукет суффиксёс пуксьыса но глаголъёс пөрмыло на.

**-д, -т** но **-ыны** суффиксёсын:

*йын — йын-д-ыны*

*гын — гын-д-ыны*

*гож — гож-т-ыны*

*ивор — ивор-т-ыны*

*дыр — дыр-т-ыны*

**-з, -ч** но **-ыны, -аны** суффиксёсын:

*тёл — тёл-з-ыны*

*лыд — лыд-з-ыны*

*бун — бун-з-ыны*

*кут — кут-ч-аны*

**-м, -н** но **-ыны, -аны** суффиксёсын:

*кур — кур-м-ыны*

*ты — ты-м-ыны*

*пуж — пуж-н-ыны*

*корт — корт-н-аны*

Та суффиксёсын ик прилагательнойёсысь но глаголъёс пөрмо.

*лыз — лыз-м-аны*

*горд — горд-м-аны*

*кот — кот-м-ыны, кот-т-ыны*

*кын — кын-м-ыны, кын-т-ыны*

Со сяна, прилагательнойысь **-эк, -ек** но **-т** суффиксёсын глаголъёс пөрмо на.

*йуж — йуж-ек-т-ыны*

*вож — вож-ек-т-ыны*

*горд — горд-эк-т-ыны*

*төдьы — төдьы-ек-т-ыны.*

Движениез возьматйсь глаголъёслэн но трос мукет глаголъёслэн кореньзы повелительной глагол луэ (*мын, пыр, ветл(ы), лык* но мукет).

Со кореньысь пёртэм суффиксёсын выль глаголъёс пөрмо.

Например: 1) *дыш — дышты — дышетскы*, 2) *пыр — пырты*, 3) *ветлы — ветлыты* но мукет.

**-ск** но **-ськ** суффиксёсын пөрмем глаголъёсты возвратной глагол шуо (*дышетскыны, берытскыны, кылиськыны*).

Возвратной глагол возьматэ действилэсь ас вылэ, субъектэз вылэ, берытскемзэ, (*пылаське, сынаське*), или кыче ке действиез нуэмзэ (*дышетске, кутчаське, уриське*), или кыче ке состояниын луэмзэ (*сюлмаське*), или субъектлэсь кинэн ке чош маке каремзэ (*вераське, пумиське, нюръяське*).

Возвратной глагольёсын *-ск* суффикс азьпалан *р, л, н* букваос бере *-т* суффикс уг гожтйськы (*шобыртй — шобырски, аналтй — аналски, азьланьтйз — азьланьскиз*).

**137 уж.** Улй гожтэм сущствительнойёсысь глагольёс пörмытэ.

Боры, узы, лымы, зор, туры, ар.

**138 уж.** Вералэ, улй гожтэм сущствительнойёсысь кудысьтыз пörмытыны луэ глагол, кудысьтыз уг луы.

Шур, гурт, эмезь, губи, нюлэс, пöйшур, бусы, чорыг, машина, уробо, молот, сюрло, час.

**139 уж.** Улй гожтэм прилагательнойёсысь глагольёс пörмытэ.

Кизер, пöсь, шуныт, тодмо, сюрло, зеч, зол, ляб, шулдыр, чебер, вож, юн.

**140 уж.** Шедьтэ глагольёсэ но, тетраяды гожтыса, вералэ, кытысь соос пörмытэмын.

I. Дасо валэн выль тракт вылтй  
Шулдыр кошке горд обоз.  
Тыл омыр кадь пурыса,  
Азязы горд флаг тöла.

И. Гаврилов, Горд обоз.

II. Та садо сюресэз  
Бомбаос гыркъязы,  
Вож пукись садъёссэ  
Снарядъёс тугазы.  
Сюресэз но чöшказы  
Со кузя нош ик ез  
Выль гурен кушетэ,  
Шулдыртэ сюресэз.

И. Гаврилов.

III. Милемлы шуд утчаса,  
Сьöд нюлэс пыр потйзы,  
Писэз-пуэз кораса,  
Эркын сюрес чогизы.  
Кытй гинэ ветлйды,  
Кизили тыл кельтйды.  
Кизили öз кысы,  
Пеймыт уез югдйзы.

Д. Майоров, Азьветлйсьёслы.

## 68 §. Причастие.

Кудйз глагольёс предметъёслэн признаксы луыны кутско.

Например: *Лыдзись мурт; лыдзоно книга, лыдзем книга.*

*Лыдзись, лыдзоно, лыдзем* кыльёс *лыдзыны* глаголысь пör-  
мемын но предметъёслэн признакёссы луо. Сыче кыльёсты  
причастие шуо.

Прилагательной сямен ик причастие предметлэн признакез  
луэ. Со лы кыче? юан пуктйськом. Мукет ласянь со признак  
возьматэ предметлэсь действизэ но состоянизэ: *лыдзись мурт,*

со сыче мурт, кудйз лыдже; *пукись ву*, со сыче ву, кудйз пуке, уг бызъы.

Причастие, глаголѣс сямен ик, куинь дырын луэ: али, вуоно но ортчем дырын.

Кылсярысь: *Вуись жег секыт шепѣсыныз тѣлъя каллен някыръяське*. Кыче жег? — *Вуись* (али дырын причастие). *Вуоно шутэтскон нуналэ ми куасэн мыном*. Кыче нуналэ? — *Вуоно* (вуоно дырын причастие). *Вуэм жегез араны кутскизы*. Кыче жегез? — *Вуэм* (ортчем дырын причастие).

Али дырын причастиослэн суффиксьѣссы -*ись*, -*йсь*; -*ась*, -*ясь*, (*кошкись ву*, *ортчись мурт*, *ветлйсь мурт*, *лобась аэроплан*, *гожъясь мурт* но мукет).

Вуоно дырын причастиослэн суффиксьѣссы -*оно*, -*ѣно*; -*ано*, -*яно* (*лыдзоно книга*, *лэсьтоно уж*, *кизѣно жег*, *корано кубиста*, *дасяно урок*).

Ортчем дырын причастиослэн суффиксьѣссы -*эм*, -*ем*; -*ам*, -*ям* (*ветлэм сюрес*, *гырем бусы*, *верам кыл*, *гожъям уж*). Предметлэн со тодмосэз уг ке луы, пумаз -*тэ* кылпум ватсаське на (*ветлымтэ сюрес*, *гырымтэ бусы*).

Вылй възьматэм суффиксьѣсын причастиос предложениын второстепенной членѣс луо.

Ортчем дырын причастие предложениын сказуемой ке луэ, соку *ын* кылпум кутэ.

Например: *вуэм жег* — *жег вуэмын*. *Вуэмын* сказуемой луэ.

**141 уж.** Гожъякуды, причастиоссэ гожен тодмостылэ. Собере вералэ, кыче дырын соос, предложенилэн кыче членэз луо.

1. И. Дядюковлэн вордйськем гуртэз Ожмос луэ. 2. Колхозникѣс арам юзэс окто-калто. 3. Соос кизѣно юзэс жеч утялтйзы но кеносазы кидыслы кисьтйзы. 4. Быдэстэм ужелы шумпотйсько. 5. Сыномем кортэз сузяны шуг ни. 6. Будйсь турынлы ву но шуныт трос кулэ. 7. Сылалтэм кубиста шыдын но умой. 8. Утялтылэм машина зол ужа, нош утялтылымтэ машина урод ужа. 9. Кубын ву быректымтэ на. 10. Быректымтэ вуэз юоно ѳвѣл — висыны кутскод. 11. Первой пятилетка ныйль арсын быдэстэмын. 12. СССР-ын трос выль заводѣс но фабрикаос лэсьтэмын. 13. Будйсь поколѣние асьме социалистической государствоын гинэ пѣсь скулмаськонэн котыртэмын. 14. Советской нылпиослы дышетскыны бадѣым сюрес усьтэмын. 15. Вормемын тѣлпери, вандэмын сѣд пилем, странае киултйз полюсэз. (М. В.)

II. Дунне вылын Сеня кадѣс

Данак ини быремын.

Со понна со жеч нимѣс

ѳвѣл али вунэмын.

\* Соослэн усьтэм сюрессы

ѳвѣл али ѳоксамын,

Соослэн горд флагѣссы

ѳвѣл али бездэмын.

Д. Майоров, Мумилы.

1. 1. Муръёосысь пот... чын, юбоен вылэ кысьтйськыса, кытын ке отйын туж вылын гинэ вёлске. 2. Вылтырез умой кар... салкым ву вылын жутйське. 3. Салкым но чук шундылэсь пот... шунит куспазы нёръясько. 4. Турын-куар вылысь лысву шундылэн шунитэныз но каллен лыкт... тёлэн куасьме. Соос, шундылэн васьк... шунитэзлы, чебер нуналлы шумпотыса, йырзэс вылэгес жутйзы кадь. 5. Веськрес ульчаын кыкна палаз ик сыл... садъёс ульчаез чоксаны кадь туртто. 6. Ульчалэн трос ветлым... интыосаз вож-вож буд... ож, выллань жутскыса, уногес но уногес кыскыны турске ас пушказ чылкыт воздухез. 7. Шор арлыдо нылкышно экскурсантиёсты валэктыса нуэ. Йыраз кертт... горд кышет улысьтыз пот... чуж йырсиеныз каллен лыкт... тёл шудэ.

Мироновья.

## 69 §. Деепричастие.

Деепричастие луэ глаголэн сыче формаез, кудйз, ачиз действие луыса, валэктэ мукет глаголэз.

Эскером кык предложениосты:

*Дышетскись жёк съёрын пуке но книга лыдзе. Дышетскись жёк съёрын книга лыдзыса пуке.* Нырысь предложениын кык самостоятельной действиос возматэмын, кык сказуемойёс: *пуке* но *лыдзе*. Кыктэти предложениын одйг самостоятельной действие, одйг сказуемой — *пуке*, нош мукетыз луэ ватсам действие — *лыдзыса*, со валэктэ *пуке* глаголэз.

Деепричастилэн юаньёсыз: кызьы? ку? ма карытозь? ма карымон?

Например: 1. *Дун ву жильыртыса бызе.* Кызьы бызе? — *Жильыртыса* (деепричастие).

2. *Милям классамы одйгез но газетлы гожкытэк ёз кылы.* Кызьы, ма карытэк ёз кылы? — *Гожкытэк* (деепричастие).

3. *Шурозь мынымон вылэм.* Ма карымон вылэм? — *Мынымон* (деепричастие).

4. *Ужакумы, юлтошеним ём ни вераськылэ.* Ку ём вераськылэ? — *Ужакумы* (деепричастие).

5. *Тулыс каникул вуытозь, кык арня кылиз на.*

*Жильыртыса, гожкытэк, мынымоч, ужакумы, вуытозь* — ваньмыз деепричастиос луо, предложениын глаголэз валэкто.

-*са* суффиксэн деепричастие действилэсь луэмзэ возматэ (*ветлыса кырзаса*).

-*тэк* суффиксэн деепричастие действилэсь луымтээзэ возматэ (*ветлытэк, кырзатэк*).

-*ку* суффиксэн деепричастие дырез возматэ.

-*мон* суффиксэн деепричастие кыче, ма луымон каремез валэктэ (*лыдзымон, верамон, гожъямон*).

-*тозь* суффиксэн деепричастие действиез дырын валэктэ (*мынытозь, ветлытозь, вуытозь*).

Деепричастие неопределенной формаем глагольсь *-ны* формаез усьыса пѳрме (*пырыны — пырыса, ветлыны — ветлытэк, мыныны — мыныса, мыныку, возыны — возымон, гожъяны — гожъяса*).

*-ыны* суффиксѳн неопределенной формаем глагольсь пѳрмем деепричастности кудзѳ вакчиятыса верало (*мынса, пукса, шуса, луса*). Гожъяно *-ыса* формаен: *мыныса, пукыса, шуыса, луыса*.

*-тозь* но *-ку* суффиксьѳсын деепричастнос лицоя вошьясъ-ко (*мон ужакум, тон ужакуд, со ужакуз; ми ужакумы, тѳ ужакуды, соос ужакузы; ветлытозям, ветлытозяд, ветлытозяз; дышетскытозямы, дышетскытозяды, дышетскытозязы*).

Например: *Ужамысь бертыкумы, ми трос кырзанѳс кырзамы*.

Предложениын деепричастие тросгес дырѳя глаголѳн выразить карем сказуемоез валѳктѳ.

Например: *Няняез солзѳс сайкамзѳ возьмаса сылѳ. (Гонч.)* Та предложениын *возьмаса* деепричастие валѳктѳ *сылѳ* кылѳз, глаголѳн выразить карем сказуемоез.

Деепричастие причастие азын но пуксьылѳ, предложениын второстепенной член луыса.

Например: *Солѳн бызьыса тубемез потѳ копак коркаез куасалтыса возись, ошиськыса улѳсь галлерее, отысен шур вылѳ учкыны понна. (Гонч.)* Кыѳе галлерее тубемез потѳ?—*Куасалтыса возись, ошиськыса улѳсь галлерее*. Та предложениын *возись* но *улѳсь* кылѳѳс—причастнос, соосты валѳкто *куасалтыса* но *ошиськыса* кылѳѳс—деепричастнос.

Предложениын деепричастие глагольсь пѳрмем существительной азын но сылѳ, сое валѳктыса.

Например: *Мейеркалѳс дыртыса бызьылѳмзѳ братѳз шѳдѳе ке но, номыр но уг куареты. (Л. Касс.)* Та предложениын *бызьылѳмзѳ* кыл глагольсь пѳрмем существительной луѳ. Кызы бызьылѳмзѳ?—*Дыртыса*—деепричастие, валѳктѳ существительноез.

**143 уж.** Пѳрмытѳ деепричастнос *-са, -мон* суффиксьѳсын таѳе глаголѳѳслѳс:

ветлыны, мыныны, вераськыны, лыдзыны, гожъяны, лѳсгыны, вераны.

**144 уж.** Пѳрмытѳ луымтѳзѳ возьматѳсь деепричастнос таѳе глаголѳѳслѳс:

адзыны, учкыны, суреданы, быдѳстыны, кельтыны, шѳдѳтыны.

**145 уж.** Пѳрмытѳ дырез возьматѳсь деепричастнос таѳе глаголѳѳслѳс: араны, турнаны, гырыны, кизыны, кутсаны, шертыны, сузяны.

**146 уж.** Та деепричастносын предложениос пѳрмытѳ:

араку, кутсаса, быдѳстыса, ветлытѳк, сузятѳк, тодыса, валамон, аракумы, ветлыкузы, вайыса, бырйыса.

Например: *Араку, куазь кѳс вал*.

147 уж. Точкаос интые улай гожтэм деепричастности туамзыя ватсаса, гожъялэ.

1. Волгалэн пурьсь, кучо курез, шобретэз, ... , пумен каллен нискылске. Гылзись йӧ, ярдур шоры ..., гизыртэ. Шур вылтй ортчись сюрес, ..., пумен юн куасалске. Тае Микола... уг улы. Гизыртись йӧлэсь шурдытэ со туж умой вала.

Панферов, Бруски.

Точкаос интые кылъёс: *мырзиськыса, дугдылытэк, шӧбытэк, букояськыса.*

П. Кузесь сйзыл жытьёс вуо. Илюшалэн мумиз, пыдъёссэ улаз ..., диван вылэ пуксе но, мылыз ..., пинал чулки керттыса пуке. Куддыръя ымзэ паськыт ..., со вушйылэ, куддыръя чулки керттон вененыз йырзэ чабъя. Со вӧзын Пелагея Игнатъевна но Настасья Ивановна пуко. Соос, уже нырзэс ..., Илюшалы праздник азелы маке но вуро. Илюшалэн аиз, киоссэ безаз ..., комнатаетиз мыд-мыдлань ветлэ, ас улонэз ярамен.

Гончаров, Обломов.

Точкаос интые кылъёс:

*потытэк, усьтылыса, тырыса (2 пол), месьса.*

III. — Кызы ке но, оло, толъёз на али, — малпа пересь, корка корзэ тйр тышен ... . — Нош обоз ке вуиз, соку?..

Усем лымы пересьлэсь вань малпамзэ обоз вылэ вуттэ. Обоз тол сюрес усем бере ик, шур ..., вуылэ. Калыкез со арлы огпол гинэ адзылэ. Малпан бадзым. Музгарко кузеезлэсь котькуд кылзэ вала. „Обоз“ кылэз ..., шур вылланы учке но ... никсаны кутске.

Мамин-Сибиряк, Студеной вылын толъён.

Точкаос интые кылъёс:

*кынмыку, тышкаса, поттылыку, шумпотыса.*

148 уж. Точкаос интые деепричастислэсь кылпумзэс ватсаса, гожъялэ.

Жоген пристав кошкиз. Аслаз дунтэм тарантасаз пуксьы..., солэн кузь, восьтэт тыбыраз учкы..., Осип сярысь но, староста сярысь но, Жуковоысь недоимкаос сярысь но вунэтэмез адзиське, со маке ас ужез сярысь малпа. Пристав одйг иськем но кошкы... ӧз вутты, со куспын ини Антип Седелъников Чикильдеевъёслэн коркастызы самовар поттиз, со съӧры бабка, гадтыр черекъя..., мынйз.

Антип, кузесь вамышъя... , жог мынэ, нош лек, чупрес пересь, шок поты... , ӧжыт гинэ усъылы... , со съӧры уиське: кышетэз солэн пельпумаз усемын, вож пурьсытам йырсиез тӧлъя тӧла. Шӧдым... щорысь со дугдйз но, зэм бунтовщик сямен, гадяз мыжга... , бӧрдэм кадъ нёръясь куараен черекъяны кутскиз. Чикильдеевъёслэн корказы самовартэк уката мӧзмыт луиз.

Чехов, Мужикъёс.



## НАРЕЧИЕ.

### § 70. Наречие сярись валан.

Действилэсь признаксэ или действилэсь пӓртэм обстоятельствоосын ортчемзэ возъматйсь вераськон люкетэз наречие шуо.

Наречие валэктэ действилэсь дырзэ, интызэ, кызызэ, кӓня луэмзэ. Солэн юаньёсыз: ку? кытын? кытысь? кытысен? кытчы? кытчюзь? кытй? кызыь? кӓня?

Например: 1. *Гужем шурын трос пыласькылӓм*. Ку пыласькылӓм?—*Гужем* (наречие действилэсь дырзэ возъматэ).

2. *Аэроплан ваське улэ*. Кытчы ваське?—*Улэ* (наречие, действилэсь интызэ возъматэ).

3. *Петя Зеч дышетске*. Кызы Петя дышетске?—*Зеч* (наречие, действилэсь кызы луэмзэ возъматэ).

4. *Татчы ми пыралом, вите бжытак*. Кӓня вите?—*Бжытак* (наречие, действилэсь кӓня луэмзэ возъматэ).

Тросэз наречиос существительнойысь, прилагательнойысь но местоимениысь пӓрмемын пӓртэм суффиксьёсын.

Например: 1. Существительнойысь пӓрмем наречиос (*жыт — жытазе, ар — арсын (арскын), ужам — ужамъя, дыр — дыръя*).

2. Прилагательнойысь пӓрмем наречиос (*горд — гордак, съӓд — съӓдак*).

3. Местоимениысь пӓрмем наречиос (*мон — монъя, тон — тонъя, тӓй — тӓйя, мон сямен, ми сямен*).

Зуч кылысь пырем наречиос: *по-большеви́стски, по-стахановски* но мукет.

### 71 §. Интыез возъматйсь наречиос.

Действиез интыен валэктйсь кылъёсты интыез возъматйсь наречиос шуо.

Интыез возъматйсь наречиослэн юаньёссы интыян падежын существительнойлэн юаньёсыз кадесь ик (кытын? кытысь? кытысен? кытчы? кытчюзь? кытй? (кудлань?). Та юаньёсья наречиос тазы пуксёзы:

<i>татын</i>	<i>матын</i>	<i>вылын</i>
<i>татысь</i>	<i>матысь</i>	<i>вылысь</i>
<i>татысен</i>	<i>матысен</i>	<i>вылысен</i>
<i>татчы</i>	<i>матэ</i>	<i>вылэ</i>
<i>татчюзь</i>	<i>матэозь</i>	(уг верало)
<i>татӓй</i>	<i>матэӓй</i>	<i>вылэӓй</i>
<i>талань</i>	(уг верало)	<i>выллань</i>

Интыез возъматйсь наречиосы пыро на таӓе кылъёс: *отын, кыдӓкын, улын, съӓрын, съӓрлон, мыдланьын, берланьын* но мукет. Ваньзы соос вылӓй возъматэм юаньёсья кылпумзэс вошъяло. Кылпумъёссы существительнойӓслэн кадъ луо.\*

Интыез возматйсь наречиос лицоя но кылпумзэс вошъяло, например:

<i>дорам</i>	<i>сьōрам</i>	<i>азям</i>
<i>дорад</i>	<i>сьōрад</i>	<i>азяд</i>
<i>дораз</i>	<i>сьōраз</i>	<i>азяз</i>
<i>дорамы</i>	<i>сьōрамы</i>	<i>азямы</i>
<i>дореды</i>	<i>сьōрады</i>	<i>азяды</i>
<i>доразы</i>	<i>сьōразы</i>	<i>азязы.</i>

*Улын, вылын, дорын, сьōрын* но мукет наречиосты послелогъёсын ѓвѓл сурано. Послелогъёс лукузы, соос существительнойёсын герзаськыса, существительнойёс бере пуксѓ (*жѓк вылын, укно улын*). Нош наречиос огназы глаголэн герзасько (*улэ-тй лобе, вылын лоба*).

**149. уж.** Точкаос интые интыез возматйсь наречиосты тупанооссѓ пуктыса, гождъялѓ.

1. Тулыс ву сюрес вылысь калыкез троссѓ... берыктйз. 2. Толалтѓ, сюрес вылысь... кошкемлѓсь, век пуктыло. 3. Ижевск но Воткинсклэн виссы... ик ѓвѓл. 4. Туннѓ колхозникъёслэн собраниязы... производственной планзѓс эскерозы. 5. Сьѓд пилем,... вуыса, педлон шудйсь пиналгѓсты корка улляз. 6. Тулыс ву корка дорамы... вуѓ ни. 7. Туннѓ партийной собрание, ... ик комсомолецъёс но ѓтемын. 8. Газет лыдзъыса, ... иворъѓсты жог тодыны луѓ. 9. Куазь зорон азын пилемъёс... ветло.

Кудй наречиос причастиос азе пуксѓ но, соос кыкназы существительноез валѓкто.

Например: 1. *Матѓтй лобась аэропланѓз калык учкыны потйз*. Кытй лобась аэропланѓз?—*Матѓтй*—наречие, валѓктѓ *лобась* кылѓз—али дырын причастиез. *Матѓтй лобась* кылѓс валѓкто *аэроплан* кылѓз.

Наречие огназ но, существительноез валѓктыса, солэн азия пуксѓ.

Например: *Колхоз матысь бусыяз сяртчы кизиз*. Кыѓе бусыяз?—*Матысь* (наречие.)

**150 уж.** Скобкаосын наречиос -ын кылпумен сѓтѓмын. Кылпумзѓс кулѓезъя тупатыса, гождъялѓ.

1. Пастух скалгѓссѓ (матын) возмаса нуллѓ. 2. Музыкалэн шудѓмез (кыдѓкын) кылйське. 3. Поездлѓсь (матын) вуѓмзѓ шѓдыса, ваньмыз калык бугырскиз. 4. Музейлэн участокез бадзым, (отын) ик ботанической сад но пушйыто. 5. Садлэн (улын) усем куаръѓсыз ѓужектыны кутскизы. 6. Лек тѓл липетгѓслѓсь драмчаоссѓс (вылын) жутгъяз. 7. Читальня матын дыръя нуналлы быдѓ (отын) ветлылым ужаны. 8. Братѓ, Красной Армиысь бертыса, (кытын) вуылѓмзѓ, дышетскемзѓ шумпотыса вера. 9. (Кыдѓкын) лыктѓм физкультурникъёс физкультуралэн зѓчлыкѓз сяръысь колхозын доклад лѓсьтйзы. 10. Колхозмы кемалась кылдѓмын ини, (татын) мукет колхозъѓсысь колхозникъёс ужмес адзыны ветло. 11. Одыг пол (татын) губияса ветлым ни.

## 72 §. Дырез возьматйсь наречиос.

Действиез дырын валэктйсь кылъёсты дырез возьматйсь наречиос шуо.

Юанъёссы: ку? кӧня? куд мында?

Например: 1. *Шурысь ву тулыс ӧръёсысьтыз потылэ. Ку потылэ?—Тулыс.*

2. *Колхозникъёс лумбыт ужазы комбайнэн. Кӧня ужазы, или куд мында?—Лумбыт.*

Дырез возьматйсь наречиос таӵеесь луо: *пыр, ялан, быттыр, весь, али, соку, ку, ноку, олоку, котьку, кема, вазь, бер, толон, туннэ, ӥкна, кемалась, куке-соку, ӵытлань, гужемлань, ӥжже, арсын, нуналсын, гужембыт* но мукет.

151 уж. Точкаос интые гоӵъялэ дырез возьматйсь наречиосты, соос улийз гоӵтэмын.

1. Арлы пусьем планэз ударникъёс укмыс... быдэстйзы. 2. Эшелэн мылкыдыз... физкультура бордын. 3. Лыдзыса ке быдэстй,... сѣто тындыт та книгаез. 4. Нырысьсэ Ижевске ветлэме... но вунэтонтэм. 5. Лектор... трос тодонлык сѣтйз. 6. Пролетариат соку гинэ ворме,... соин коммунистической партия кивалтэ. 7. Пароход нырыныз зӧк йӧз пильылэ, пыргытья,... азылань кошке.

Точкаос интые кылъёс:

*весь, толзёсын, соку, часкын, ноку, куке, ялан.*

## 73 §. Кызызэ возьматйсь наречие.

Действилэсь кызы ортчезэ валэктйсь кылъёсты кызызэ возьматйсь наречие шуо.

Юанэз—кызы?

Например: 1. *Колхозникъёс планъя ужало. Кызы ужало?—Планъя (наречие.)*

2. *Соос обезличкаен туж зол нюръясьно. Кызы соос нюръясько?—Туж зол (наречиос).*

Кызызэ возьматйсь наречиос таӵеесь луо: *туж, гань, ганьгань, кескентэк, шуак, дуак, озьы, тазыы, кызыы, супыляк, укыр, уката, сокем, шап, ваче, валче, монъя, тонъя, по-большевистски, по-стахановски, чус-чус, лач-лач, супыль-супыль* но мукет.

-я суффиксэн местоимениысь наречиос пӧрмо (*мон—монъя, тон—тонъя*).

Прилагательнойысь -ак но -як суффиксьёсын пӧрмо (*горд—гордак, сьӧд—сьӧдак*).

Наречиосысь но мукет наречиос пӧрмо -ак но -як суффиксьёсын (*супыль—супыляк, весь—весьяк, пыр—пырак*).

Кудзэ кызызэ возьматйсь наречиосты ӧвӧл сурано качественной прилагательнойёсын. Фармазья соос ог тусьемесь луо, нош значенизы пӧртэм.

Например: *Чылкыт адями чылкыт улэ.* Та предложениын нырысе *чылкыт* кыл валэктэ *адями* кылэз—существительноез, соин прилагательной луэ. Кыктэтйез *чылкыт* кыл валэктэ *улэ* кылэз—глаголэз, соин со кызызе возматйсь наречие луэ.

*152 уж.* Гожъялэ но кызызе возматйсь наречиосты гожен тодмостылэ.

1. Сильтёл пожен соге инмез, лымьез зйр бергатэ: яке вузэ со зверь сямен, яке нуны сямен бёрдэ. (П.) 2. Сталин нимын асьме кунын номыр бвёл вормонтэм. Солэн нимыз дунне вылын югыт пиштэ кысонтэм. (П. Ч.) 3. Гурезь съорысь шундыед, дарали кадь, горд жужа. (Дяд.) 4. Пыд чины йылаз кариськыса, Илюша няняез дорысь пегзе но ваньзе луш-кем эскере, кин кытын изе. (Гонч.) 5. Огнев городысь бертэм бере, кёня ке нунал ортчыса, Буэрак гурт калык бугыр-бугыр ветлыны бдъяз, нюкьёстй, чошкыт азьёстй сельсоветазы мыно. 6. Уянэз зеч валасьёс музэн ик, бадзьмесь йб пурьёс, ваменэс луыса, каллен ву быземъя нискылско. 7. Пыж берлань туж жог лыктэ. 8. Огнев Степан со. Музьем понна ветлйз, дыр, нош ик,—каллен ватса на Китай. 9. Огнев пыж урдэс вамен секутэн мамыштйз но чал-чал сылйсь калык азьтй гурезь кузя тубыны кутскиз. (Панф.)

## 74 §. Кёнязэ возматйсь наречиос.

Действиез кёня луэмен валэктйсь кылъёсты кёнязэ возматйсь наречиос шуо.

Юанэз—кёня?

Кёнязэ возматйсь наречиос таёеесь луо: *пол, огпол, трос, бжыт, ичи, бжытак, чошен, оген.*

Например: *Бжытак малы ке ёрмид ке, гожты соку ик.* Кёня ёрмид ке?—*Бжытак* (наречие.)

*153 уж.* Гожъялэ но кёнязэ возматйсь наречиосэ гожен тодмостылэ.

1. Ымзэ бжыт үсьтыса, каллен гинэ соргетыны кутске.  
2. Мумиз Илья Ильичез трос пол чупаз. 3. Со куспын корка азын няняез адскиз, бжыт-бжыт гинэ кутыны вуиз на. (Гонч.)  
4. Пинальёс сикозь вуизы но оген-оген губияны пыризы. 5. Огпол ми пичиеныз братэным, пыже пуксьыса, кык километр кеме улэ васькыса, берлань пыжын ик тубим.

## 75 §. Наречиослэн сравнительной степеньзы.

Прилагательнойёслэн сямен ик, наречиослэн но сравнительной степеньзы луэ.

Наречиос—*матын, вазь, каллен, трос*—положительной степенён.

-гес или -гем суффиксьёсын наречиос сравнительной степенён луо (*матынгес, вазьгем, калленгес, тросгес*). Сравни-

тельной степень возматэ действилэсь кыче ке но признаксэ ичигес или трогес луэмен.

Огёз ар—шулдыр, дано.  
Мукетыз нош умойгес.  
Со понна яратоно  
Нылпиосмес кужмогес.

П. Чайников.

Та выль кырзанын *умойгес* но *кужмогес* кылъёс кыкназы сравнительной степенъын. *Умойгес* кыл валэктэ *ар* кылэз—существительноез, соин со прилагательной луэ. Нош *кужмогес* кыл валэктэ *яратоно* кылэз—безличной глаголэз, соин со наречие луэ.

154 *уж.* Гожъялэ но наречиоссэ гожен возматэ. Вылйазы гоштэ кыче степенъын луэмзэс.

1. 1. Нылпиос, матэгес кариське, нырысь партаосы пуксе.  
2. Сбрытгес мын, выёз! 3. Куазь кезытгес кариськиз. 4. Коркан чус, чалмыт луиз. 5. Кыктэти гудок калленгес кеськиз, оскытэгес, нап но мускыто куараез дырекъяса. 6. Туннэ со котьку сярись кемагес кеське кадъ, нэнэлы потйз. (Г.)  
7. Коркась кеж-кеж кеськем куара кылйськиз. 8. Чухляв туж кема кыллиз уробо улаз. (Панф.)

II. Ми котьмалэсь но кужмогес  
Яратиськом асьме мусо кунмес...  
Тёллэсь капчи, ваёбыжлэсь жоггес  
Тй лобзиды бус пыр—омыретй,  
Пеймыт, шимес тайга вылтй.

П. Чайников.

## СОЮЗ.

### 76 §. Союз сярись валан.

Предложениын кылъёслэсь но предложениослэсь кусыпсэс герзась вераськон люкетэз союз шуо.

Союз *юрттйсь* кыл луэ. Сое огназэ басьтыса, значенизэ зеч-зеч валаны уг луы. Нош предложениын со герза или кылъёсты, или предложениосты.

Например: 1. *Мон жытазе лыдзи но гожъяськи.* Та предложениын *но* союз луэ, герза кык кылэз.

2. *Машина басьтйм но, уж жог мыныны кутскиз.* Та предложениын *но* союз герза кык предложениез, нырысез предложение—*машина басьтйм*, кыктэтиез—*уж жог мыныны кутскиз.*

Союзёс таёеесь луо: *но, или, оло, нош, соин, а, ке, понна.*

*Но, или, оло* союзёс кылъёсты но, предложениосты но герзаны быгато.

**Нош, а, соин, ке, понна** союзъёс предложениосты гинэ герзало.

Политической литературае, газетьёсы, научной литературае сложной предложениосты герзаны понна зуч кылысь **что** но **чтобы** союзъёс али пыро ни.

Например: *Шуо, что колхозъёслэн сюрессы луэ шонер сюрес, но со секыт. Со ог ласянь гинэ зэм. Конечно, шуг-секытъёс та сюрес вылын вань. Зеч улон даром уг сётиськы. Но уж со бордын, что главной шуг-секытъёс ортчемын ни, а со шуг-секытъёс, кудъёсыз сыло тй азяды, уг сыло сое, чтобы серьёзно вераськыны соос сярись.*

И. В. Сталин. Колхозник-ударникъёслэн нырisesей съездазы верамысьтыз.

Предложениосты герзаны понна таёе местоимениос но союзъёс интыын луыло: *кыёе, сыёе, таёе, сомында, тамында, кёня, кудйз* но мукет.

Например: 1. *Кёня ужалод, сомында ик басьтод.*

2. *„Стахановской движение со рабочийёслэн но рабочий нылкышноослэн сыёе движенизы, кудйз асьмелэн социалистической строительствомылэн историяз солэн самой дано (славной) страницаосыз пöльысь одйгез луыса пыроз“.* (Сталин.)

Союз интыын таёе наречиос но луыло: *собере, ку, кызыы—озыы, кытын—отын, кытын ке—отын ик, кытысь—отысь, кытчы ке—отчы ик, кытй ке—отй ик, куке—соку ик* но мукет. Ваньмыз таос предложениосты герзало.

Например: 1. *Со интыын, кытын гурезе сюрес тубе, сыло куинь пужымъёс.* (П.)

2. *Нискыланы мыном отчы ик, кытчы толон ветлйм.*

Союзъёс нимазы гожтйсько.

Союз интыын луйсь местоимениосты но наречиосты öвöл кулэ сураны местоимениосын но наречиосын. Соослэсь ма луэм-зэс валаны луэ предложениосын содержанизыя.

Например: 1. *Отын выль коркаос сыло.* Та предложениын отын кыл наречие луэ.

2. *Кытын азьвыл сöд нюлэс гинэ вал, отын табере выль заводъёс, коркаос.* Та предложениын отын но кытын кыльёс союзъёс луо ни.

3. *Кёня ке ужад, сомында басьтод.* Та предложение—сложной предложение, кёня но сомында кыльёс—союзъёс.

4. *Кёня нунал ужад?* Та предложение—простой, кёня кыл—вопросительной местоимение.

*Шуыса* деепричастие но предложениын союз интыын луылэ.

Например: 1. *Гужем тй экскурсиен мыноды шуыса, мон кылэм вал.*

2. *Бабка Сашаез аслаз бакча дораз пуктйз но, зазегъёс медаз пыре шуыса, возьманы косйз.* 3. *Саша öжыт сылйз, мöзмиз но, зазегъёс уз лыктэ шуыса, ярдуре кошкыз.* (Чех.)

155 уж. Гожъялэ но союзьёссэ гожен тодмостылэ. Вералэ, кыльёсты-а, предложениосты-а соос герзало.

I. 1. Рабочийёс но колхозникъёс коммунистической партилэн кивалтэмезъя социализм дуру. 2. Мон гуртэ пыдын берто шуисько вал но, сапеге ёвёл, нош куазь туж кезыт. (Чех.) 3. Гурт събрын или пуны вузэм, или кион вузэм куара кылйське. 4. Машинаен ужаны капчи но жог. 5. Ижевске мынй ке, заводэ ужаны пыро. 6. Оло тон, оло мон азьвыл ужмес быдэстом. 7. Ужме быдэстйсько ке, соку мылкыды капчи луэ. 8. Революцилэсь азьло асьмелэн трактор уг лэсьто вал, нош табере асьмеос трактор трос поттыны кутским. 9. Мон гожъяськи, а тй суредады. 10. Зеч дышетскыны понна мон трос ужасько на гуртын. 11. Малы кенеред пась шуыса, кужмын кенеше улляло. (Дяд.) 12. Уй пеймыт ке но, быдэс гурт аслаз тёды липетьёсыныз, чындйсь мурьёсыныз адске. 13. Гёрен авсеям писпуос но, лымы выръёс но адско. 14. Машинаед тупатэмын ёвёл ке, эн кутскы соин ужаны. 15. Куазь тёласькыны ёдъяз, кык пол чилектыса гудыртыз, собере туж чебер зорыны кутскиз.

II. 1. Малы хозяйстволэсь капиталистической системазэ социализм вормыны быгатоз, вормоно луэ но одно ик вормоз? Соин, что со, хозяйстволэн капиталистической системаез сярысь, ужлэсь данлыклы выль образецъёссэ, трудлэсь выль производительностьсэ сётыны быгатоз. Соин, что со обществолы, хозяйстволэн капиталистической системаез сярысь, уюгом продуктёс сётоз но обществовоз узыргем кароз. (Сталин.)

III. Мон тындыл тамак посо, инмарлы вёсясько, нош маке луиз ке, соку жуг монэ, пуныез кадь жуг. Нош тон, мыным уж ушедьы шуыса, малпаськод ке, мон вузкарьсьлэсь сапегъёссэ сузяны курисько, или Федька интые пудо возьманы ляльчие мыно. Мусо песятай, нокиче чидан ёвёл ни, одйг кулон гинэ кылиз на. Нош бадзым ке будй, со понна мон тонэ судо, нокинлы исамес карыны уг сёты. Нош кулид ке, сояз дуннеын зеч мед улод шуыса, кызы Пелагея муми понна вёсяськи, озы ик тон понна но вёсясько.

Чехов, Ванька.

IV. 1928 арысен туж бадзым зерновой фабрика—„Гигант“ совхоз ужаны кутскиз. Тодйськоды-а, кыче площадь со басьтэ?—Север паласен юг пала сизьымдон куинь километр но запад паласен восток пала ньыльдон километр. Бен кызы, отын ужасьёс пыдын-аветло?—Уг. Автобусъёсын ветло-а?—Уг. Соос кытын ке ужало, отын ик уло но. А со ведь туж просто гинэ. Сое тодыны понва, профессор луыны но чик кулэ ёвёл. Събре походной кухня басьтыса, бусыны сиськыны луэ бере, рабочийёслы усадьбае нуязеяны бызьылонэз ик ёвёл шуыса, начальной школаысь котькудиз школьник но тиледлы вералоз. Жытлы быдэ усадьбае кёланы ветлонэз ик ёвёл. Палаткаосын но кёланы луоз. Нош зориз ке? Вот кыче куректон шуыса, малпалод-

Бен зорлэсь олокдня километр кеме усадьбае пегалод-а? Палатка зорлэсь но утялтоз. Красноармеецьёс быдэс гужемез но палаткаосын уло ук.

М. Ильин, Великой план сярысь рассказ.

156 уж. Гожъялэ но курсив букваосын висьям кыльёссэ вералэ: кудьёсыз союз луо, кудьёсыз—наречие но местоимение.

1. *Кызьы* ке тон лэсьтйд, мон *озьы* ик лэсьто. 2. *Кызьы* тй-ляд фамилиды? 3. *Озьы* сое лэсьтоно. 4. Эмезяны мыном *отчы*, *кытчы* ноку но ём вуылэ на. 5. *Отчы* ву понна ветлйськом.
6. *Кытчы* понйд книгадэ? 7. *Кинлэсь* басьтйд та карандашез, солы ик сёт. 8. *Солы* грифель но доска басьтйллям. 9. *Кинлэсь* туннэ урокын юазы? 10. *Отын* но *татын* муръёсысь чын потэ.
11. *Кытын* ке тон дышетскйд, мон но *отын* ик дышетско.

## ЧАСТИЦАОС.

### 77 §. Частицаос сярысь валан.

Трос дыръя вераськон кыламы пыро сыче кыльёс, кудьёсыз-лэн, нимазы басьтыса, значенизы уг луы. Нош предложениын соос быдэс предложенилэсь или кыллэсь гинэ валатонзэ пёртэм-пёртэм карыло. Соос частицаос шуыса нимасько.

Предложениын валэктэмзыя частицаос таё группаослы люкисько:

1. Юаны понна частицаос: *а, о, шат*.

Например: 1. *Быгатйськод-а скрипкаен шудыны?* 2. *Кытын-отй ужаськоды?* 3. *Туж бер шат вуи?*

2. Кужмоятйсь частицаос: *гинэ, ведь, ай, али, ка, ук*.

Например: 1. *Асьме странаын гинэ улон умой, шулдыр.*  
2. *Со ведь тае эскериз.* 3. *Мынэ ай, губияны ветлэ, пинальёс.*  
4. *Лык ай татчы матэгес.* 5. *Чалмытгес кариське али, пинальёс!* 6. *Со жоггес ветлэ ук.*

3. Юнматйсь частицаос: *бен, или, на, ик, но, уга*.

Например: 1. *Бен, озьы сое лэсьтоно.* 2. *Та книгаез мон лыдзи ук.* 3. *Ижевске мон ой ветлы на.* 4. *Нош ик куазь кезьытскиз.* 5. *Нокин но бригадирлы пумит оз луы.* 6. *Кытчы эмезяны ветлйм уга, отысь трос губи но ваим.*

4. Тодмотэм частицаос: *ке, ке но, бен*.

Например: 1. *Кытысь ке арган куара кылйське.* 2. *Кинлы ке но тае лэсьтоно.* 3. *Кытын бен ужаськод?*

5. Отрицательной частицаос: *ёвёл*, но глагольёслэн вань отрицаниоссы: *уг, уд, уз, ой, од, оз, ом*, огназы сылкузы. Та частицаос кыл азын нимазы пуксё, кыл бере уг пуксё. Предложениын валатон сётонзыя частицаосы пыртэмын.

Например: 1. *Вася тон-а туннэ дежурной?—ёвёл, туннэ Лида дежурной.* *ёвёл* кылэн предложенилэн валатонэз мукет луэ, кужмогес.



2. *Петя, мынод-а киное?—Уг, туннэ дыры өвөл.* 3. *Сочинение гожтүйд-а?—Ой, ой гожты на.*

Кудйз частицаос кыл азе но пуксё, предложенилэсь валатонзэ воштытэк.

Например: 1. *Ветло ай. Ай ветло.* 2. *Мон но бен озьы ик шуи ук. Бен мон но озьы ик шуи ук.*

Предложениын *ке, ке но* частицаос союз интыын но луо. (*Лыдзыса быдэстүйд ке, мыным сёт та книгаез. Со сярысь веразы ке но, вунэйтйськем ни мон.*)

*Но* кыл частица но, союз но луэ.

Например: 1. *Якутиын музъем эгыр но, корт но, азвесь но, сьёд узвесь но, зарни но вань.* Та предложениын *но* — союз.

2. *А музъем улын исатэк кыллись музъем эгыр — нокинлэн но эгырез уг луы на.* (М. И.) Та предложениын *но* частица.

3. *Верад но, вунэйтйськем.* Та предложение — сложной предложение, *но* — союз.

*Али* частицаез дырез возьматйсь наречиен өвөл сурано. *Али туж шулдыр сылэ куазь.* Та предложениын *али* — наречие. *Лыкты али татчы.* Та предложениын *али* — частица.

## 78 §. Частицаосты шонер гожъян.

*А* но *о* юан частицаосты дефисэн висъяса гожтоно (ветлйд-а, кытысь-о).

1. *Өвөл, уг, уд, уз, ум, ой, өз, өм, эн* нимазы висъяськыса пөрмем отрицательной частицаос предложенилэн аяз пуксё, соос бере джыт дугдыса вераськом. Соин сыче частицаос бере запятой пуктоно. (*Өвөл, озьы өвөл лэсьтоно. Ом, туннэ ом гожъяське. Эн, озьы эн лэсьты.*)

3. *Бен* частицаез куараен висъятэк но верало, соку запятоен уг висъяло.

Например:—*Бен мон тонэ яратйсько ук,— шуиз Цыганок Алёшалы. (Гр.)* Та предложениын *бен* частицаез *мон* кыл бере но пуктыны луэ. (*Мон бен тонэ яратйсько ук.*) Валатонэз уг воштйськы.

4. *Ук, ке, на, ик, ай, али, ка, шат, но, уга, гинэ* частицаос нимазы, но кыче знакёсын висъятэк, гожтйсько.

157. *уж.* Гожъялэ но частицаоссэ гожен тодмостылэ. Вералэ, кыче группас соос пыро.

II.—Ноку но бере уг ни кылылы, монэ тазы тышкаськоноуд ни луэ, котькытчы ик дыраз вуо,—куро сзъяны кутскыса, аслэсьтыз янгышсэ ватытэк, Машалы Петыр вера.

— Аджом али, талэсь азвыл но тон озьы ик шуид вал ук,— Маша Петырлы вера.

А. Миронов, Дас тямс.

III. Озы мынон куспамы куазь пеймыт но луыны кутскиз ни. Мынонзэ нош ми жог гинэ мынийськом.— „Крепость дорозь кыдёкын на-а?“ — юай мон ямщикелэсь.— „Кыдёкын ик өвөл ни,—

шуэ сө.—Тйни адске ини“.—Мон котырак эскерьяськисько, крепостьлэсь башняоссэ, кышкытэсь бастионъёссэ но котыртйз жужыт вырен жутэм сюез адзо шуыса малпасько вал, нош коръёсын котырак заборам гуртэз сяна, номре но ёй адзы. Гуртлэн огпал урдсаз жыныез лымые согиськем куинь-а, ньыль-а турын зуродъёс сыло; мукет палаз курез лэсьтэм бурдо кырыжам тёл вуко сылэ, бурдъёсыз, азьтэм муртлэн киосыз сямен, лэзькемын.—„Кыгын бен крепость?“—абдраса юай мон. „Бен тани со“,—ямщике кыныз гурт шоры возматэ. Со куспын ик ми крепосте но пырим. Нокин но ёз пумита монэ, мон корказяз туби но корка ёсэз усьтй.

А. Пушкин, Капитан ныл.

## МЕЖДОМЕТИЕ.

### 79 §. Междометиез валан.

Верасьлэсь пёртэм мылкыдзэ возматись куараен люкыса верам кылъёсты междометие шуо.

Например: *Эк, кыёе шулдыр нюлэскын!* Та предложениын *эк* верась муртлэсь шумпотэм мылкыдзэ возматэ.

2. *Я, ку уждэ быдэстод на? Я* куара паймыса верамез возматэ.

3. *Ой! Кыёе пыдме шукки. Ой* вёсь луэмез возматэ.

4. *Эк-эк-эк! Кыёе умой адями вал. Эк-эк-эк* верасьлэсь жалямзэ возматэ.

Мылкыдзэ возматись междометиослэн туссы но воштйське.

Например: Шумпотон дырья — *Эк! Ура!*— шуиськом.

Косон	„	<i>Я ойдо!</i>
Кышкан	„	<i>Ой, ойы!</i>
Куректон	„	<i>Эк-эк-эк!</i>
Жалян	„	<i>Эк! Ой-ой-ой!</i>
Абдран	„	<i>Э-э-э!</i>
Юрдон	„	<i>Оч-оч-оч!</i>
Кышкатон	„	<i>Уть! Оқ! У-у-у!</i>
Вёсь луон	„	<i>Об-об! Обб!</i>
Кынмон	„	<i>Ыш-ыш.</i>
Нуны веттан	„	<i>О ё-ё!</i>
Валэз дугдытон	„	<i>Тпр-р-ру!</i>
Вазиськон	„	<i>Эй!</i>
Адзонтэман	„	<i>Олй-олй! Тфу! но мукетёсыз.</i>

Тросэз междометиеос пёртэм мылкыдъёсты возматэ.

Например: *Эк* междометие куректонэз но, шумпотонэз но, жалянэз но возматэ.

Ваньзэ междометиеосты куинь группалы люкыны луэ:

1. Огшоры мылкыдзэ возматись междометиеос *эк-эк-эк, ыш-ыш, ой, уть* но мукет.

2. Өтөн мылкыдэз возматйсь междометиос *ойдо, чиге-чиге, чипы чипы, диге-диге* но мукет.

3. Пычкылыса верамез возматйсь междометиос *ав-ав, мяу-у, бе-ээ* но мукет.

Междометие бере запятой пуктоно. Междометиез зол, кесь-кысагес вераку, со бере восклицательной знак пуктоно.

Например: 1. *Эк, дырыз-дыръя ой вуу.*

2. *Ой! Пуны куртчиз.*

Междометиос кык-куинь пол ке верамын или ббрысь букваез нёжтыса ке вераське, висказы дефис пуктоно. Например: *ыш-ыш-ыш!*

158. *уж.* Междометиос бере кулэ знакёс пуктылэ.

1. 1. О Иван Петрович, туж умой, умой. 2. Ойдо лык татчы, султы аслад интыяд,— Петырез куро сэзьяны Маша вбоза бте.

3. Ура, ура, ура кесьякыса, ударникёс пересь Митрофанэз, мамыкез сямен, ки йылазы вылэ куяны кутскизы. 4. Эй Митрофан, лыктэ ини жоггес. 5. Айда кошком.

М и р о н о в ъ я .

159. *уж.* Точкаос интые междометиос пуктылыса, гожьялэ.

1. ... кыче шулдыр садын. ... жог лыдзы. 3. ... басьтэ газет. 4. ... бжыт вуэ ой усыы. 5. ... кыче пыды гылзиз. 6. ... макин отчы сяззем. 7. ... кыче та вылэм. 8. ... кыче куазь кезьытскиз. 9. ... кыче жог лобзе ук.

Вакчиятыса гожтэм фамилиос.

*Авд.*— Авдеенко А.  
*Г.* — Максим Горький.  
*Гр.* — Груздев И.  
*Гонч.*— Гончаров И. А.  
*Дяд.*— Дялюков И. Т.  
*Л. Касс.*—Кассиль Л.

*М. В.* — Воронцов М. В.  
*М. И.* — Ильин М.  
*Панф.*— Панферов.  
*П.* — Пушкин А. С.  
*П. Ч.*— Чайников П.  
*Чех.* — Чехов А. П.  
*Н. О.* — Островский Н.

## О Г Л А В Л Е Н И Е .

### В Е Д Е Н И Е .

	Стр.		Стр.
1 §. Предложениез валан . . . . .	3.	6 §. Простой но сложной предложениос . . . . .	10.
2 §. Предложениослэн куарая люкиськемзы . . . . .	4.	7 §. Кыллен значениез но формаез . . . . .	11.
3 §. Подлежащей но сказуемой . . . . .	5.	8 §. Ононимъёс . . . . .	12.
4 §. Предложенилэн второстепенной членъёсыз . . . . .	8.	9 §. Синонимъёс . . . . .	13.
5 §. Вблскем но вблскымтэ предложениос . . . . .	9.	10 §. Антонимъёс . . . . .	14.

### Ф О Н Е Т И К А .

11 §. Куара но буква . . . . .	15.	16 §. <i>И</i> букваез шонер гожтон . . . . .	21.
12 §. Вараськон оргацъёс (органы (речи) . . . . .	15.	17 §. <i>Э</i> букваез шонер гожтон . . . . .	22.
13 §. Гласной куараос . . . . .	16.	18 §. <i>Ж</i> букваез шонер гожтон . . . . .	22.
14 §. Согласной куараос . . . . .	17.	19 §. <i>З</i> букваез шонер гожтон . . . . .	23.
15 §. Небыт но чурит куараосты шонер гожтон . . . . .	18.	20 §. <i>Ч</i> букваез шонер гожтон . . . . .	23.
		21 §. Кык полэс букваосын кылаёс . . . . .	24.

## МОРФОЛОГИЯ.

22 §. Основа но кыякум . . . . .	26.	50 §. Числительнойёслэн склоненизы . . . . .	63.
23 §. Корень . . . . .	26.	51 §. Послелогъёсын числительнойёс . . . . .	66.
24 §. Суффикс . . . . .	27.	52 §. Числительнойёсты шонер гожьян . . . . .	66.
25 §. Приставка . . . . .	28.	53 §. Местоименне сырысь валан . . . . .	67.
26 §. Сложной кылъёс . . . . .	29.	54 §. Местоимениослэн склоненизы . . . . .	69.
27 §. Вакчиятэм сложной кылъёс . . . . .	31.	55 §. Местоимениос послелогъёсын . . . . .	72.
28 §. Существительной сярьсь валан . . . . .	33.	56 §. Глагол сярьсь валан . . . . .	75.
29 §. Существительной трос лыдын . . . . .	35.	57 §. Неопределенной формаен глагол . . . . .	76.
30 §. Существительнойёслэн склоненизы . . . . .	36.	58 §. Изъявительной наклонение . . . . .	77.
31 §. Нырысетй склоненилэн таблицаез . . . . .	37.	59 §. Нырысетй спряжеиысь глаголъёсты шонер гожьян . . . . .	78.
32 §. Кыктэтй склонение . . . . .	37.	60 §. Кыктэтй спряжение . . . . .	80.
33 §. Пёртэм падежъёсын существительнойёслэн значенизы но формазы . . . . .	39.	61 §. Условной наклонение . . . . .	85.
34 §. Падежной кылпумъёсты шонер гожьян . . . . .	41.	62 §. Повелительной наклонение . . . . .	85.
35 §. Притяжательной существительной . . . . .	43.	63 §. Безличной глогольёс . . . . .	89.
36 §. Притяжательной существительнойёслэн склоненизы . . . . .	45.	64 §. Юрттйсь глагол . . . . .	90.
37 §. Притяжательной существительнойёсты шонер гожьян . . . . .	48.	65 §. Однократной но многократной глаголъёс . . . . .	92.
38 §. Существительнойёслэн суффиксъёсы . . . . .	49.	66 §. Глаголлэн видъёсыз . . . . .	93.
39 §. Послелог сярьсь валан . . . . .	50.	Глаголлэн пёрмемез . . . . .	94.
40 §. Послелогъёслэн склоненизы . . . . .	51.	68 §. Причастие . . . . .	96.
41 §. Послелогъёслэн притяжательной луэмзы . . . . .	54.	69 §. Деепричастие . . . . .	98.
42 §. Прилагательной сярьсь валан . . . . .	55.	70 §. Наречие сярьсь валан . . . . .	101.
43 §. Качественной но относительной прилагательнойёс . . . . .	55.	71 §. Интыез возыматйсь наречие . . . . .	101.
44 §. Существительнойёсысь пёрмем прилагательнойёс . . . . .	56.	2 §. Дырез возыматйсь наречие . . . . .	103.
45 §. Прилагательнойёс трос лыдын . . . . .	58.	73 §. Кызыыз возыматйсь наречие . . . . .	103.
46 §. Прилагательнойёслэн склоненизы . . . . .	58.	74 §. Кёнязэ возыматйсь наречие . . . . .	104.
47 §. Прилагательнойлэн степеньёсыз . . . . .	59.	75 §. Наречиослэн сравнительной степенизы . . . . .	104.
49 §. Числительной сярьсь валан . . . . .	62.	76 §. Союз сярьсь валан . . . . .	105.
		77 §. Частицаөс сярьсь валан . . . . .	108.
		78 §. Частицаосты шонер гожьян . . . . .	109.
		79 §. Междометиез валан . . . . .	110.

Отв. редактор *А. Я. Галичанина*. Техред. *М. А. Лямин*. и *Т. В. Токарев*.  
Корректор *Т. Леконцева*.


Сдано в производство 4/VIII—1933 г. Подписано к печати  $\frac{3}{4}$ —1933 г. Бумага 60×92 $\frac{1}{16}$ . Печ. лис. 7, авт. л. 8. Бумажных листов  $\frac{3}{4}$ . В 1 бум. листе 94000 тип. зн. Уполглавлита № 3413 Заказ № 3425. Удгиз № 119. Тираж. 10000.

г. Ижевск УАССР, типография Удгиза, Пастухова, 27.


11. 1933 г.

Акт № 4

Вкладн. л.







11751

У	мур.
3-134	

2